

ՊԱՏՄԱԿԱՆ ՏԵՂԵԿՈՒԹԻՒՆՆԵՐ
ՀԱՅԱՍՏԱՆԻ ՀՈՂԵՐԻ
ՈՌՈԳՄԱՆ ՄԱՍԻՆ



ԳՐԵՑ

ՄԵՍՐՈՒ ՄԱԳԻՍՏՐՈՍ ԱՐՔԵՊԻՍԿՈՊՈՍ



ԵՐՈԽՈՎԳԵՑ

ՏՊԱՐԱՆ ՍՐԲՈՅ ՅԱԿՈԲԵԱՆՑ

1936

631.6

5-46

24 SEP 2010

CTOS

ALL C



50-000103

0005932 + 3

22 AUG 2013

631.6

S-46

ՊԱՏՄԱԿԱՆ ՏԵՂԵԿՈՒԹԻՒՆՆԵՐ

ՀԱՅԱՍՏԱՆԻ ՀՈՂԵՐԻ

ՈՌՈԳՄԱՆ ՄԱՍԻՆ

ԳՐԵՑ

ՄԵԽՐՈԴ ՄԱԳԻՍՏՐՈՍ ԱՐՔԵՊԻՍԿՈՊՈՍ



ԵՐՈՒՍԱՂԵՑ

ՏՊԱՐԱՆ ՄՐԲՈՅ ՅԱԿՈԲԵԱՆՑ

1936



63206-67

17.293

ՊԱՏՄԱԿԱՆ ՏԵՂԵԿՈՒԹԻՒՆՆԵՐ
ՀԱՅԱՍՏԱՆԻ ՀԱՂԵՐԻ ՈՌՈԳՄԱՆ ՄԱՍԻՆ

Ա. Երկրի կլիման եւ վերջին իշխողների
վերաբերմանը.

Խորհրդային Հայաստանի ներկայ տեղական իւր աշխարհագրական եւ կլիմայական դիրքի պատճառով արհեստական ոռոգման անհրաժեշտ կարիքն ունի։ Ծովերից և ովկիանոսներից նա թէ հեռու է լընկած և թէ նրանցից բարձրացող չոգիների ճանապարհին գտնւող բարձր լեռնաշղթաները արգելք են հանդիսանում տարւայ բոլոր եղանակներին, յատկապէս ամառայ խիստ չոգերի ժամանակ, երկրի մակերեւոյթին կենդանութիւն տւող խոնաւութեանը՝ ցանկալի չափով ներս թափանցելու։ Ամառայ սկիզբներին Ագուլիսում ականատես ենք եղել թէ ի՞նչպէս նրա անմիջական մերձաւորութեան վրայ բարձրացող լեռնաշղթան արևելքից եկող ամպերի տռաջը բռնել են պարսպի պէս, թէ ի՞նչպէս այդ ամպերը հասնելով ամենաբարձր գագաթներին, ծածկել են սրանց միջի զիգզագաձեւ տարածութիւնը հաւասարապէս և ամբողջ բարձունքներին վիթխարի պարսպների նմանութիւն տւել։ Ահա

թէ ինչով է բացատրւում Ղափանի խոշոր անտառների եւ փարթամ բուսականութեան ներկայութիւնը և Սգուլիսի ու նրա հարեւան երկրամասերի ամայութիւնը, մանաւանդ երբ արհեստական ոռոգում ևս գոյութիւն չունի: Կառպից Ծովից բարձրացող ամպերը միշտ չեն կարողանում մակլցել Սգուլիսի արեւելա-հիւսիսային բարձրութիւնները և անձրենները թափում են Ղափանի շրջանում:

Նոյն պատկերն է մեզ ներկայանում պատմական Հայաստանի արեւմուտքում: Սարցամիշի ընդարձակ անտառները, Օլթիի փարթամ ըուսականութիւնը, Սխալցիսայի, Քուսի հովտի աննման կանաչութիւնը առատօրէն ոռոգում են Աեւ Ծովի խոնաւութիւնից. մինչդեռ հիւսիսից հարաւ ընկնող բարձր լեռնաշղթանները պատշնէլ են կանգնած նոյն խոնաւութեան առաջ ու Ղարսից ու Ղարաբաբայից սկսած դէպի Հայաստանի հողամասերը միանգամայն զուրկ են անտառներից և փարթամ արօտներն ու խոտաբոյսերը աճում են գլխաւորապէս ձմեռայ չափազանց առատ ձիւների հետեանքով: Ահա թէ ինչո՞ւ մեր երկրի կլիման կոնտինենտային — ցամաքային — է կոչում:

Նման բնական արգելքներ գոյութիւն ունին նաև երկրի հիւսիսում և հարաւում:

Քանի որ բնական պայմաններով ծովերի գոլորշիների ընթացքին խանգարող

արգելքներ կան, մեր երկրի մեծագոյն մասը զրկւած է որոշ չափով նաև այդ գուլորշիների մթնոլորտը մեղմացնող բարիքից: Ամառայ շոգերը մեր երկրում, ոչ միայն դաշտային մասերում և հովիտներում, այլ մինչև իսկ լեռների բարձրունքներում, ցերեկը անտառնելի են լինում, նոյն համեմատութեամբ ձմեռայ սառնամանիքներն են մեր երկրի կենդանական և բուսական աշխարհին գտնան և անտառնելի ծանր հարուածներ հասցնում: Ահա թէ ինչո՞ւ Հայաստանը երկրագնդի այն մասերիցն է, որտեղ կուլտուրական եւ բնականոն կենցաղ ստեղծելու համար, պահանջւում է շատ աւելի մեծ էներգիա և նախաձեռնութեան ոգի, քան աշխարհիս շատ և շատ բախտաւոր երկրամասերում: Այդ նախաձեռնութեան ոգին ամենից առաջ պիտի արտայայտւի այն ուղղութեամբ, թէ ինչ որ բնական եղանակով պատրաստի գոյութիւն չունի անհրաժեշտ չափով, պիտի ձեռք բերւի տոկուն աշխատանքի և խելացի ու նպատակայարմար գործադրած արուեստի միջոցով: Գիտակցող անհատը, համայնքն ու պետութիւնը պարտաւոր են ըմբռնելու տուեալ գրութիւնից բղխող մեծագոյն կարիքը և իրենց էներգիան այդ կարիքին ի սպաս դնելու:

Հայաստանում ապրող հայ մարդը և նրանից առաջ նոյն երկրում ապրող ժողովուրդներից ոմանք ըմբռնել են այդ մեծ

կարեորութիւնը, թէ Հայաստանը առանց
արհեստական ոռոգման կարող է առ ա-
ռաւելն ու զլխուորապէս խաչնարածու-
թեան վայր ծառայել, զուրկ նստակեաց
կեանքի քաղաքակրթութիւնից։ Հարիւր
տարի ցարական Խուսաստանը — հիւսի-
սային հզօր արձիւր — մեր երկրի տերն ու
իշխողն էր բառի ամենավատ մտքով, թէն
կուլտուրական պետութեան հովերով։ հա-
րիւր տարւայ ընթացքում այդ «կուլտու-
րական» պետութիւնը մեր երկրում անց-
կացրեց միայն երկու ուղղութեամբ շուե-
ներ և մի երկաթուղու գիծ, այն ևս պա-
տերազմական և հարեան երկիրներին տի-
բելու նպատակով։ Իսկ ջրաբաշխական որ
և է ձեռնարկ, բացի այն որ պետականորէն
այդ չի կատարւել, շատ անզամ արգել-
ուում էին նաև մասնաւոր ձեռնարկները։
Երկար տարիներ անհետեւանք էին մնում
էջմիածնի վանքի դիմումները Զանգու գե-
տից ջուր հանել Վաղարշապատի բերքա-
տու տարածութիւնները ոռոգելու համար։
Այդ իրաւունքը ձեռք բերւեց միայն 1912
թ. այն ևս անհատական ազդեցութեան
չնորհիւ։ Շուշեցի յայտնի բժիշկ Մովսէս բէկ
Աթաբէկեանը ցանկանում էր Ստեփանա-
կերտի մօտ իւր ջրաղացի ջուրը օգտագոր-
ծել փոքրիկ հիդրօկայանի համար։ տարիւ-
ների դիմումներից յետոյ միայն իրաւունք
ստացաւ, դարձեալ անհատական կապերի
չնորհիւ։ այլապէս երկար ժամանակ նըան

իրաւունք չէին տալիս։ Աւելորդ է օրի-
նակները կուտակել։

Յարական իշխանութիւնը բաւականա-
ցաւ անփոփոխ պահպանելով պարսից տի-
բապետութեան ժամանակւայ ջրային օ-
քէնքները և ստիպելով տեղական ազգա-
բնակութեանը, որ պահպանեն հին առու-
ները տարեկան անհրաժեշտ նորոգութիւն-
ներով, Միակ փորձը կատարուեց մի քա-
նի իշխանական եւ հարուստ ոռուների
ձեռքով, որ երասխ գետից ջուր հանեցին
— Արագդայեանի առուն — նրա ափերին
գտնւող ամայի հողերը ոռոգելու համար,
բամբակամշակման նպատակով։ Այն եւս
կիսկատար թողնւեց եւ Խորհրդային կա-
ռավարութիւնը աւարտ հանեց։

Իսկ Դաւենակցական կառավարութիւնը ·
նրա շինարական գործունէութիւնը ար-
տայայտւեց նրանով, որ Բագուեցի խո-
շոր կապիտալիստ Մայիլեան եղբայրներին
առատ կոնցեսիսներ տրւեց երկրի հանքա-
յին, անտառային և ձանապարհային հա-
րըստութիւնների ու ձեռնարկների շահա-
գործման համար։ Նրանք Թիֆլիզի Սոլո-
յակ թաղի իրենց գրասենեակում բազմած,
հպարտութեամբ պարձենում էին, որ ի-
րենց պորֆեյլը լի է գաշնակցական կա-
ռավարութիւնից ստացւած կոնցեսիանե-
րով։ Ոչ միայն այդքան։ էջմիածնի վան-
քը Զանգուի առուն շինել վերջացրել էր
և ջուրը բերել հասցրել էր վանքի անտա-

ուր: Սակայն կարճ ժամանակից յետոյ պարզւեց, որ առուի ճանապարհին այսպէս կոչւած հարամիներ, ստորերկրեայ ճեղքւածներ կան որ կլանում են ջուրը իսկ որոշ տեղերում աւազի բարձր շերտերը շարունակ փլչում են և խանգարում ջրի հօսանքին: Վանքը բերել տուեց մեծ քանակութեամբ ցեմենտ և շինանիւթեր, վտանգւած տեղերը վերաշինելու: Դաշնակցական կուսակցութիւնը, իւր գլխակորոյս ապստամբութեան օրերին, այդ բոլոր պատրաստի նիւթերը խլեց վանքից, վերանորոգելու Արաքսի իգդիր տանող կամուրջը, որ իւր իսկ կարգադրութեամբ քանգւած էր: Վերանորոգութիւնը կատարում էր, որ տաճիկ զօրքերը սահմանն անցնեն և միացած իրենց, ապրատամբներին հետ, կուեն նորահաստատ Խորհրդային կառավարութեան դէմ:

Բ. Խորհրդային կառավարութեան ձեռնարկները.

Իսկ ի՞նչ ենք տեսնում Խորհրդային կառավարութեան հաստատութիւնից յետոյ: Աւելորդ կլինի թւել, թէ մեր երկրի բանւորագիւղական լշխանութիւնը, ժողովրդի կարիքներին և նրա մեծագոյն շահերին նախանձախնդիր, մէկուկէս տասնամեակի չնչին ժամանակամիջոցում ինչ հսկայական չափերով է առաջ տարել եր-

կրի կենդանացման գործը յատկապէս ոռոգման միջոցներով: Առանձին հիացումով եմ մտարերում այն օրերը, երբ նորահաստատ մատաղ կառավարութիւնը առաջի հերթին ձեռնարկեց Զանգուի առուի աւարտման գործին: Մեր երկիրը իրենից ներկայացնում էր աւերակների կոյտ, սովալլուկ և մերկ բնակիչներով: Զար ապահովութիւն, ժողովութիւն ապրած լինելով գաշնակ կառավարութեան վայրագձեւերը, երբ արեւ թեքւելուց յետոյ վտանգաւոր էր նոյն իսկ Վաղարշապատից Երեւան գնալը, ոչ թէ աւելի հեռու տեղերինց այդ օրերում Խորհրդային կառավարութիւնը ժողովրդի ծով կարիքների բաւարարման գործն էր առաջ տանում և թէ շինարարական ձեռնարկներին ձեռնամուխ լինում: Հենց այդ օրերին մեր մատադ կառավարութիւնը սկսեց իշմիածնի առուի շինարարութեանը: Առուի աշխատանքները չէին վերջացել, վրայ հասան մեր երկրի ցրտերը, որից սաստիկ նեղուում էին աշխատողները, թէ վերահսկողները բաց սկսած գործը չկանգնեցրին և ծրագրուածը ժամանակին աւարտեցին:

Սակայն այդ սկիզբն էր խոշոր ծրագրիների և մի տեսակ կարկատան արդէն նախապէս կատարւած կիսկատար գործիւնն ինչ խօսք որ Հայտատանի բոլոր գիտակ քաղաքացիների յիշողութեան մէջ տակաւին թարմ է Շիրջրանցքի մեծագոյն ձեռ-

Նարկը, որի չափով ձեռնարկ մեր հնաւգոյն պատմութեան ամբողջ ընթացքում, բացի Ուրարտացիներից, ոչ մի իշխող չի կատարել, ոչ հին Հայերը, ոչ Պարսիկները, ոչ Հոռվմայեցիներն, Արաբները Ան։ Շիրջրանցքի աշխատանքները վերջացել էին և տեղի էր ունենում նրա բացման մեծագոյն հանդէսը։ Բազմաթիւ հիւրերի մէջ էր հոչակաւոր Ֆրիտեօֆ Նանսենը, որ Ազգերի Լիգայի կողմից, մի յանձնախումբի գլուխ անցած, եկեր էր Հայաստան իր թէ այդ Լիգայի կողմից մեր երկրին օգնութիւն հասցնելու։ Այդ լաւ մարդը, իր կամքից և ցանկութիւնից անկախ, մեր երկրի համար ոչինչ անել չկարողացաւ, բայց իրեւ յիշատակ իւր ճանապարհորդութեան գրեց մի գիրք — Արմենիա՝ խարուած ժողովուրդ — անունով, գերմաներէն, անգլիերէն և ֆրանսերէն լեզուներով հրատարակւած, որի մէջ համակրութեան մեծ և խրախուսանքի էջեր է նւիրում Հայաստանի երիտասարդ կառավարութեանը և Շիրջրանցքի գործը արդարացի կերպով ներկայացնում է իրեւ կենդանի կոթող և հաստատուն գրաւական երկիրը լաւագոյնս կառավարելու։

Գ. Ե՞րբ եւ ի՞նչպէս է սկսել ոռոգումը մեր երկրում.

Բոլոր ազգերի հնագոյն պատմութիւ-

նը սկսուում է առասպելներով։ Առասպելների և կրօնական պաշտամունքի կերպարանքով են ժողովուրդների մէջ պահպանւում հանրօգուած ստեղծագործութիւնների յիշատակները։ Մեր երկրի մէջ ջրի ոռոգմամբ երկիրը շէնացնելու աշխատանքները ժողովրդի յիշողութեան մէջ սկսւել են անյիշատակ ժամանակներից և պահել ժողովրդական հեքիաթների ձեռվ, վիշապների պաշտամունքով և աստուածանչեան առասպելով։ Մեր հեքեաթների մէջ սովորական են ջրերը կլանող և ցամաքեցընող հրէշների պատմութիւնները, որոնցից ազատւում են մարդկային, յատկապէս կոյս աղջիկների զոհաբերութեամբ^(*)։ Ջրերի պաշտաման կուլտը յայտնի դարձաւ, երբ Պրոֆեսօր Մառը Փառնիի գաւառում գտաւ վիթխարի քարերի վրայ փորագլրւած վիշապներ, որ իրենց օձային կերպարանքով, ոլորտներով հոսող առուների ջրերն են յիշեցնում։ Իսկ բիբլիայի առասպելը աւելի բան է տալիս։ Նախ այդ առասպեկլը նորաստեղծ առաջի մարդն ու կինը Հայաստանի բարձունքներից բղխող չորս գետերի ակունքների սկզբում տնկւած պարտեզն են բնակութիւն ստանում։ Մինչև օրս անկորուստ պահւած է Բարձր Հայքում, Եփրատ գետի ակունքներում,

(*) Տե՛ս «Բլբոււ կուշ» Աղդ. Հանդէս, 1912. ԽII 149-172.

Բարդուս անունը, որ լստ ամենայնի յիշեցնում է Աստուածաշնչի «պարարիզը»:

Սակայն աւելի հետաքրքիր և նշանակալից է ջրհեղեղի աւանդութիւնը, որ պահւած է ոչ միայն Աստուածաշնչի մէջ, այլ շատ աւելի հին բարելոնական գրականութեան մէջ, համարեա թէ բառացի և նոյնանման:

Բարելոնիայի ազգային մեծ հերոսն էր Գիլգամիսը. Ն. Ք. 2768 թւականից սկսած թագաւորող Նարամ-Մինի ժամանակակից: Պեղումների շնորհիւ գտնւած են աղիւսների վրայ սեպաձև գրութեամբ Գիլգամէշին նւիրւած պոէմիայի հատւածներ, որի մասն է կազմում Ուտանապիշտիմի պատմութիւնը, որ Բարելոնիայի նոյն է: Ինչպէս նոյ, սա ևս նախապէս աստուածներից տեղեկանում է, որ տեղի է ունենալու ընդհանուր ջրհեղեղ և որից ազատւելու համար տապան պիտի շինի. իւրայիններով և ամեն տեսակ կենդանիներով մէջն պիտի ապաստան գտնի, մահանից փրկւելու համար: Այզպէս էլ նա անում է, ինչպէս նոյը՝ և ջրերը պակասած ժամանակը իւր տապանով կայտն է գտնում Տիգրիս և Փոքր-Զաք գետերի մէջտեղում գտնուող նիտասիր լերան վրայ, ինչպէս նոյը՝ Արարատ լերան վրայ: Նոյը տապանից գուրս գալով Արարատի փէշերին բնակութիւն է հաստատում և խաղողի առաջին այգին ակում: Ահա թէ երբ է Հայաստանում սկսւել երկրի մշակութիւնը.

յատկապէս այգեգործութիւնը և նրա հետ անհրաժեշտապէս կապւած ոռոգման աշխատանքը:

1913 թ. գերմանական եւ գվիցարական մի արշաւախումբ, 40 հոգուց բաղկացած, որին միացանք մենք, բարձրացաւ Արարատը, մի մասը մինչեւ գագաթը: Ճանապարհորդների միւս մասը, այսպէս կոչւած Ալպեան կլուրի Ընկերութեան անգամներ, իսկապէս գերմանական օֆիցերներ էին, որ մեծ պատերազմի նախօրեակին եկել էին, Արարատ բարձրանալու պատըրւակով, ոռուս-տաճկական սահմանները ուսումնասիրելու: Միայն թէ 40 հոգու մէջ կային իսկական ալպինիստներ և Բեռլինի բոտանիկական պարտէզի զիրեկտոր, յայտնի մասնագէտ բուսաբան Կեօլերը: Սա առ տեղեաւն կատարած իւր ծանօթութեան հիման վրայ մեզ այն կարծիքը յայտնեց, թէ հաւանական Արարատի փէշերը հստոյն ժամանակներից ոռոգման առօւներ ունէին և լաւ մշակւած էին, ինկատի ունենալով այն հանգամանքը, որ ցորեն բուսնում է այնպիսի բարձրութեան վրայ, որ ուրիշ երկրամասերում, նոյն գօտիում, սովորական չէ և չի հանդիպում:

Ուրարտեան սեպաձեւ արձանագրութիւններից մէկը գտնւել է Արարատի փէշերին, այժմ աւերակ Դաշբուռուն գիւղի մօտ: Արձանագրութիւնը փորագրել է տւել Վանից հիւսիս արշաւող Մենուաս

թագաւորը, այժմ Շամիրամ-սուի անունով յայտնի առօտի հեղինակը։ Հաւանական է ենթագրել, որ նո իւր տիրապետութեան նոյն վայրում ևս, ինչպէս իր երկրում, ջրային աշխատանքներ է կատարել, բայց բիբլիական և բարելոնական առուսպելը շատ աւելի հին է քան Մեսուասի ժամանակը։ Միայն մանրամասն հետախուզութիւնները կարող են պարզել գերմանական պրոֆեսորի ենթադրութիւնը, Մենուասի հասրաւոր ձեռնարկը և առասպելի կապը։

Դ. Ո՞րտեղից է սկիզբն առել մեր երկրի հնագոյն կուլտուրան։

Տասն և ութերորդ դարից սկսած եւրոպական ազգերը, Ֆրանսացիք, Անգլիացիք, Գերմանացիք, վերջերս աւելի մեծ չափով՝ Ամերիկացիք, իրենց լաւագոյն գիտնականների աշխատանքներով ուսումնասիրում են մարդկութեան քաղաքակըրթութեան ծագման և սկզբնաւորութեան վայրերը, երկրի երեսին կանգուն, աւերակ կամ կիսաւերակ զրութեամբ եղած յիշատակարանները։ Կարդում և բացատրում են ծանօթ և միանգամայն անծանօթ կամ մոռացւած գրեն ու արձանագրութիւնները։ սակայն դրանով եւս չբաւականալով, հսկայական ծախք և աշխատանք է կատարել և կատարւում է

գետնի տակ երկար դարերի կուտակւած հաստ հողաշերտերով ծածկւած և յաճախմեծ, առերեսոյթ բնական, բլուրների կերպարանքով, պահւած հին քաղաքների, գերեզմանների, առանձին յիշատակարանների և այլն աւերակներ՝ պեղումների միջոցով բաց անել և գրանց օգնութեամբ մարդկութեան անցած կուլտուրայի մասին հաստատուն փաստեր ձեռք բերել։ Շնորհիւ այդ պեղումների և այլ եղանակով ըստացւած գրաւոր և նիւթական անհատնում յիշատակարանների, բոլորովին մոռացւած և կամ հազիւ ծանօթ ժողովուրդների պատմութիւնը, գրականութիւնը, կրօնը, օրէնքները, արհեստն ու գեղարվեստը, գիւղատնտեսական, առողջապահական, լնտանեկան և բազմաթիւ այլ իրական փաստեր ներկայումս ամէն մի հետաքրքրուող անհատի համար ուսումնասիրելու և ծանօթանալու առարկաներ են դարձել։

Թէ ինչ առաջնակարգ նշանակութիւն ունին նման աշխատանքները նաև մեր երկրի նկատմամբ։ յիշենք պրոֆեսոր ակադեմիկոս Մատի վերին հսկողութեամբ կատարւած պեղումները։ Երբ վերջի պատերազմի ժամանակ ուսուաց զօրքը կարճ ժամանակով տիրապետեց պատմական Վանքաղաքին, Ակադեմիկոսը կազմակերպեց հնագիտութեան հետախուզութեամբ յանձնախութեան մասնակիութեամբ և վանուածութեամբ պեղումներուկատարելու



գործը յանձնեց իր աշակերտ Օրբելուն։ Սա բերդաքաղաքի ժայռի մի պատռւածք, որ հողակոյտով թաղւած էր, սկսեց պեղել և գտաւ զլուխը կոտրած ուրարտեան մի կոթող (stèle) մեծ քառակուսի պատռւանց գանի մէջ ամրացրած։ Կոթողը և պատռւանդանը ծածկւած էին սեպածե ընդարձակ արձանագրութեամբ։ Վանի մինչ այդ յայտնի մեծ արձանագրութիւնն է Խորխորի կամ Մեհերի դրան բնական ժայռի վրայ գրածը։ Օրբելու գտածն ունի 263 տող։ Խորխորինը 398։ Նորագիւտ արձանագրութեամբ Ուրարտեան պատմութեան ամենահետաքրքիր հատւածն է փորագրւած։ Երբ այդ պետութիւնը Ասորեստանի գէմ յաջող պատերազմներով ընդարձակել էր իւր իշխանութեան սահմանները և աշխարհակալական մեծ պետութեան դրութեան հասել։

Յոյն պատմահայր Հերոդոտի պատմութիւնից արդէն ծանօթ էին հնագոյն ազգերի, Եզիպտացիների, Ասորա-Բաբելոնիայի, Պարսիկների, Սկիւթացիների պատմական անցեալից բաւական ամփոփ տեղեկութիւններ, իսկ այնուհետև մինչև ներկան արդէն գոյութիւն ունին շատ հարուստ և անընդհատ պատմական գրւածքներ։ Սակայն նորագոյն վերոյիշեալ ուսումնասիրութիւնները եկել են ճշգելու, լրացնելու և հարստացնելու մարդկութեան քաղաքակրթութեան անցեալի պատկերը։ Այժմ մենք գիտենք, թէ եւրոպական կու-

չւած քաղաքակրթութիւնը ինչ հանգրւաններ է ունեցել և ինչ եղանակաւ է կատարելագործել։ Այդ ուսումնասիրութիւնները պարզել են որ համարեա թէ միաժամանակ, Քրիստոսից մօտ 4000 տարի առաջ, Նեղոսի և Տիգրիս ու Եփրատ գետերի հովիտներումն է ծագում առել մերքաղաքակրթութեան արշալոյսը։

Եզիպտացիները հիւսիսային Աֆրիկայում և Սումերացիք ու Ակադներ կոչւած ժողովուրդները Փոքր-Ասիայի արևելքում խոշոր գետերի բուսացրած ճոխ բուսականութիւնից օգտւելով, թողնելով որսորդական եւ խաշնարածական աստանդական կենցաղը, նստակեաց են դառնում, սովորում երկիրը մշակել և երկրագործական արտագրութեամբ իրենց կեանքն ապահովել։ Ինութիւնն ինքն է նախնական մարդուն քաղաքակրթութեան առաջին քայլերն անելու ճամապարհը ցոյց տալիս։ Ամէն տարի, աշնան արևագարձին, Նեղոս գետի հարաւում բարձր լեռների և լճերի շրջանում, տեղատարափ անձրեների հետեւանքով, մեծ քանակութեամբ ջրեր են գոյանում և երկրագնդի ամենաերկար Նեղոս գետի հունով թափւում են Միջերկրական ծովը, հեղեղի տակ առնելով մի բարակ երկար շերտի ձգւած դաշտեր, գետերի երկու կողմում։ Դադարում են անձրեները, նւազած ջրերը նորից տեղաւորում են գետի բնական հունի մէջ։ իսկ

խոնաւութեամբ և մանաւանդ ջրային տիղ-
մով ծածկւած դաշտերը, տրոպիկ արևի
տաք ճառագայթների ազգեցութեամբ,
ծածկւում են փարթամ բուսականու-
թեամբ: Նոյն երեսոյթը տեղի է ունենում
Եփրատ և Տիգրիս գետերի ընդարձակ հով-
տում, երբ գարնան արևագալձին սկսում
են հալչել պատմական Հայաստանի բար-
ձունքների հաստ ձեան շերտերը, որտե-
ղից սկիզբն են առնում այդ գետերը և
լւանալով այդ մասերի պարարտ սկահովը,
տանում ծածկում և հարստացնում են
Միջագետքի ընդարձակ գաշտերը և արա-
գահաս և ճոխ բուսականութեան յարմա-
րութիւն ստեղծում:

Այդ երկու երկրամասերում բնակու-
թիւն հաստատած ժողովուրդները, որոշ
չափով միմեանցից անկախ, հիմք են դը-
նում մարդկութեան քաղաքակրթութեա-
նը, ստեղծելով պետական կազմ, ժողո-
վուրդների համակեցութեան օրէնքներ,
արուեստներ և գեղարուեստ, մանաւանդ
ճարտարապետութիւն և քանդակագործու-
թիւն. ստեղծում են կրօնական բազմապի-
սի ըմբռնումներ, և մեծապէս զարգացնում
գիւղատնտեսութիւնը, ոռոգման բաւական
բարդ սիստեմով: Իսկ ամենից գլխաւորը՝
գրերի գիւտն են անում և սովորում բնու-
թեան մէջ եղող հանքերը մշակել և օգ-
տակար դարձնել:

Դարեր տեղ, դանդաղ բայց հաստա-

տուն առաջ ընթացող քաղաքակրթութիւ-
նը, յիշեալ երկու վայրերում չի պարփա-
կում, որովհետեւ մի կողմից մթերքնե-
րի փոխանակութեան անհրաժեշտութիւնը
սկիզբն է դնում հարեւան ժողովուրդների
հետ վաճառականական կապեր ստեղծե-
լու, միւս կողմից ուրիշի աշխատանքին
տիրանալու կամ ուրիշներին իրեն բոնու-
թեամբ ծառայեցնելու ցանկութիւնը, փո-
խագարձ յարձակումների և պատերազմի
աղբիւր ծառայելով, ժողովրդներին շփման
մէջ են դնում և միմեանցից սովորում են
ինչ որ անյայտ էր:

Այդ եղանակով նոր ժողովուրդներ
քաղաքակրթութեան մասնակից գառնա-
լով, իբրև աւելի թարմ և խիղախ զան-
գւածներ, տիրանում են նների ուսմանը
և պատերազմներում նրանց յաղթելով,
տիրանում նրանց երկիրներին և նոր աշ-
խարհակալ պետութիւն կազմում:

Մօտ 1500 թուականին Եփրատ գետի
ափին հիմնւած Բաբելոնիա մայրաքաղա-
քին տիրանում է Սսորեստանի ժողովուր-
դը, որի նինուէ մայրաքաղաքը գտնւում
էր նոյն Միջագետքի աւելի հիւսիսային
մասում, կառուցւած Տիգրիս գետի ափին:
Մօտ հազար տարի է տեսում այդ աշխար-
հակալ նոր պետութիւնը, ախոյեան ունե-
նալով իրենցից աւելի հիւսիս-արեւմուտք
գտնւած ժողովուրդներին, նաև Ուրար-
տացիներին:

Եգիպտական քաղաքակրթութիւնը ևս պարփակւած չմնաց Նեղոսի ավերում։ վաճառականութիւնն ու տիրապետութեան արշաւանքները նրանց ուղղեցին դէպի տսիական երկրները։ Պաղեստինի վրայով դէպի Սիրիա և դէպի Փոքր-Ասիա, և հետագայում նոյն Փոքր-Ասիան հանդէս բերաւ Եգիպտոսին տիրող Հիւքոս ժողովրդեանը և Եգիպտոսի ամենամեծ ախոյեան Հետիտական ժողովրդին, մօտաւորապէս նոյն ժամանակներում, երբ Ասորեստանցիք սկսեցին իրենց տիրապետական արշաւանքներն ընդդէմ Բաբելոնիայի։

Հետիտներն ու Ուրարտացիք, որ իւրենք իրենց Խալզեր են կոչում, հին պատմական գրականութեան մէջ հազիւ են յիշատակւած, առանց կարեռը մանրամասնութիւնների, մինչդեռ երկուսն էլ ընդհանուր պատմութեան և մասնաւորապէս մեր երկրի անցեալի համար առաջնակարգ նշանակութիւն ունին։ Նրանց թողած յիշատակարանները եւրոպական ուսումնասիրութեամբ յայտնաբերուեցին։ Նրանց մեղ ժառանգութիւն թողած հիերոգլիֆանման և սեպաձեւ արձանագրութիւններն ու գրւածքները նորագոյն հետախուզումների շնորհիւ են մատչելի դարձել և այդ երկու մեծ պատմական ժողովուրդների անցեալը մեր առաջ պարզել։ Եւ որովհետև երկու ժողովուրդներն էլ հնում մրցակից են եղել Եգիպտացիներին և Ասորեստան-

ցիներին՝ սրանց յլշատակարաններում ևս բաւական հարուստ տեղեկութիւններ կան որ գալիս են լրացնելու տեղական հարազատ աղբիւրների թերիները։

Հետիտական լշատականից աւելի հին է ուրարտականից։ Նրանց բնակավայրն էր Փոքր-Ասիան՝ Հայաստանի արևմուտքում Հալիս գետի և նրա մերձակայ երկրամասերում։ Գլխաւոր մայրաքաղաքն էր Հատտի, ներկայումս Բողազիկոյ, որտեղ պեղումների միջոցաւ ի յայտ են բերւած նրանց ստեղծագործութեան կարևոր մնացորդները, անշուշտ Եգիպտականից ազգւած։ Նրանք ստեղծել են իրենց գրերը և որ ընդհանուր քաղաքակրթութեան համար ամէնաէականն է, նրանց է վերագրւում երկաթի մշակութիւնը՝ միքանի գիտնականների կարծիքով։

Ը. զարում Ասորեստանցիների թրծած աղիւսների պատմական արձանագրութեամբ, սեպաձեւ գրերով անձանագրւած է որ 1115-1110 թ. թագաւորում էր Թեգլար Պալասար առաջինը։ Սա էր որ արշաւելով գէպի հիւսիս, մանում է Հայաստան։ «Մի երկիր որ խիտ անտառներով էր ծածկւած» և «որտեղ իրենից առաջ ոչ մի թագաւոր չէր մտել»։ Կործանում է կուրհիէ և Հարիա երկիրները, տեղական աստուածներին գերի վերցնում, նաև բընակիչներին, յափշտակում նրանց ստացուածքը, իսկ գիւղերը հրդեհում, ապա

մտնում է Նայիրի երկիրը, կռւի մտնում
23 փոքր թագաւորների հետ, ջարդում
բոլորին և հալածում մինչև Վան քաղաքը
և ապա ստիպում իրեն հարկատու դառ-
նալ: Իսկ նախաքրիստոսեան ութերորդ
դարից նոյն Ասորեստանցիներին մօտ ա-
ռաջին անգամ յիշւում են Ուրարտացիներ:

Յիշեալ դարից սկսած երկու ժողովուրդ-
ները, Ասորեստանցիք և Ուրարտացիք,
փոխագարձ յաջողութիւններով, միմնանց
դէմ շարունակում են պատերազմները,
մինչեւ Նախաքրիստոնէական վեցերորդ
դարը, երբ արևմուտքից Ուրարտացիների
երկիրը ներս են խուժում և վերջնակառ-
նապէս հաստատում Արմէններ-Հայերը,
և մեր երկրին տալիս են իրենց անունը:
Ապա պատմական ասպարէզ է մտնում
պարսկական նոր թարմ և պատերազմա-
սէր ժողովուրդը և տիրապետում Բաբե-
լոնիային, Ասորեստանին, Ուրարտացինե-
րի ու Հետիտների երկրներին, մինչև
Եգիպտոս, մինչև Հնդկաստան, մի խօս-
քով ժամանակւայ ծանօթ քաղաքակիրթ
բոլոր երկիրներին:

Պարսիկ Դարեհ Աքիմեննեան թագա-
ւորի Բեհիստունի բնական բարձր ժայռի
վրայ փորագրւած սեպածե արձանագրու-
թեան մէջ առաջին անգամ պատահում ենք
Արմենիա անւանը: Ասել է վեցերորդ դա-
րից, նախաքրիստոնէական, Հետիտների
և սրանցից ուշ եկող Ուրարտացիների տի-

րապետութիւններին տէր էին դարձել Ար-
մէնները, նոր ժողովուրդ, և ոչ պարսիկ
թագաւորը և ոչ էլ նրանից յետոյ հինգե-
րորդ դարու յոյն պատմագիր Հերոդոտը,
նախկին տիրողներին չեն ճանաչում, այլ
Արմէններին:

Պարսկական տիրապետութիւնը մեր
երկրում, երկար կամ կարճ ընդհատումնե-
րով, հայկական, մակեդոնական, հռովմէ-
ական, յունական, արաբական, սելճուկ
և թաթար ցեղերի իշխանութիւններով,
շարունակւել է մինչև 1820-1828 թիւը.
մինչև ցարական Ռուսաստանի տիրապե-
տութիւնը պատմական Հայաստանի մի-
մասի վրայ մինչև այժմ: Հետեապէս մեր
երկրի քաղաքակրթութեան, յատկապէս
երկրի մշակութեան ամենամնայուն հետ-
քերը պարսիկ տիրապետողները թողած
պիտի լինին:

Հայաստանի Պարսիկներից տիրապե-
տութեան ամենահին հաւսատիագիրը եւ
տիրապետողի հպարտութեան արձանն է
Բեհիստունի Դարեհ թագաւորի յիշեալ ար-
ձանագրութիւնը: Նա փորագրւած է Բիր-
մանշահ քաղաքին մօտ, հին Մարերի՝ այժմ
Քրդստանի երկրամասում, Եկբատանա,
այժմ Համադան քաղաքից դէպի արեւ-
մուտք տանող ճանապարհի վրայ: Արձա-
նագրութիւնը փորագրւած է բնակութիւ-
նից հեռու վայրում, առերևոյթ հնում էլ
այդպէս է եղել, միայն թէ ժայռի անմի-

ջական ստորոտում բղխում է Պարսկաստանում ոչ սովորական մի հսկայական աղքիւր, որի ներքեւում ճահիճներ են: Համագանից գէպի արևմուտք, գէպի Քիրմանշահ, և այնտեղից գէպի Բաղդատ գընացող ճանապարհորդը այդ ժայռի տակով պիտի անցնի, այդ անուշահամ ջրի ափին կանգ առնի, իրեն եւ զբաստին հանգըստութիւն տալու և զովացնելու և զլուխը վերև բարձրացնելով, պիտի տեսնի հպարտ տիրապետողի բարձրաքանդակ արձանը: Դարեհի գլխի վերև թեատարած Ահուրամազգան է փորագրւած, նրան յաղթութիւն տւող աստուածը. իսկ առջեւում շարւած են, վիզերնին չղթայ, Դարեհի ձեռքով յաղթահարւած բոլոր թագուտորները: Եղթայւածների մէջ է նաև Արմենիայի թագաւորը, որը, ինչպէս արձանագրութիւնն է պատմում, երեք անգամ պարսիկ զօրապետներից յաղթւելով, երեք անգամ ապստամբութեան դրօշակ բարձրացրեց, գժւարութեամբ ենթարկւելով օտարի լծին:

Յաղթութեան պատմութիւնը հաղորդող սեպածեւ լնգարձակ արձանագրութիւնը գրւած է երեք լեզուներով. պարսկերէն կամ հին պեհլուի, բարելական եւ ելամական լեզուներով:

Թէ թուածս տիրապետողները երկար դարերի ընթացքում մեր երկրի հողամշակման, յատկապէս ջրերի օգտագործման

համար, բացի Ուրարտացիներից և հայկական փոքր իշխանութիւններից, այն եւս քրիստոնէական միջին գարերից սկսած, ինչ են կատարել, միւսների արածների մասին տեղեկութիւն չունինք: Հաւանաբար պատմական մանրամասն ուսումնասիրութիւնները որոշ փաստեր ի յայտ բերեն: Միակ մեղ ծանօթ տեղեկութիւնն այն է, որ երեանի Դալմայի առուի հանումը աւանդաբար վերագրւում է սուսական տիրապետութիւնից առաջ այդ քաղաքը եւ երկիրը կառավարող պարսիկ սարդարին. սակայն ինկատի ունենալով երեան քաղաքի հնութիւնը և որ այնտեղ միշտ մշակւել է խաղողի որթը եւ այգիներ գոյութիւն են ունեցել, հաւանական ենք համարում ընդունել որ սարդարն աւելի շուտ նորոգել է հին, ուրարտեան թագաւորների հանած առուն, որ ժամանակաւորապէս խանգարւել էր: Ուրարտացիները երեանի Ղանլի թափայի մօտ, Էյլարում բերդեր էին շինել և աւելի հիւսիս իրենց տիրապետութեան տակ ունէին, և ինչպէս կը տեսնենք, առուների հանման առաջնակարգ տեղ էին տալիս:

Ե. Ուրարտացիների կամ Խալլերի ձեռնարկները.

Վանայ Ծովի հիւսիսային ափին բարձրանում է մի հսկայական ժայռ, բնու-

թիւնից կարգւած հին ժամանակների համար, թեթև պարիսպների յաւելմամբ, անշաղթելի և անմերձենալի բերդի տեղ ծառայելու: Իբրև բերդ եւ Ուրարտեան երբեմնի հզօր եւ աշխարհակալ պետութեան մայրաքաղաք, ինչպէս տեսանք, զոյութիւն է ունեցել նախաքրիստոնէական ութերորդ դարից, իսկ իբրև բերդ պահպանել էր իւր նշանակութիւնը մինչև վերջի մեծ պատերազմը, տաճիկ կառավարութեան համար: Նրա դիրքի գեղեցկութիւնը, կլիմայի առողջարար մեղմութիւնը՝ շրջապատ երկրի մշակութեան յարմարութիւնն ու պտղաբերութիւնը, արհեստական միջոցներով մեծ տարածութիւնների ոռոգման հնարաւորութիւնը, Ուրարտացիներին, գուցէ նրանցից առաջ ապրող մարդկանց միտք է տւել այդ տեղը իշխանութեան զլխաւոր կենտրոն դարձնելու: Նրա հին ուրարտա-խալդիսկան անունն է Տուշպա, որ յետոյ Վան-Տոսպ հայկան ձեակերպումն է լնդունել: Այդտեղ հաստատած փոքր իշխանութիւնը, Ասորեստանի գլխաւոր մրցակիցը հանդիսանալով, նախաքրիստոսեան ութերորդ դարում, ինչպէս ակնյայտնի պարզում է Օքելու ի յայտ բերւած և Մասի կարդացած ու թարգմանւած արձանագրութեամբ՝ տիրանում է Ասորեստանի աշխարհակալական դիրքին և նրա տիրապետութեան տակ գտնւած երկիրներին մինչև Միջեր-

կրական Ծովը, իւր իշխանութեան տակ առնում:

Վանի բնական ժայռերի վրայ քաղաքին տիրող Ուրարտացիները սեպաձեւ արձանագրութիւններով արձանացրել են անջնջելի կերպով իրենց շինարարութեան և յաղթութիւնների յիշատակը: 1829 թ. Փրանսիական Ասիական Հնկերութեան յանձնարարութեամբ գերմանացի Շուլց գիտնականն ուղարկեց այդ երկիրը հնագիտական հետախուզութիւնների ենթարգելու և առաջինն եղաւ, որ բնական ժայռերի, ինչպէս նաև յատուկ պատրաստած զանազան քարերի վրայ արձանացած սեպաձեւ գրութիւնները ժողովեց հրատարակելու համար: Յետագայում եւրոպացի, նաև ուսւ և հայ գիտնականների ջանքերով աւելի թւով նորանոր արձանագրութիւններ ի յայտ բերւեցին որ բաւական լրիւ կերպով կարգացւել են: Մի կարեսը հանգամանք պարզում է, որ Ուրարտեան աշխարհակալ թագաւորները, նոր տիրապետած երկիրներում քաղաքներ, բերդեր, մեհեաններ էին կառուցանում, ուրոշ տեղերում ջրանցքներ անցնում և այդպիսի տեղերում իրենց կատարածների յիշատակը սեպաձեւ արձանագրութեամբ յաւերժացնում: Այդ արձանագրութեան մէջ նոքա իրենց Խալդեր են անւանում, երկրի գլխաւոր Խալդի աստուծոյ անունով:

Հետեւելով և առաջնորդւելով այդպի-

սի արձանագրութիւններով բաւական մանրամասնութեամբ վերականգնւել է այդ շինարար ժողովրդի և նրան առաջնորդող ժագաւորների պատմութիւնը։ Համառօտ կանգառնելով միայն նրանց գէպի Հայաստան կատարւած տիրապետական արշաւանքների վրայ, տեղեկանում ենք հետեւեալը։

Ութերորդ նախաքրիստոսեան դարի սկզբում Մենումա թագաւորը Վանից արշաւում է գէպի Սրաքսի հովիտը և հասնելով Սրարատի ստորոտներին գետի աջափին Դաշբուռուն գիւղի մօտ, նոր քաշաք է հիմնում Լոհիսու-Լուխունինի անունով՝ վերափոխելով Մեսահիւլի։ Նրա որդի Արգիշտիս շարունակում է հօր սկսածը, գետն անցնում և սրա ձախ ափին, մի բլրի վրայ արդէն գոյութիւն ունեցող հին ամրոցը վերաշինումէ, մեհեաններով և այլ շէնքերով զարդարում և իր անունով վերակռչում Արգիշտիսիմիլի — Արգիշտի քաղաք։ Արգիշտի և նրա անմիջական ժառանգների համար, Վանից յետոյ, այդ քաշաքը երկրորդ մայրաքաղաք է գաւնում Սրարատեան դաշտի և նրանից գէպի հիւսիս-արեւելք և հիւսիս-արեւմուտք ընկած նոր տիրապետած երկրների համար։ Այդ քաղաքի տեղն է այժմ անբնակ Սրմաւիրի բլուրը, որտեղ պատահարար և ոչ յատուկ հետախուզութեամբ կամ պեղումներով, բաւական թւով սեպածեւ արձանագրութիւններ են գտնւել։

Ուրարտացիները շարունակելով իրենց արշաւանքը բարձրացել են Սրագած լեառը Ամբերդի ձորով, ապա Բաշապարանի ուղղութեամբ, իջել են Ծիրակի գաշտը և հասնել մինչեւ Բարձր Հայք, մինչեւ Սարըղամիշի մօտերքը, և աւելի հիւսիս մինչեւ Գլգըր լիճ։ Միւս կողմից հիւսիս-արևելեան ուղղութեամբ առաջ ընթանալով Երեւանի անմիջական մերձաւորութեան Ղանլի թափա կոչւած տեղում և յետոյ էլլար գիւղի մօտ պաշտպանութեան և յարձակման բերդեր են շինում, հասնում են մինչեւ Սևանի լիճը և մերձակայ երկրներով անբողջովին իրենց տիրապետութեան տակ առնում։

Լճի հարաւային և հարաւ-արեւելեան մասում, բնական ժայռերի վրայ լիրենց սկզբնական գրութեան տեղում անկորուստ պահւած են մի քանի արձանագրութիւններ, ամենից նշանաւորը և ընդարձակը Քեօլանդան կամ Ալուչալու գիւղի մօտ գտնւածն է։ Տովի վրայ կախւած մի բարձր ժայռի երեսին փորագրւած և սովորական միջոցներով միանգամայն անմերձանալի ընդարձակ 19 տողից արձանագրութեան մէջ Սարդուրի թագաւորը նկարագրում է իր պատերազմական յաջողութիւնները և յիշատակում, որ յաղթել է 22 թագաւորների եւ նրանց երկրները իր տիրապետութեան տակ առել։ Յիշւած անսւններից մի քանիսը համապատասխան են ցայ-ժըմ պահւած և գործածական տեղական

անուններին, իսկ մեծ մասը անյայտ են. հետևապէս անկարելի վերականգնելու տիրած երկրների ամբողջութիւնը:

Այդ շինարար ժողովրդի տիրապետութիւնը մեր երկրում դժբախտաբար երկարատև չի եղել: Եօթներորդ դարու վերջերից արևմուաքից ներս են խուժում թարմ և պատերազմիկ հորդաներ: Կիմլներ իսկ աւելի ուշ Արմէններ, միենոյն ժամանակ հիւսիսից կովկասեան լեռնաշղթան պատռելով արշաւանքներ են սկսում Սկիւթական զանազան ցեղեր և Ուրարտացիները, որ Ասորեստանի հետ վարած երկարատև պատերազմներով արդէն բաւական թուլացել էին, ընկճում են, կորցնելով իրենց անկախութիւնը և վեցերորդ դարից սկսած երկրի տէրերը դառնում են Արմէնները, յիշատակւած Պարսկաստանի Բեհիստունի արձանագրութեան մէջ: Երբ չորրորդ դարում յոյն Քսենիֆոն պատմագիրը տաս հազար յոյն վարձկան գօրքի գլուխն անցած Հայաստանի լեռներով, Վանայ Ծովի մօտով, նահանջում էր զէպի իւր հայրենիք Յունաստանը, հանդիպում է Հայերի և ոչ թէ խալդիական-ուրարտեան իշխանութեան:

Զ. Ուրարտա-Խալդիական ջրաբաշխական ձեռնարկները.

Նեղոս, Տիգրիս և Եփրատ գետերի հե-

զեղումները տարւայ մէջ կարճ տեղութիւն ունին. Երկար ամիսների աճումն ունեցող բոյսերին կենդանութիւն տալ չեն կարող: Բացի այդ ջրերը իրենց բնական հոսանքին թողնելով, համեմատաբար փոքր տարածութիւններ էին հեղեղում և յաճախ փոփոխելով իրենց ընթացքը, միանգամ կենդանացրոծ շրջանը անջրդի և ամայի էին դարձնում: Հէնց այդ փոփոխութիւնները մարդկանց սովորցրին արհեստական աշխատանքներ կատարել և ջրերի ընթացքը և նրանց շահագործումը ենթարկել իւրենց կամքին: Հնագիտական ուսումնասիրութիւնները պարզել են թէ ի՞նչպիսի ջրային մատակարարման սիստեմներ էին ստեղծւել, թէ ո՛րքան կատարելազործւած էին առուների ցանցերը և թէ մանաւանդ ի՞նչ վիթխարի աշխատանքներ են կատարել յօրդացած ջրերի տւելցուկը ամբարել փոքր և չափազանց մեծ լճերում, տարւայ ընթացքում օգտագործելու համար: Բնական կամ արհեստական փոսերի ջրերը կամ բաց արխերով տանում էին աւելի ցած ընկած գաշտերը, կամ դոյլերով վերեւ բարձրացնում՝ մօտ ընկած դաշտի համար: Հնագոյն պրիմիտիւ անիւներով, կենդանիների օգնութեամբ խորքերից ջուր բարձրացնելու արհեստը համարեա անփոփոխ կերպով կիրարկուում է մինչև այժմ Պարսկաստանում և հէնց նոյն Միջագետքում: Միայն վերջի տարիներում սակաւ տռ

սակաւ դուրս են մղում նախնական գործիքներն ու եղանակը, փոխարինելով ջըրմուղ գործիքներով։

Հետեապէս հին մարդկային քաղաքակրթութիւնը երկրագործութեան համար բնական ջրերից օգտւելու երեք սիստեմ ունէր. ինքնահոս առուներով ջրերը հասցընել ցանկացած եւ հնարաւոր տեղերը լճերի մէջ ամբարել աւելցուկ ջրերը ժամանակի կարիքի համար և երրորդ՝ աւելի խորքերում գտնւած ջրերը գոյլերով կամ անիներով վերև բարձրացնել, կամ տանիլ հասցնել աւելի ցած տեղեր, երբեմն գետնատակ առուներով կամ տունելներով։

Ուրարտուի թագաւորները Վանի շըրջանում և Սրարատեան դաշտում գործադրել են երեք միջոցները, հոյակապ եւ միայուն ձեռնորկներով։

1891 թ. երկու գերմանացի ուսումնական Բեղզ և Լեևան-Հառւաց գիտական արշաւանք կաղմակերպելով մանրագնին քննութեան ենթարկեցին Ուրարտացիների պատմական բոլոր վայրերը, ներկայ ժամանակների ուսուսական, տաճկական եւ պարսկական երկրներում, իջան մինչեւ Ասորեստան, հասան Նինուէի աւերակները, փոքր չափով պեղումներ կատարեցին Վանի Թոփրակկալէում, վերստուգութեան ենթարկեցին զանազան մասնագէտների միջոցով արդէն ծանօթ յիշատակարանները և երկար ժամանակ մշակում էին

իրենց հաւաքած գիտական մեծ պաշտրը։ Երկուսն էլ պարբերաբար հրատարակել են մասնակի ուսումնասիրութիւններ և յօդւածներ, բայց գլխաւոր աշխատանքը դեռ չի տւարտւած։

Զեռիս տակ է լեմանի Հայաստանի անցեալի ուսումնասիրութեան կարեւոր երկը. Հայաստանը երբեմն եւ այժմ, Արmenien Einst und Jetzt, Berlin - Leipzig. 1910 1926 և 1931, երկրորդ հատորի առաջի մասում, երկու հատոր, երեք մասից բաղկացած։ Գրքի մէջ զնահատելի էջեր են նւիրւած Ռուզաս առաջնի եւ Մենուաս թագաւորների ջրաշինարարութեան մնայուն ձեռնարկներին և ստորերկրեայ ջրերի քարհիգներին, և ծանօթանալով այդ նիւթին, հիանում ենք այդ անձանց շինարար մեծ գործերի վրայ, որոնց հետ կարելի է համեմատել միայն ներկայումս Խորհրդական իշխանութեան կատարածները Հայաստանում։ Մանօթանանք այդ գործերին։

1. Ռուզաս առաջնի լինը. — Վան քաղաքի արևելեան կողմում, լեռների մէջ գտնուում է մի արհեստական վիթխարելին, ծանօթ ներկայումս Քեշիք գեօլ անունով։ Ժամանակը մոռացութեան է տւել երկրի համար այդ բարիքը ստեղծող Ռուզասի անունը և նրա արածը վերագրում են մի անանուն քահանայի։ Բարեբախտաբար անկորուստ մնացել է Ռուզասի

կանգնեցրած կոթողը, մեծ պատւանդանի մէջ ամբացրած տափակ սիւնանման մի քար, որի վրայ սեպաճեւ տառերով լճի շինութեան և թոփրակլալէ նոր քաղաքի հիմնարկութեան մանրամասնութիւններն են հաղորդւած, որ առ տեղեաւն արտուգրել, կարդացել և թարգմանել է գերմանացի գիտնականը:

Վանից արեւելք ընկած է Վարագայ լեառը, սրա հարաւային ուղղութեամբ գտնւում է Տոնի անունով գիւղը, որի մօտ է ջրահաւաքման մի վիթխարի բնական փոս: Տոնից դէպի այդ փոսը վայրենի ճեղքւածներով տեղեր են, ուղղագիծ զառիվայրերով, ժայռերի կտրաւածքներով և անդընդախոր վիհերով: Գիւղից մօտ կէս ժամ հեռաւորութեամբ է Ռուղասը, յիշեալ միջավարում, իր արհեստական լճի տեղը ուրոշել, ոչ թէ մերձակայքը ջրելու համար, որ վայրենի խորթ ու փորթութեամբ մի տարածութիւն է և ոռոգելու համար միանգամայն անօգուտ կ'լինէր, այլ որպէս զի այդ տեղում ամբարւած ջուրը արհեստական առուներով հեռուն տարւէր, դէպի պտղաբեր և մշակելի տեղեր:

Լճի տեղը վերին աստիճան յարմար է ընտրւած: Վիթխարի ձոր է, որի հիւսիսարկմտեան անկիւնը նեղանում է մինչեւ հարիւր մետրի լայնութեամբ և ունի մի երկրորդ նեղացում ընդամէնը յիսուն մետր լայնութեամբ: Այդ երկու անցքերը վիթ-

խարի քարերով, կիկլոպեան պատերի ամբարտակով ամբացրւած են, որով գոյանում է հսկայական ջրամբարը տարւայ ջրառատ եղանակներին շրջակայքի տւելցուկ ջրերը ամբարելու համար: Նեղ, յիսուն մետրանոց բացւածքը գտնւում է հարաւարեմտեան մասում և սրա պատնէշը քսան մետրանոց կիկլոպեան պարըսպով է կառուցւած: Այդ պատի մէջ թողնւած է մի շլիւզ, որ ունի 1.50 մետր բարձրութիւն, մի մետր լայնութիւն, շինւած յատուկ խնամքով տաշւած մեծամեծ քարերով: Շլիւզի անցքի ներսում յարմարեցրած էր տուեալ չափերի մի մեծ սալքար, որ ըստ պահանջել հարկի, կարելի լինէր բանալ և փակել, ջրերի ընթացքն ու ջրի քանակը կանոնաւորելու համար: Երկրորդ նեղ անցքի առաջ ևս շինւած է համապատասխան պատնէշ: Երկու պատնէշներով ամբարւած ջրերը բացւած երկու շլիւզներով ի վիճակի են ամէն մի վայրկեանում 12-15 խորանարդ մետր ջուր դուրս հոսեցնել, որպիսի քանակ կ'հեղեղէր Վանի գաշտային մասն ամբողջովին, հետեւապէս այդքան ջրի կարիքը չկար: Ուստի շլիւզները շինւած էին նաև նրա համար, որ ջրառատ տարիներում նախապէս աստիճանաբար բացէին ջուր դուրս թողնելու, որպէսզի մինչեւ պոռւնգները լցրած ջրամբարից հեղեղներ չթափէին դէպի Վանի գաշտը: Տաճկական կառա-

վարութեան տեղական պաշտօնեաներն , առանց ըմբռնելու շլիւզների անհրաժեշտութիւնը , ինչպէս կեմոն-Հառապտն է արտայոյտում , հողով ու քարերով փակել էին տւել հիւսիս-արևմտեան անկեան շլիւզը : 1891 թ . չափազանց ձիւնառատ ձմեռայ հետեւանքով , ջրերը լցւեցին ամբողջ լիճը . Ջրերը նախապէս պարպելու ճանապարհը փակւած էր , լճից գուրս թափող ջրի առաջը արգելքներ չկային , գէպի Վան տանող առուները ծայրէ ծայր լցնելով , սոսկալի թափով ներքե գլորւեցին , միացան Յայնկոյսների գետակին , քանդեցին եղած կամուրջը , գետեզերում գտնւած տները , այգիները և պարտէզները :

Ռուզասի լիճը ծովի մակերեւոյթից 2500 մետր բարձր է , իսկ Վանայ լիճը 1625 մետր . երկու լճերի հեռաւորութիւնը միմեանցից ընդամէնը մօտ 30 կիլոմետր է , ուրեմն պարզ է , թէ 1000 մետրաչափ բարձրութիւնից գլորւող ջուրը ինչպիսի վիթխարի ոյժ կ'ներկայացնէր :

Ռուզաս առաջինը Սարգուրի որդին էր , Ասորեստանի Սարգոն երկրորդի ժամանակակիցն ու հակառակորդը : Նրա շինած լճի ջրերը առուներով բերած համեցրած են մինչև Թոփրակկալէ , ճանապարհին բաւական զիւղերի ջուր մատակարարելով թէ ջրելու և թէ ջրաղացների համար : Գլխաւոր առուն Թոփրակկալէ չա-

աած , մի քանի ձիւղերի է բաժանում և ստորերկրեայ անցքերով , բլրից գէպի արեմուտք և գէպի հարաւ-արեմուտք ուղղութեամբ , գուրս հանուում է Վանի Այգեստան կոչւած տարածութիւնը ջրելու : Ձիւղերից մէկը բաց եղանակով հսում է գէպի Վանի ժայռի բարձունքները : Ռուզասը իւր մեծագործութիւնը ձեռնարկել էր որովհետեւ Վանի Թոփրակկալի նոր քաղաքի հիմք էր գրել , որի պահպանութեան համար անհրաժեշտ էր մերձակայքի լաւագոյն մշտկութիւնը արհեստական ուսումնակիցոցով : Եւ ներկայումս նրա անկորուստ պահւած արձանագրութիւնը հնագոյն քաղաքներից մէկի հիմնագրութեան ճիշտ ժամանակի և հիմնագրի խսկական հաւաստիագիրն է , իբրև հազուագիւտ փաստ : 1927 ին Թաղէսո Ավտալբէկեանը նոր Բայազէտ քաղաքում գտաւ մի նոր արձանագրութիւն , Ռուզաս առաջնի , որ կարգացին հայ մասնագէտներ Պետական Համալսարանի պրոֆ . Քալանթարեանն ու Ղափանցեանը :

2. Այս ջրամբարից մեծութեամբ այնքան փոքր չէ Բերկրի արհեստական լիճը . Վանայ լճի հիւսիս արևմտեան անկիւնում , որ առ տեղեաւն ծանօթացել է Բեկլը , կեմանի ընկերակկիցը : Լեմանը այդ երկրորդ լիճը միայն անցողակի է յիշատակում , որովհետեւ նրա շինողի արձանագրութիւնը չի գտնւած և պակասում են պատմական

մանրամասնութիւններ, ուստի գիտնականը չի հաղորդում տեղեկութիւններ այդ լճի օգտագործման մասին:

3. Մենուասի առուն ներկայումս ժողովրդական գործածական նախրամ սուի անունով է յայտնի, կամ Շամիրամի առու: Այդ անունով է յիշատակւած նաև Մովսէս Խորենացու Հայոց Պատմութեան մէջ (Գիրք Ա. գլ. Ժ.): «Թէ որպէս յետ մահուան Արայի Շամիրամ շինէ զքաղաքն և զամբարտակ զետյն և զիւր տունն: . . . Շամիրամ հրաման տայ բիւրուց և երկու հազար արանց անարուեստից գործաւորաց յԱսորեստաննեաց և յայլոց իշխեցելոց և վեց հազար իւրոց ընտրելոց յամենայն արուեստաւոր գործաւորաց փայտի և քարի, պղնձոյ և երկաթոյ, որք ամենեքին կատարեալք իցեն ի յարուեստ գիտութեան, ածել անխափան ի փափագեալ տեղին և գործն հաւասար հրամանին առնոյր զկատարում:

. . . Եւ հրամայէ նախ զամբարտակ զետյն ապառաժիւ և մեծամեծ վիստ շինել, կրով և աւագով մածուցեալ, ամբար լայնուրեամբ և բարձրութեամբ, որ կայ հաստատուն, որպէս ասեն, մինչև ցայսօր ժամանակի . . . Եւ թէ զփորձ առնուլ գէպ ումեք լինիցի, և ոչ իբր պարստակաց յար մի արժանաւոր ի շինուածոյ ամբարտակին խղել ոյ զօրեսցի, թէև մեծաւ աշխատութեամբ ջանայցէ: Եւ ի հեղուածս արուեստին՝ որ զքա-

ռամբք՝ հայեցեալ ուրուք, որպէս ճարպոյ ինչ հեղման հայեցողացն երեւեցուցանէ կարծիս: Եւ այսպէս լնի բազում ասպարեզ անցուցեալ զամբարտակն, հասուցանէ ինկատեալ տեղի բազմին»:

Ոորենացու համառօտ նկարագրութեան մէջ գտնուում են առուի շինութեան ուշագրաւ էական մասերը, որպիսին աւելի մանրամասն և նոր հասկացողութեամբ եւրոպացի գիտնականն է տալիս իւր նըղարագրութեան մանրամասնութեան մէջ, ինչպէս կ'տեսնենք ներքեսում: Առուի բուն հեղինակը Ուրարտեան Մենուաս թագաւորն էր, որը առաջինը արշաւանք սկսեց գէպի հիւսիս, Երասմի ափը և Արարատ լեռարը: Այդ առուն սկիզբն է առնում բնական վիթխարի մի աղբեւրից, որ զուրս է ժայթքում 1750 մետր ծովի մակերեսոյթից բարձր գիրքում, երբեմն հայկական Բմբնկերտ գիւղից գէպի հարաւ գտնող և հարաւից Հայոց Զորը շրջափակող լեռնաշղթայի ստորոտում:

Ճանապարհորդը տակաւին աղբեւրի ակը չհասած, հեսուից լսում է գուրս ժայթքող ջրի վշշոցը և տեսնում է բարձունքում ճախրող բազմաթիւ ջրային աղմկող թռչունների թռիչքները: Աղբեւրը բղխում է 30-40 մետր լայնութիւն ունեցող տեղերից, երկրի բազմաթիւ պատռածքներից, պարունակելով առատ թթւածքի զարեր, որ պղպջակներով ծած-

կում են ջրի երեսը, ջուրը խմելիս գազի պարունակութիւնը բաւական զգալի է լինում:

Այդ վիթխարի աղբիւրի ջրի քանակը ամէն վայրկեանում 1500 լիտրից աւել է, որ գարնանը շատ տևելի է մեծանում: Իր բնական ընթացքին թողած այդ ջրերը, ամենակարճ ճանապարհով, ջրվէժներ կազմելով, անօգուտ եղանակով պիտի թափւէին Վանայ լիճը. Լեմանի նկարագրութիւնից ակներեւ է, որ այդ աղբիւրի նմանութեամբ մենք ունինք ներկայումս Սիսիանու Շաքի աղբիւրը, որ ծաղկէ փունջի նմանութեամբ սքանչելի մի ջրվէժ կազմելով անօգուտ եղանակով թափւում է Որոտն գետը: 1931 թւի աշնանը Հայաստանի Խորհրդային իշխանութիւնը, կանխօրէն կազմւած ծրագրով, այդ սքանչելի ջրառատ աղբիւրի վրայ ելէկտրական կայարան շինելու հիմք դրեց և շուտով Շաքի աղբիւրը իր շրջանի բանւորագիւղացիներին էներգիա և լոյս է մատակարարելու:

Մենուասի առուի ջրերը բնական ընթացքին թողնւած, մինչև Խոշաբի գետակի թափւելու տեղը ընդամէնը հինգ կիլոմետր տարածութիւն ունին. Մենուասը իր արհեստական առուով նրա երկարութիւնն աւելացրել է 15-16 անգամ, ասել է 75-80 կիլոմետր: Աղբիւրի ակի գլխի վերեւցուած են ժայռեր, որոնցից մէկի վրայ

աեպածեւ անձանագրւած էր ձեռնարկութեան յիշտակարանը, որ մինչև 1890 թ. իր տեղում պահւած էր, ինչպէս վստահելի աղբիւրից Լեմանն էր տեղեկացել, բայց հետեւեալ տարին արգէն այլ եւս չկար. Երեխ զլորւել ընկել է ակի աւազանի մէջ:

Բարեկախտաբար բազմաթիւ ուրիշ արձանագրութիւններ կան պահւած առուի ամբողջ շարունակութեան վրայ, իւրաքանչիւրը 4. 9 կամ 13 տողից բազկացած, ընդհանրապէս համանման բովանդակութեամբ. միակ տարբերութիւնն այն է, որ բազմատող յիշտակարանները փորագրւած են շինարարական և բնական մեծ արգելքների տեղերում: Դրանց էական բովանդակութիւնն այս է.

«Հզօր Խալիթը համար շինել է Մենուասը, Խսպիւնիսի որդին այս առուն:

Արա անուն է Մենուասի առուն:

Առուի հէնց ակների մօտ հասարակ քարերով և հողակոյտի պատնէշով ջրի ընթացքը փոխել են և նրան ուղղել դէպի հիւսիս-արևելք, դէպի Վերին Բժնկերտ, բաւական խորացրած հունի միջոցով, որով ջրի հոսման ոյժը իւրաքանչիւր վայրկեանում երեք մետրի է հաւասար: Նախապէս ջուրը կուտակւում է մի մեծ աւազանի մէջ, բնական և ապա արհեստականօրէն մեծացրած, և երբ այդ աւազանից գուրս է գալիս, նրան պարփակող առուն ունի 4-5 մետր լայնութիւն, մէկ ու կէս

խորութեամբ։ Վերին Բժնկերտից առուն
բաւական ժամանակ լնթանում է ուզիղ
գէպի հիւսիս, զիգզագներ կատարելով,
Բոյզաղի, Հայկաբերդի և Աստուածաշէն
գիւղերի մօտերքով։ Ճանապարհին մի տեղ
հանդիպում է Խոշաբի գետակին, որի վը-
րայից անցնում է ծառերի կոճղերից եւ
հողով ու քարով ծածկւած բարձրութեան
վրայով, անկասկած հին ուրարտական
հիմնաւոր կառուցւածքին փոխարինող։
Անկորուստ պահւած առաջին սեպածեւը
գտնում է Ներքին Բժնկերտ գիւղի կա-
մրջից հարիւր մետրաչափ ներքեւ, բնական
ժայռի վրայ, ժամանակի և եղանակների
հարւածներից բաւական վնասուած։ Այնու-
հետեւ սեպածերը յաճախ են պատահում։

Յիշեալ գիւղերից առուն լնթանում է
գէպի առաջ, մի շարք հայկական (Լեմանի
այնտեղ եղած ժամանակում) և քրդական
գիւղերի խմելու, ոռոգման և ջրաղացների
ջուր մատակարարելով։ Առուի երկարու-
թեամբ բաւական յաճախ տեղերում շի-
նուած են աքվեղուկներ, այնքան հմտու-
թեամբ և հաստատուն կերպով կառու-
ցւած, որ գարեր անմինաս գիմացել են ա-
մէն տեսակ պատահարների։

Շինարարական միծ և հմուտ վարպե-
տութեան գործ է Իշխանիգոմի աքվեղու-
կը, շինուած այն հաշւով որ առուն աք-
վեղուկի պատի վերեկի եղերքից քսան մետր
հեռու է անցնում և այդ հեռաւորութեամբ

պատնէշ է շինուած մօտը բարձրացող լե-
րան հանդէպ, որպէսզի ջրի մեծութիւնը
և հզօրութիւնն վնաս չհասցնի և լերան
հնարաւոր փլուածքներ առաջ չբերի։ Պա-
տը շարւած է հինգ շարք քարով և երե-
քից չորս մետր բարձրութիւն ունի։

Այն տեղում ուր առուն դուրս է հա-
նուում Հայոց Զորից և արևմտեան ուղղու-
թիւնից, դարձեալ թեքում է գէպի հիւ-
սիս, մտնում լերան պատուածքի կամ
տունելի մէջ և ապա ժայռերի փորւած-
քից գուրս գալուց յետոյ, ճիւղաւորւում
է և զլորւելով գէպի ցած, երեք աստի-
ճան ջրաղացների ջուր է մատակարարում։

Այդ ջրաղացների փաստը Լեմանին
հիմք է տւել լնդունելու, որ Հայաստանի
ամէն կողմ գտնուղ ջրաղացներն, իբրև
ջրառյժի օգտագործման միջոց, գոյութիւն
ունէին Ուրարտացիների ժամանակներից
և հետեւապէս ջրաղացաշինութեան արհես-
տը այդ հին ժողովրդից մնացած ժառան-
գութիւն է։

Իշխանիգոմից կէս ժամ քայլելու հե-
ռաւորութեամբ առուի մասին Լեմանը գը-
րում է։ «Առուի ճանապարհին մենք հա-
մանք մի լեռնանցքի, շինութեան համար
այնպիսի մի արտասովոր գժւար տեղ, որ
գրան յաղթահարելն այդ ջրանցքը գնում
է հնութիւնից մնացած ջրաշինարարական
ձեռնարկների մէջ, եթէ ոչ ամէնախոշոր,
ամենանշանաւորների շարքին»։

Առուի առաջ գանւում է լեռնային մի վիթխարի վիճ, ընկած արևելեան ուղղութեամբ և այդ վիճի միջով պէտք էր ջուրն անցկացնել: Լերան հարաւակողմին կառուցւած պատի վրայով է տարւած առօւն. ապա պատին տրւել է համարեա ուղղանկիւն թեքւածք ժայռի միջի վիճը մագլըցելու համար: Սկզբի նայողի տպաւորութիւնն այնպէս է, որ առօւն տարւած է այսպէս կոչւած — կեղծ — երկուստեքի մի հաւաքւած քարակոյտի աղեղի վրայով: Սակայն երբ մօտիկուց քննում էք, երեւում է, որ հարթ պատակողպէք է դա, մի մետրաչափ լայնութեամբ դուրս ընկած ելուստի պատով, որով ջուրը վիճի վրայով անցկացնելը հնարաւոր է դարձել: Խոկական ջրատար պատը ընթանում է արեմուտքից հիւսիս ՅՅ աստիճան թեքութեամբ և կառուցւած է անդունդից վեց մետր բարձր: Այստեղում ևս ջրատար մասը ներկայում ծածկւած է իրար խիտ առխիտ հագցրած ծառարմատներով. դարձեաւ նոր ժամանակւայ կարկատանք: Ահա այդպէս շինուծ պատի վրայով ջուրը կտրում անցնում է այդ ահուելի վիճը դէպի հիւսիսային կողմը, իսկ յետոյ ծուռում է դէպի արեմուտք: Այդտեղում առուի հիմքը քարերով սալայտակած է, 30-40 մետր խորութիւն ունի, իսկ լայնութիւնն է 90-110 մետր: Այդքան մեծ փոսի երկու կողմից պատեր են շարւած, որով ջուրը չի կարող

պատռւածքներ առաջ բերել, ոչ հիմքը փորփրելով և ոչ կողերի շերտերը ողողելով: Այդ վիճով գործը չի վերչանում, ճառապարհին ընդառաջ են գալիս գարձեալ դժւար յաղթահարելի խոչնդոտներ, որոնց մէջ ամենանշանաւորը, հնագիտական եւ տեխնիկական տեսակէտով, Կատեպանք անուն կրող տեղն է, Արտամետի հսկայական ձորը: Արտամետի ձորում արդէն նըկարագրածի պէս, կիկլոպիան պատեր են կառուցւած վիթխարի ժայռերից, ձորի ահուելի բացւածքի համար պատնէշներյարմարացնելու և ջրի ճանապարհը հարթելու: Վիթխարի ձորի յաղթահարումից յետոյ, առօւն համեմատաբար դիւրին և թեք մակերեւոյթով ընթանում է դէպի վանի բերդաքաղաքը, նրա մերձակայքին կենդանութիւն տալու համար:

Ուղիղ այն տեղում ուր ջուրը գուրսէ գալիս Արտամետի հսկայական ձորից և առաջը բացւում է վանայ լճի սքանչելի տեսարանը, Մենուասը, թեք մակերեւոյթի վրայ, տնկել է տւել մի խաղողի այգի իր կնոջ անունով և նրա վայելչանքի համար ։ Անկորուստ պահւած արձանագրութիւնն է մեզ այդ ուշագրաւ տեղեկութիւնը հաղորդում: Արձանագրութեան թարգմանութիւնն է.

«Մենուասն է այս խաղողի տնկարանը ձգել իւր Տարիցիաս կնոջ համար եւ տեղի անունն էլ Տարիցիաս կոչել»:

Վերին Բժնկերտ գիւղից սկսած, 80
կիլոմետր տարածութեամբ բոլոր գիւղերը
և վան քաղաքը Ն. Ք. Քր. ութերորդ
դարից սկսած վայելում են Մենուասի մե-
ծագործութեան պտուղները:

4. Լեմանը վանում ուշադրութեան է
առել նաև Այգեստանում գտնւող բազմա-
թիւ քարհիղները կամ քանքանները, ո-
րոնց թիւը նրա ստացած տեղեկութիւն-
ներով 21 էր հասնում: Այդ քարհիղների մէջ
կան նորերը և այդպէս էլ կոչում են և
հները. վերջիններս աւելի խոր են ընկած
և աւելի հեռաւոր տեղերի հասցրած: Գեր-
մանացի գիտնականը մասամբ ենթադրա-
բար է ընդունում, որ քարհիղներով ջուր
ստանալու սիստեմը դարձեալ ուրարտա-
տան է և նրանց ժամանակներից մնացած:
Երբ մենք կը ծանօթանանք Պարսկաստանի
մի ծայրից մինչեւ միւսը սփուած քարհիղ-
ներին, սկսած Դարեհի և Քսերքսեսի ժա-
մանակներից, կ'համոզւմք որ կարիք չկար
ենթադրութիւն անելու: Քարհիղներ ան-
շուշտ գոյութիւն են ունեցել ուրարտա-
խալդիական քաղաքակրթութեան օրով և
վանը այդ քարիքն էլ վայելում է նրան-
ցից իբրև ժառանգութիւն ձեռք բերած:
Վանից հիւսիս է գտնւում Թիմարի գա-
ւառը, որտեղ հողերի մեծագոյն մասը քար-
հիղների ջրերով են ոռոգւում:

Այդպէս մենք գտնում ենք, եղա-
փակում է գիտնական գերմանացին իր

հետախուզութիւնները, որ հնութիւնն ու
ներկան սերտօրէն կցըրդւած են միմեանց
հետ. ոչ այնպէս ինչպէս Միջագետում և
Բաբելոնիայում, որտեղ քաղաքների հիմ-
նարկութեան վայրերն ներկայումս հիմնա-
յատակ կործանւած են, և ծածկւած ա-
ւազի ու փոշու հաստ շերտերով. որտեղ
ջրանցքների հետքերը միայն աւազի վրայ
ձգւած գծերն են մատնոնշում, մինչեռ
խալդիական ստեղծագործութիւնները, ի-
րենց անընդհատ կենսունակ օգտակարու-
թեամբ, ուսումնասիրողի համար իւրայս-
տուկ հմայք ունին: Ռուզասի լիճը, Մե-
նուասի առուն և միւսները մինչեւ այսօր
իրենց գտնւած վայրերին կենդանութիւն
տող երակներն են կազմում:

5. Արշակունի թագաւորների տոհմա-
յին գերեզմանատունը և թագաւորական
գանձերի պահպանութեան ապահով տեղը
Անի - Կամախ բերդն էր: Այդ բերդի մա-
սին Լեմանը գրում է (Հար. Ա. էլ 496 -
500). Քաղաքը գտնւում է Գեօմուրչայի
Ֆրատի հետ խառնարանի մօտ, վերջնի
ձախ ափին: Այդտեղէն է անցնում նաև
Տանաձոր գետակը, ժայռերի թիկունքնե-
րով: Այդ տեղը ներկայացնում է մի նեղ
սարահարթ, մօտաւորապէս 1 ու մի քա-
ռորդ կիլոմետր երկարութեամբ, միան-
գամայն չոր անապատի կերպարանքով.
հին աւերակների անցած փառքի մնացորդ-
ներով: Հետաքրքիր հարց էր, թէ ի՞նչ-

պէս են այդտեղ ջուր բերել բաւական խո-
չոր ազգաբնակութեան կարիքների համար։
Տակաւին պահւած են աւազաքարի մէջ
հնուց փորւած սանդուխների աստիճան-
ներ, որ իջնում էին մինչև ներքեռմ հո-
սող Տանաձորի ջուրը։ Բայց այդ եղանա-
կով ջուր տանել և ազգաբնակութեանը
բաւարարել անկարելի էր։ Տեղական բնա-
կիչների ցուցմունքով Լեմանը հետախու-
զում և տեսնում է որ կամախի հետեւում
գտնւած բարձունքներից փայտեայ խողո-
վակներով 80—100 մետր բարձրութիւնից
ջրաբեր առու կար շինւած։ Որոշ տեղե-
րում կարելի էր տեսնել վիմափոր առու-
ներ ջրի համար։ Բացի այդ կային նաև
վիմափոր սենեակներ այդ առուների ծայ-
րերին, որ ծառայել են իբրև հսկայական
ջրամբարներ և վիմափոր անցքեր նրանց
մէջ ջուր թափելու։ Լեման ինքը տեսնում
և համոզւում է, որ որոշ տեղերում գեռ
պահւած կային փայտեայ խողովակներ,
հաստատելով տեղացիների պատմածները։

Բացի այդ՝ բերդալերան արեւմտեան
կառուցւածքներում կար ջրագլխի հսկա-
յական մեծութեամբ մի բացւածք, և մի
շարք կողմնակի խողովակներ, բոլորն էլ
վիմափոր, երկարժամանակեայ ջրի հոսան-
քից լոսւածքներով։

Դէպի Տանաձոր տանող աստիճանների
ճանապարհով եւ այդքան զարմանալի եւ
գժուարագործ ստորերկրեայ վիմափոր ջր-

ըանցքով կենդանացած Անի-կամախը ներ-
կայացնում էր նախահայկական ջրամա-
տակարարման արուեստի մի գեղեցիկ
մնացորդ, որ գոյութիւն է ունեցել նաև
հայկական պատմութեան ընթացքում։

Ուրարտացիներից պահւած կան ջրա-
տարութեան և ջրագործագրութեան ուրիշ
հետաքրքիր օրինակներ ես. օրինակ Բոս-
տան-ղայեա անունը կրող Վանի շրջանի
ուրարտեան այն բուրզը, որտեղ պարտէզ
էր տնկւած վիմափոր, կամ բոլոր բերդերի
գէպի ջուր տանող գետանցքների վրայ,
լայն աստիճանների տերասների վրայ.
բայց մենք բաւականանք յիշատակելով
այն առուները, որ ուրարտական թագա-
ւորները շինել են Արարատեան գաշտում։

6. Ուրարտեան համեմատաբար կար-
ճատե տիրապետութիւնը ներկայ Հայաս-
տանի տերիտորիայի, սկսած Երասխ գե-
տի ձախ ափից գէպի Սևանայ լիճը, նոյն-
պէս ջրաշինարարութեան հետքեր է թո-
ղել։ Ինսնական թուականներին երկու սե-
պածե արձանագրութիւն գտնւեցին Արա-
րատեան գաշտում, մէկը Երասխի ձախ
ափին, բոլորսվին պատահական կերպով,
միւսը Զուարթնոցի աւերակներում, պե-
ղումների շնօրհիւ։ Առաջինի գտնողը մի
զիւղացի էր, որ զաշտում յանկարծակի
բռնւած յորդ անձեւից պաշտպանելու
համար ապաստանաբան է որոնում կուտա-
կւած քարերի խոռոչում, Քեալագարխ գիւ-

զի առուագլխին, մօտաւորապէս կարակայա հին աւերակ քաղաքի դէմ յանդիման, որտեղից սկսում են Սարդարապատի, Շահրիարի և այլն գիւղերի առուները:

Գիւղացին նկատում է, որ իրեն ապաստանարան տւող ժայռի վրայ ինչ որ գրութիւն կայ, որ սեպածեւ արձանագրութիւն էր: Ուսուս Նիկոլսկի և գերմանացի Լեմանը ստանալով մեր ուղարկած արձանագրութեան էստամպաժը, մեր նկարագրութեամբ, թարգմանեցին և երևաց, որ Արմաւիրին տիրող Արքիշտին է գրել տւել այդ արձանագրութիւնը, որի մէջ յիշատակում է, որ ինքը Արաքսից առու է (Խալդիական պիլի բառով արտայայտած) հանել երկիրը ջրելու համար: Զուարթնոցի պեղմամբ գտնւած արձանագրութեան մէջ, շատ աւելի ընդարձակ և ուրիշ տեղեկութիւններով հարուստ, Ուուզաս երկրորդը յիշատակում է, որ ինքը տիրել է Կուարլուի երկրին, քաղաք է հիմնել և իրարուն գետից առու է հանել, հողերի ոռոգման համար: Մինչդեռ այս երկու արձանագրութիւնները հաստատուն տեղեկութիւններ են մեզ հաղորդում. Արարատեան գաշտի ոռոգման համար երրորդ առուի հանումը բաւական հաւանական մի ենթագրութիւն է, որի մասին գրում է Լեմանը: Ենթագրութեան աղբիւրն այն է, որ Աւանի լճի ափերին գտնւած սեպագրերից երկուսի շնորհիւ յայտնի է դար-

ձել, որ այդ լճի ջրերը, ինչպէս նաև Վանայ լճինը, ենթակայ են մօտ երեսուն տարիների պարբերական բարձրացումների և նուազումների: Սևանայ լճից մի գետակ է դուրս գալիս, որ խառնւելով Միսխանէի լեռներից բղխող գետակի հետ Զանգուգետն է կազմում: Լճից գուրս եկող ջրի քանակն անհրաժեշտ էր Արարատեան դաշտի ուսուգման համար. մինչդեռ համարեաթէ ցամաքելու աստիճանի է հասնում լճի ջրերի նուազման տարիներում: Լեմանը ենթագրում է, որ ջրամատակարարման այնքան առաջնակարգ կարևորութիւն տւող ուրարտական թագաւորները բնականաբար պիտի միտք յղանային օգտագործել Սևանի ջրերը ոսուգման համար և նրանցից մէկն է լճից գուրս եկող գետակի ելման անցքը փորել, յատկապէս Ուուզաս երկրորդը, որ իր արձ. հաստատած առուի համար միջոց կ'մտածէր Սևանի պէս մի խոշոր ջրամբարից օգտւելու (Տե՛ս նրա գրքի, հտր. Ա., էջ 164):

Այսպէս պատահաբար յայտնաբերւած արձանագրութիւնները ապացուցանում են, որ Վանի շրջակայքը այնքան առատութեամբ ջուր մատակարարող թագաւորները, Արարատեան դաշտի պտղաբերութիւնը և սպասելիք հողամշակութիւնն անուշադիր չէին թողել: Պիտի հաւատալ որ նոր հնարաւոր գիւտերն ապագայում աւելի լրիւ տեղեկութիւններ կ'բերեն: Աւելորդ

չենք համարում այստեղ կրկնել ուրիշ առթիւ արտայայտւած ենթադրութիւնը, որ Երեւանի առուները պարսիկ սարդարներին վերագրւած, Աշտարակի Ականաւեսի առուն, որ 1292 թ. նորոգել է ոմն Յակոբ վարդապետ, հաւանական Ուրարտացիների նախնական ձեռնարկներն են:

7. Հնագոյն տեղեկութիւններիցն է Մ. Խորենացու հաղորդած Հայոց Տիրան թագաւորի Գայլատուոյ — ծովէն — հանում առուի նուիրման մասին: Այսպէս է պատմւած. Արտաշէս թագաւորի Արտաւազդ որդին մեռնում է անժառանգ և Տիրան թագաւորը Անձեւացեաց ազգից Երախնաւուանունով պատմուն է տալիս «զամենայն տունն Արտաւազդայ», որտեղ է տալիս Տասեօն աւանը, հետն էլ ագարակներ եւ մեծ մի այգի, որի միջով անցնում էր — գետ առուն —, որ հանում էր Գայլատուոյ լճից. «Եւ զայդին մեծ, յոր մասնէր առուն գետ, հանեալ ի ծովէն Գայլատուայ» (Խորենացի, Պատմ. Գիրք Երկրորդ, Գլ. 62):

Ստ. Կամսարական գիւղատնտեսը, ինքը Սուրմալուի գաւառից և լաւատեղեակ այդ շրջանին, բերանացի զրոյցում ինձ յայտնեց, որ այդ լճից արհեստական կաւէ խոշոր փողերով ջուր է բերած մինչեւ Երասխի աջ ափին գտնւած Կարակալայի աւերակները: Իմ հարցին, թէ արդե՞օք Գալատուոյ լիճը — Բալդ-գեոլը արհեստա-

կան մի լիճ չէ իրենից ներկայացնում: Նա ասաց. առ տեղեաւն այդպիսի հարց իրեն չի տուել, բայց լաւ մտաբերելով լճի երկրաբանական դիրքը, երեք կողմից բարձր լեռներով ու բլուրներով շրջափակւած, իր կերպարանքով Սևանայ լճին նման ամենացածր, զէպի արևմուտք նայող մասում, մի դաշտավայր է ներկայացնում, որից յետոյ խոր բացւածք կայ: Կարելի է կարծել և հնարաւոր է, որ գաշտի մասը սկզբնաբար արհեստական կառուցւածք ունենալը, գարերի կրտակումով, աւազն աւելի երկարացած և ընդլայնած լինի: Նա հնարաւոր է համարում ընդունել, որ արհեստական ամբարտակ է կառուցւել:

Է. Հայկական ջրաբաշխական ձեռնարկները միջին դարերից ի վեր.

Ուրարտա-խալդիացիներն իրենց քաղաքակրթական գերք վերջացրին Ն. ք. Քր. գեցերորդ դարից, իրենց տեղը զիջելով Թրակիայից Փոխգիտայի վրայով ներս խուժող Արմենօ-Հայերին, որոնք անշուշտ իրենց մէջ ձուլեցին տեղական հին ժողովուրդներից շատերին, սկզբում Հետիւներին և ապա Ուրարտացիներին: Այդ ձուշման պրոցեսի և նոր ժողովրդի առաջ գալու և նախսրդների երկրներին տիրանալու հանգամանքները զեռ ևս անյայտութեան թանձր քօղով են ծածկւած: Բազ-

մաթիւ են եւրոպացի մասնագէտների ենթագրութիւնները, բայց հարցը կարող են լուծել միայն իրական փաստեր, որ ծածկւած են երկրի խորը կուտակումների տակ: Հետիւնների և Խալդերի այդպիսի աղքիւրներով այժմ քաջածանօթ դարձած պատմութիւնը այդ է ապացուցանում: Մինչև Քրիստոսի վեցերորդ դարը, մի չափազանց երկար անջրպետ, ոչ գրաւոր յիշատակարաններ են յաջորդական ջրաբաշխական աշխատանքների մասին մեղ տեղեկութիւններ հաղորդում և ոչ էլ երկրի մէջ գոյութիւն ունին ձեռնարկներ, որ մեզ ստիպէին անյայտ մնացած իսկական հեղինակներին որոնելու, ինչպէս Քեշիշ գեօլի և Շամիրամ սուլի օրինակներն են ցոյց տալիս և ոչ էլ այդ ուղղութեամբ ուսումնասիրութիւններ կան կատարւած:

Ս.սել թէ այդ 1200 տարիների շրջանում մեր երկրում ջրաբաշխական գործեր չեն կատարել, անկարելի է. մեր երկրում առանց արհեստական ոռոգման դժւար է քաղաքակրթական կեանք երեւակայել, միայն այս պիտի նկատել, որ հաւանական եղած գործերը փոքր և աննշան ձեռնարկներ էին, կամ հների կարկատանքներ: Ուղիղ այդպէս փոքր ձեռնարկներ են մեզ ներկայանում հայ զանազան դասակարգի մարդկանց ջրաբաշխական կատարած գործերը, որոնց յիշատակութիւնը պահւած են կամ հայ պատմագիրների մօտ, սկսած

վեցերորդ դարից, կամ եկեղեցիների ու վանքերի պատերի վրայ փորագրւած: Բաւական յաճախ են տեղեկութիւններ նաև ձեռագիրների յիշատակարաններում, բայց բոլորը ի մի հաւաքել մանրազնին կանոնաւորութեան առարկայ է. մենք բաւականում ենք գլխաւորապէս արձանագրական նիւթերով:

Այդպիսի արձանագրական յիշատակարաններ բաւական շատ են, որոնց օրինակները, թէև թերի արտագրութիւններով և ոչ լրիւ, ի մի հաւաքւած տպագրւած են կ. կոստանեանի Վիմական Տարեգիր ժողովածուի մէջ, տպագրւած Պետերբուրգում 1913 թ.: Յարմարութեան համար արձանագրութեան տուեալները բաժանում ենք այսպէս. 1.— Նոր առուներ կամ աղբիւրներ հանելու փաստեր: 2.— Սրգէն գոյութիւն ունեցող առուների նորոգութիւններ: 3.— Զբային վէճերի կարգաւորումն: 4.— Բարեգործ անձանց նուիրատւութիւններ զանազան վանքերի և եկեղեցիների:

1. Նոր առուներ հանելու փաստեր.

ա. Ներսէս Շինող մականուանեալ կաթուղիկոսը Նաղաբշապատում, Հռիփսիմէի վանքից մօտ երկու և կէս կիլոմետր հարաւ-արևելեան մասում արդէն գոյութիւն ունեցող չորս վանքերից զատ շի-

նում է հինգերորդ նորը, Զուարթնոց առնունով։ Հոյակապ և շքեղ եկեղեցուն կից շինել է տալիս կաթուղիկոսարան և շըրջապատի դաշտի վրայ ընդարձակ այգիներ տնկում։ Այդ այգիների ոռոգման համար տասներորդ դարու Յովհաննէս պատմագիր կաթուղիկոսի վկայութեամբ, Քառախ գետից նոր առու է հանում և բերում հասցնում իր նոր տնկարանը։

Զուարթնոցի պեղումները աներկբայցոյց տուին, որ այդ առուն իսկապէս գոյութիւն է ունեցել, որովհետեւ բացւեցին ջրի կանոնաւոր հետքեր, և պեղումներ կատարող Խաչիկ վարդապետը հին առուի հետքերով նոր առու փորեց և բաւական ընդարձակ մաս վերստին այգիներով եւ ծառատունկերով ծածկեց։

Պատմագրի հազորդածը կարօտ է որոշ ճշտման։ Վաղարշապատը դարեր առաջ արդէն ոռոգւում էր Քառախ գետի, հաւանական նաև Զագու գետերի ջրերով։ Տրդատ թագաւորի ժամանակ Հոռվմից Հայաստան փախած կոյսերը չորրորդ դարում յիշեալ Հուիփսիմէի և նրանից ոչ հեռու գէպի արևմուտք ընկած Շողակաթի վանքերի շրջակայքում գտնւած հնձաններում էին ապաստան գտել, որտեղ նրանք նահատակւեցին և որտեղ յետոյ վանքերը շինւեցին։ Հետեւապէս արդէն չորրորդ դարում Վաղարշապատի ներկայ այգիների տեղում դարձեալ խաղողի այգիներ էին

տնկւած եւ Քաստի գետի ջրով ջրւած։ Ներսէս Շինողը զլսաւոր առուի մի ճիւղն է տարել իր նորակառոյց եկեղեցու մօտ։

Ա. Նոր Բայաղէտ գաւառի, ներկայումս Մարտունու շրջանի ներքին Ալուշալու անուամբ գիւղի արևելահիւսիսային կողմում մի գեղեցիկ հովտի մէջ շինւած է Հայաստանի չափազանց բազմոթիւ վանքերից մէկը «Վանկվանու» անունով յայտնի, որի մանրամասն նկարագրութիւնը յիշատակարաններով տալիս են Մեսրոպ Սրբեալիսկոպոս Սմբատեան իր «Գեղարքունիք» գրքի մէջ և աւելի լրիւ եր. Լուլայեան իր հրատարակած Ազգ. Հանգէսի 1913 թ. XIV. էջ 51—54, առաջ բերելով վանքի շինութեան կարեոր յիշատակարանը։ Սրբ մէջ հազորդւում է թէ՛ շինութեան և թէ մեկ հետաքրքրութ ջրամատակարաման մասին։ Եկեղեցին շինել տըւողն էր «Շապուհ Բաղրատունի Հայոց

սպարապէտ տէրանց տէր, որդի Աշոտոյ Հայոց թագաւորի ի ժամանակս Հայոց թագաւորին մեծին Սմբատայ հաւրագատ եղբաւը իմոյ ... վերտկացու և տեսուչ առնելով զքոյր իմ Մարիամ Սիւնեաց տիկին . . .»։

Շապուհ Սպարապէտը իր շինել տուած եկեղեցուն գիւղերով և կալուածքներով նուէրներ տալով հարստացնում է։

«Եւ ետու դ. գեղոյս սահման Կոթայքարն, Շաւառնահողն, Գետամէջն,

յիշեցնում է Ուրարտացիների գործը։ Նրա կատարած գործի մանրամասնութիւնը յիշատակում են իր յաջորդներից Յովհաննէս եպիսկոպոսը, ժամանակի բերմամբ միասւած առուի նորոգողը և ապա աւելի մանրամասն Ստեփանոս եպիսկոպոս Օքելեան պատմագիրը։

Յակոբը Դիվինեցի էր, Յովհաննէս պատմագիր կաթուղիկոսի եղբօրորդին և նրա ձեռնասունը։ Երիտասարդ հասակում եպիսկոպոս ձեռնադրւելով, կարգում է Տաթևի վանքի վանահայր և Սիւնեաց թեմի առաջնորդ, քառասուն տարիների ձիգժամանակաշրջանում 918—958։ Նա սիրում է շինարարութիւն։ ամենից նշանաւորը Վարարական առուի շինութիւնն է։ Օքելեան պատմագիրը այդ մասին այսպէս է պատմում։

«Սա գանձագին առնէ զջուրն Զագէձորոյ, որ Վարարակն կռչի. ի տեսան Փիլիպպէէ որդւոյ Վաստակայ Սիւնեաց իշխանի ընդ Բժիշ գրամի (12,000 գրամի) և մի լուսաւոր ջաւաճիրի . . . և բերեալ ի Ցանկուտն որ հանգէպ վանիցն, յայնկոյս գետոյն, և արար զամենայն վայրն առապար եւ փեալից վարդուտ եւ տնկալից։ Տնկեաց բազում այգիս եւ որթս սորեկս. էարկ տունկս ի զանազան պտղաբերաց. ձիքենիս և թղենիս և նոնենիս. և յամենայն մրգաբերաց արար գրախտա զարմանալիս։ Եւ զարդարեալ զբոլոր վայրն ընդարձակագոյն

թանձրախիտ ծառովք և քաջուղէշ որթովք ի վայելումն եղբայրութեանն եւ ի պէտամենայն կարօտելոց եւ աղքատաց»։

Տաթևի վանքի արխիւում, գուցէ նաև քարերի վրայ արձանագրւած, կային առուի շինութեան յիշատակարանը, միանգամայն համապատասխան պատմագրի տեղեկութեանը, որովհետեւ նա այդ վաւերագիրն էլ է մուծել պատմութեան մէջ։

«Ես Ցակոր շնորհիւն աստուծոյ եպիսկոպոս Սիւնեաց, գնեցի զ Վարարակ զուրբ յաստուածապահ տեսան Փիլիպպէէ, Սիւնեաց տեսանէ, ընդ Բժիշ գրամի և մի պատուական գոհարի. և բազում ծախիւք և մեծամեծ աշխատութեամբ վերին աւգնականութեամբն ածի զջուրն ի լեռնէն Զագէձորոյ և բերի ի Վարդուս։ և անկեցի որթս սորեկս և այգիս վայելուչս և զրախտաբազմածաղիկս և պտղալիցս, ի վայելումն սուրբ հայրապետաց որ ի սուրբ աթոռս հաստատին և սուրբ ժողովոյս և ամենայն հաւատացելոց Քրիստոսի . . .»։

Եւ չկայ յայս ջրոյս հաշիւ ոչ Նորեցեաց, ոչ Խոտանանեցեաց, ոչ Շնհերացեաց կամ Հայեցեաց, ոչ այլ մարդոյ, ոչ յարտ կտրել և ոչ ի մարգ և ոչ պարտիզի ջուր տալ. զատ ի մատակէդ ըմպելոյ մարդոյ և անասնոյ։

Եւ թէ ոք յանդգնի եւ զայս ջուրակտէ, այնպիսին նզովեալ լիցի յԱս-

տուծոյ եւ ի սուրբ նշանէս եւ Յժէ
(318) հայրապետացն որ ի Նիկիայն
գումարեցան և ի մէնջ, և բաժին նու-
րա ընդ ուրացողս եւ կախարդս լիցի
յաւուր ահեղ ատենին Քրիստոսի, եւ
ընդ սատանայի եւ հրեշտակաց նորա
ճարակ լիցի անշէջ հրոյն տանջանաց,
ուր հուր նոցա ոչ շիջանի եւ որդն նո-
ցա ոչ վախճանի:

ԵԶԱ. թոււականիս (= 932 թ.) գրե-
ցաւ վճիռս այս իմով ձեռամբս և կո-
քեցաւ մեր գովրական մատանեաւս ի
կամս աստուծոյ»:

Վանական արխիւի մէջ պահւած էր
նաև առուն վաճառող Փիլիպպէ իշխանի
պարտաւորագիրը, այսպիսի բովանդա-
կութեամբ.

«Կամաւն աստուծոյ ես Փիլիպպէ որդի
տեառն վասակայ Սիւնեաց տեառն, ի-
մոյ կամաւորութեամբն վաճառեցի զվա-
րաւականաց ջուրն սուրբ Գրիգորին, որ
իմ պապուն տէր Փիլիպպէին շինեալ
էր, ի սուրբ եպիսկոպոսարանն Տաթե-
ւոյ»: Եւ գնեաց Յակոբ Սիւնեաց եպիս-
կոպոս ընդ ՔժՌ գրամի և մին մեծա-
գին գոհարի, և վճարեաց զամենայն
գինն ողջամբ: Եւ ես առեալ իմ զգանձս
և զմին գոհարն ի Յակոբայ Սիւնեաց
եպիսկոպոսէ և ապիկար եմ ես և իմ
զաւակունքս և ազգայինք յայդ Ջրոյդ
յայսմհետէ մինչև յաւիտեանս ժամա-

նակաց: Եւ չկայ նօրեցեաց կամ իյո-
տանանեցեաց, կամ Շնհերայ և Հայե-
ցեաց յայդ Ջրոյդ հաշիւ. ոչ շատ և ոչ
սակաւ. ոչ յարտ հատանել և ոչ ի մարդ
զատել. որ մարդ և անասուն ջուր ըմ-
պեն ի մատակէդ:

Եւ թէ ես կամ իմ զաւակք յայս պայ-
մանէս ստեմք և կամ յայդ Ջրէդ կտրիւ
խորհիմք յարտ կամ ի մարդ կամ յայլ
ինչ, յաստուծոյ և ի սուրբ նշանէդ
նզովեալ եղիցիմք և զվերոգրեալ ա-
նէծոդ տեառն Յակոբայ անմահ կենօք
ժառանգեսցուք: Աստուած նորհաւոր
արացէ սուրբ ուխտիդ և սուրբ աս-
տուածազգեաց հայրապետաց»:

Վարարական ջուրը գտնւում է Գորիս
քաղաքի հովտի ամենաբարձր տեղում,
որտեղից բղխում են Գորիսի գետի ա-
կունքները, մօտ 10-12 կիլոմետր տարա-
ծութեամբ: Բարձր գէպի հիւսիս ջրին
աւելի մօտ է Վերինշէն գիւղը, Ուչթափայ
կոչւող լեռնագաշտի արևելահիւսային
բարձունքներում: Ուչթափան ձգւում է
հիւսիս-արևմտեան ուղղութեամբ, Որոտն
գետի հոսանքին զուգահեռ, աստիճանա-
բար ցածրանալով, իսկ Որոտն գետի և
Գորիսի հովտի ուղղութեամբ անդնդա-
խոր կտրւածքներ ունի, երբեմն ցից ժայ-
ռերով պարսպանման կտրտւած: Բազմա-
թիւ հայկական խոշոր գիւղեր, հովիտնե-
րում և անդունդների մէջ շինւած, Ուչթա-

փայի արօտներով և վարելահողերով են իւրենց ապրուստը հայթայթում։ Ուչթափան բնակութեան համար հիանալի յարմարութիւններ ունի, սակայն գարերի անապահով վիճակը, բայց նաև ինքնահոս ազբիւրների առատութիւնը և կիմայի մեղմութիւնը թելադրել են մարդկանց գիւղեր շինել ամենաանտանելի, զժւարամերձ և ամեն հանգստութիւնից զուրկ մասերում, գլխաւորապէս թշնամու յարձակումներից և ձմեռւայ բքաբեր քամիներից ազատ լինելու յոյսով։ Ուչթափան բազմաթիւ ազբիւրներ ունի, մանաւանդ նրա աւելի բարձը, լերան ստորոտներին մերձաւոր մասերում, իսկ Պատմագրի յիշած գիւղերի մերձաւորութեամբ, ջրերը պակաս են և ամառայ շոգերին մարդ ու անասուն բաւականաչափ նեղւում են խմելու ջրի պակասութիւնից։

Յակոբ եպիսկոպոսը իր առուն շինել է Ուչթափայի ամբողջ երկարութեամբ, հիւսիսից հարաւարեմուտաք, մօտաւորապէս 30 կիլոմետր տարածութիւնից։ Դաշտի բնական թեքութիւնը և հարթութիւնը առուի փորման գործը բնականաբար կը դիւրացնէին, բայց որովհետեւ դաշտի մէջ յաճախ են հեղեղատներ և բլրանման բարձրութիւններ, գետինը տեղ տեղ ամուր քարերով է ծածկւած։ առանց բարդ աշխատանքների անկարելի էր գործը գլուխ հանել։ Մանրամասն հետախուզութիւնը

կ'պարզի թէ հեղեղատների և այլ դժւարութիւնների առաջը շինաբարն ինչպէս է հարթել։ Կարեսը է այդ հետախուզութիւնը Ուրարտեան արուեստի հետ համեմատելու համար։

Առուն զործում էր մինչև 14րդ դարը, երբ Օրբելեանն իր նկարագրութիւնն է տալիս. մանաւանդ որ Օրբելեանի նախորդ վանահայրը, Յովհաննէս եպս.ը, հիմնական նորոգութիւններ էր կատարել։ Նորոգողն արձանագրութեամբ յաւերժացըրել է իր աշխատանքը, չմոռանալով նախորդին։ Ուչթափայի վրայ, Վերինշէնի դէմ յանդիման տեղում, մի ժայռ կայ ցցւած, որի տակով առուն էր անցնում։ Այդ ժայռի 2,26 × 0,83 մետր բնականից հարթ երեսին նորոգողը գրել է տւել իր արձանագրութիւնը.

«Յամի յորում էր թվ. Զիդ (= 1294) ես տէր Յոհաննէս կամաւն աստուծոյ եւ աղաւութիւք հոգեւոր հաւը մերոյ տէր Հայրապետա տարա զջուրս Վարարական ի Վարդուտն զոր աստուածապատիւ եւ հոգեւոր տէր Յակոբ գնեալ էր եւ տարեալ բազում աշխատութեամբ եւ արդեամբք. զիսափանեալն ի բազում ժամանակաց կրկին նորոգեցաք, յիշատակ մեզ եւ նախնեաց մերոց որք հանդիպիք սուրբ երրորդութեամբ յիշեցէք ի Քրիստոս»։

Այդ երկու շինաբար անձերի գործը այլ ես գոյութիւն չունի. պատմական յի-

շատակարանների շնորհիւ միայն գիտենք
այդ աչքի ընկնող գործի մասին:

Վարդուտը ցաքուտ գարձած վայրը
գտնուում է Տաթևի վանքի գէմ յանդիման՝
դէպի արևելք, Որոտն գետի ձախ ափին,
նշանաւոր Սատանայ կամրջից սկսող զառի-
վայրերում: Ուշբափայի պոտւնգին գըտ-
նող պարսպանման ժայռի ստորոտում
անցկացրած առուի փորւածքն է մնում,
մի հին մատուոի աւերակ և փլւած պա-
տերի շարքեր, որով բաւական թեք զա-
ռիվայրերը կտրատւել և յիշած այգիների
ու տնկարանների տեղիք են գարձել:

Հայաստանի անցեալ գիւղատնտեսա-
կան մշակութեան համար ուշագրութեան
արժանի տուեալներ են խաղողի որթի,
պտղատու ծառերի և ծաղիկների յիշատա-
կութիւնը. մանաւանդ այն, որ մեր երկրի
մէջ Տաթևի ծորում մշակւել են ձիթենիներ,
որ այժմ գոյութիւն չունին:

Դ. Արագած լեռան ստորոտում գըտ-
նուում է հնագոյն գարերից իր անունն ան-
փոփոխ պահած Թալին զիւղը, որի մէջ կան
եօթներորդ գարուց պահւած երկու կիսա-
ւերակ եկեղեցի, մէկը փոքր մատու,
միւսը մեծ կաթուղիկէ, եօթներորդ գարու
հայկական լաւագոյն ճարտարապետու-
թեան յուշարձան և ուշագրաւ գերեզմա-
նային կոթողներ: Տաճարի մայր սիւներից
մէկի վրայ 783 թւականից փորագրւած է
այսպիսի մի յիշատակարան.


«ՄէԲ թուականութեան հայոց ես Ուխ-
տառուր վանականս եւ ՏուՏի եղբայր իմ
բերաք աղբեւրանիս ի Քարկապ նու-
բաթէն ի Թալին. թէ յիշխանաց ոք
խլե իմ մեղացս պարտական եղիցի»:
Յիշատակարանը սկիզբը արտագրել էր եւ-
րոպացի ճանապարհորդ և տպւել էր սխալ-
ներով Այրաբատում: Յետոյ առ տեղեաւն
մենք կրկին քննեցինք և Սոկրատի պատ-
մութեան յառաջաբանում 1892ին հրատա-
րակեցինք, բայց գարձեալ մութ էր մը-
նում, թէ արգեօք նուբատի պիտի կար-
գալ, թէ ոչ: Յամենայն դէպս հայ ջրա-
շինարարութեան արձանագրութեանց մէջ
սկզբնական բնագրով հնագոյն արձանա-
գրութիւնն է, 783 թ., որից աւելի հինը
մեզ ծանօթ չէ: Թալինը իր շրջակայքով
մեր երկրի կարեսը տեղերիցն էր, թէեւ
ներկայումս բաւական խեղճ գիճակ ունի:
Հայկական ճարտարապետութեան գեղեցիկ
մնացորդներ, ոչ միայն թալինում, այլ և
նրա մօտակայ տեղերում, Մաստարայում,
Ներքին Թալինում, Իրինդում, Թալիշում
կամ Արուճում, Աշնակում ևայլն, խօսուն
վկաներ են, որ վեցերորդ գարից մինչեւ
իններորդ գարը, այդ շրջանում բազմա-
թիւ և լաւ կենցաղով ապրող ժողովուրդ
կար, որ կարող էր գոյութիւն ունենալ
միայն երկրի արդիւնաւէտ և յաջող մշա-
կութեամբ և որ առաջնակարգ տեղ էր տըր-
ւած ոռոգման գործին: Այդ ենթագրու-

թիւնը հաստատում է կոչի ջրային վէճի խնդիրը, որի հետ կ'ծանօթանանք:

Ուխտատուր վանականը ո՞րտեղից է ջրեր
բերել Թալինի համար, այժմ այդ տեղը
յայտնի չէ. ո՞րտեղ էր գտնւում Քարկա-
պինու բատկին, լնդունելով որ այդ ընթեր-
ցուածն է ուղիղը: Տեղական ժողովուրդը,
ոչ հին բնակիչներ, այլ նոր գաղթական-
ներ, անտեղեակ են հին բնակիչների մէջ
պահող սովորական աւանդութիւններին
և նրանց ցուցմունքը առանձին կարեորու-
թիւն ունենալ չի կարող. իսկ նրանք ցոյց
են տալիս եկեղեցուց մի կիլոմետրաչափ
գէպի սարը բարձրացող լեռնահովիտ, որի
առաջը հնուց պատմէշ կայ քաշւած, իսկ
այժմ հողով է լցւած և մշակելի արտ է:
Նրանց ասելով այդտեղ հնում արհեստական
ջրամբար էր շինւած, գարնան ջրերը հա-
ւաքելու համար: Հովիտը, որ անձամբ
քննեցինք, բաւական փոքր է և նրա մէջ
հաւաքւած ջրերը մեծ բան չեին կարող
լինել. սակայն անկասկած է, որ դա իս-
կապէս ջրամբար է, փոքր մասշտարի:
Ուշադիր հետախուզութիւնը գուցէ այդ-
պիսի ջրամբարներ աւելի ի յայտ բերի,
բայց թէ արդեօ՞ք դա է Ուխտատուրի շի-
նածը, թէ տակաւին անձանօթ մնացած
Քարկապի ջրերն է բերել, մնում է չուծ-
ւած: Ուստի մենք բաւականանանք միայն
ջուր բերելու փաստն արձանագրելով:
Ե. էջմիածնի թանգարան է բերւած

բազալտ քարից մի մեծ կոպիտ քար, համարեա անտաշ վիճակում, ջրային շինարարութեան յիշատակարանով։ Քարի վերեւի մտսում, մէջտեղը փորւած է մի խաչ և դրա շուրջն ու ներքենի ազատ շերտի վրայ, չափազանց տնկանոն եղանակով, առանց տողերի և միատեսակ ուղղութեան, փորագրւած է յիշատակարանը։ Գրեթի մի մասը գլխագրեր են, մի մասը բոլորգիր, չդագրին մօտեցող։

Այդ արձանագրութեամբ ոմն Քորք ի
թագաւորութեան Սինեկերիմա ջրի առաւ է
հանել Նևս. (= 992) թւին:



«կամ եղեվ հինյո (հոյո) ջրի | զառուն
վաս (sic) | մեղաց | հանել | յանուն |
ԱՌ | ՆԽԱ (= 992) | ի թագավորու |
թեան սինաք | էրեմա ես քոր | ք կակ-
նեց խաչ» :

Արձանագրութիւնը գրւած է երկա-
թագրով և հասձե բոլորգրով . կարդացւում
է դժւարութեամբ և հասկանալի է, որ ա-
ռաջի հրատարակութեան մէջ սխալներ
կան: Հնութեամբ, զրերի ձեռվ և բովան-
դակութեամբ կարեսր է: Այս քարը բեր-
ւած է եջմիածին «Իգտիրէ դէպի Երասի
երկու ժամ հեռի Բլուր գիւղից, որի առ-
ջեւէն կ'անցնի փոքրիկ տառւ մը, սկիզբն
առնելով Ղարաղալայից». մի տեղեկութիւն
որ հաղորդում է Կ. Բասմաջեանը (Բանա-
սէր, 1901, էջ 130—131), որ հրատարակել
է քարի լուսանկարը և արձանագրութիւնը:
Այս տեղեկութեամբ պարզւում է, առուն
Քորքը հանել է Երասիսի աջ ափից, և իս-
կապէս յիշեալ գիւղը ոռոգւում է Երաս-
խի ջրով:

զ. Մխիթար Այրիվանեցին իր պատ-
մութեան մէջ (հրատ. Մ. Էմինի, Մոսկվա,
1860, էջ 58) գրում է.

«Ապիրատ իշխան երկոտասան հազար
հեծելի —— Սա շինեաց զկեչառուս և
եհան զառուն Երեւանայ» :

Երեանն ունի ներկայումս մի քանի
առուներ. բուն քաղաքի անմիջական մեր-

ձաւորութիւնները ջրւում են Ղրիբուլաղից
սկիզբն առնող Գետակաչայի ջրերով եւ
Զանգու գետից հանած առուներով: Անո-
րոշ է մնում Ապիրատ իշխանի հանած ա-
ռուի բուն աղբիւրը:

հ. Բագրատունեաց իշխանութեան
մայրաքաղաք ծառայող նշանաւոր Անի
քաղաքը թէեւ շինւած է Ախուրեանի եւ
Ծաղկոցածորի հովիտներով կազմեող մի
տեսակ թերակղզու վրայ, ինչպէս Արշա-
կունիների ամրոց Անի-Կամախը, բայց այդ
ջրերը շատ խօրն են ընկած, ամրութիւն-
ների և պարիսպների շրջանակից դուրս,
և ազգաբնակութիւնը գետնափոր անցքե-
րով միայն կարող էր մօտենալ այդ ջրերին:
Պրոֆ. Մառի պեղումները քաղաքի մէջ
ի յայտ բերին զանազան ուղղութեամբ
տարւած քունգեր, որոնց հետքերը տա-
նում հասցնում են մինչև քաղաքի արեւ-
մուտքում գտնւող, ոչ շատ հեռի ընկած
Ալաջադաղի ստորատները: Ալաջադաղից
մեծ յորդութեամբ աղբիւրներ են զուրո-
ժայթքում, որ բնական հոսանքով ուղ-
ղուում են դէպի Անին և Ծաղկոցածորի
ջրերի մի մասն են կազմում:

Կասկածից գուրս է, որ քունգերով
այդ աղբիւրների ջրերիցն են քաղաքին
ջուր մատակարարւել: Պ. Թ. Թօրաման-
եանը գրում է այդ մասին. «Յիշատակու-
թեան արժանի գործ է ջրմուղը, որուն
միջոցով լերան ստորատներէն ջուրը կ'հաս-

Նէր մինչև Անի և կ'բարձրանար պալատի բարձունքներուն վրայ։ Ուշադրութեան արժանի էր ջրմուղի որոշ մասերուն շինուածքի կերպը, որն որ նախընթաց տարիներ Պ. Ն. Մառի պեղումներով բացուեցաւ. Կային տեղեր որ թրծած հողէ խողվակները ջրի ուժեղ ճնշումներէն անվասապահելու համար կրկնակի քարէ խողվակի մէջ ամփոփած և մաքուր կրաշաղախով պնդացուած են» (Ագդ. Հանգէս, ԽХІІІ. 1912, էջ 5-6):

Այս ձեռնարկութիւնը վերագրում է Աշոտ Ողորմած թագաւորին։ Նոյն պեղումներն ի յայտ բերեցին խոշոր ջրամբար միջնաբերդի պալատի հարաւային մասում։ Ջրամատակարարամնան այս մանրամասնութեամբ այս եղանակով էլ պատմական երկու Անի ամրոցները միմեանց նմանում են։ Նախ քան պեղումները մի արձանագրութիւնից արդէն յայնի էր, որ Առաւն Մագիստրոսը տասն և մէկերորդ գարում քաղաքի համար խմելու ջուր էր բերել։ Ահա այդ արձանագրութիւնը.

«— Ես Առաւնս Մագիստրոս մեծարեալ ի մեծափառ թագաւորութեանց ի գեղ զարդու և ի տիս մանգութեան իմոնկի յարեւելս, ի գեղեցկաշէն բերդս յԱնի, բարձրացուցի բաւանդակ զպարիսպ սորին կառկառակոյտ արձանաւք եւ հաստահեղոյս ամրութեամբ։ Եւ ի յիմոց մեծածախ գանձուց ածի ջա-

նիւ զուր յորդաբուս ի մէջ ամրոցիս յուրախութիւն եւ ի զովացումն ծարաւեաց—»

Արձանագրութեան մէջ չի պահւած թւականը, բայց որովհետեւ արձանագրութեան մէջ յիշւած է բիւզանդական կայսրուհի, հաւանական Զօէն, ուստի լնգունում է որ Առաւնը իր ձեռնարկութիւնը կատարել է 1045-1054 թւականներին։

Ղ. Անի քաղաքի մերձաւորութեանն է գտնուում Հոռոմոսի նշանաւոր վանքը, Ախուրեան գետի աջ ափին։ Նրա վանահայրերից մէկը Մխիթար անունով 1198 թ. վանքի համար զուր է բերել. չի ասւած խմելու թէ ոռոգման նպատակաւ. տեղական ծանօթութիւնը կ'պարզի այդ։ Զրի բերելը՝ առերեսոյթ կապւած էր որոշ գլժւարութիւնների հետ, որովհետեւ արձանագրութեան մէջ կարդում ենք, որ Մխիթարից առաջ նոյն իսկ Հայոց թագաւորներն այդ գործը գլուխ հանել չեն կարողացել։

«Ի Ոիկ (=1191) թուիս ես հայր Մխիթար սատարութեամբ Սարգսի կրաւնաւորի — զականց զուրն, զոր մեր հին թագաւորացն կարի յոյժ չանացեալ եւ ոչ ժամանեցին բերել — մեծ ծախիւք ածաք ի Հոռոմոսի վանս — եղեւ այսի հայրաբետութեան տեառն Բարսղեւ ի տէրութեան վանացս քրիստոսաւուր պատրոնացս Գրիգոր Հէճպին եւ Սմապտա եւ եղբարց իւրեանց եւ ի տէ-

բութեան քաղաքիս եւ բոլոր երկրիս
հաւոց . . . Զաքարէի եւ Խվանէի»:

Կէս զար անց այդ առուն վնասւում
է և խափանւում — խուպանեալ էր — և
ոմն Առիւծ վնասւածները նորոգում է:

«Թվիս Զ (=1251թ.) կամաւն աստու-
ծոյ ես Առիւծս Հոգեւորեանց եւ ամու-
սին իմ Սեղ միաբանեցաք սուրբ Յո-
վանիսի, յառաջնորդութեան տէր Բար-
սղի բերաք զջուրս որ տաթարովս (?)
խուպանեալ էր . . .»:

Արձանագրութեան Տարառով բառն
անօրոշ է. զուցէ մարդու անուն է, որ
խանգարել էր ջրի բերելուն, ինչպէս այդ
արդէն մի անդամ տեղի էր ունեցել 1206
թւին:

«Ի Ո՞ՇԵ (=1206) թւիս ես Զաքարեայ
Շահնշահ, որդի Սարգսի, զաւրապետ
Հայոց եւ Վրաց, քակեցի զջրաղացն,
որ յԱկանս հակառակ ջրիս շինած էր
եւ վերստին հաստատեցի զջուրս ի վահ-
քս Հոռոմոսի վասն արեւշատութեան
ինձ եւ եղբաւր իմոյ իւանէի»:

Ք. Հետեւեալ արձանագրութիւնները
ևս ջուր բերելու տեղեկութիւններ են պա-
րունակում Բիւրականում գտնւած.

«Ես հայր Գրիգոր որ Հայաքաղի զակնս
դրի եւ զառուս հանի, եւ տէրունի
հրամանով զՀայաթաղի հ—բեցի Բիւ-
րական—»:

Ժ. Գանձասար նշանաւոր վանից մօտ,
Խաչէն գետի ձախ կողմի մի բարձրութեան-
վրայ գտնւած Պառաւածոր կոչւած տե-
ղում, եկեղեցու պատի վրայ փորագրւած է.

«ՈԼ (=1181թ.) թուին եւ իշխանու-
թեան Սմպատա ես Բարսեղ Երէց եւ
Սարգիս եւ այլ եղբայրքս եւ Սանախ-
Երիցո որդիի մեր ժողովրդովս շինեցաք-
զեկեղեցիս եւ բերաք զուրս—»:

Ժա. Դարալագեազ, Մարտիրոս գիւղի-
մի խաչարձանի վրայ փորագրւած է.

«Ի թվականիս հայոց ԶԼէ (=1288թ.)
յիշխանութեան Պապաքին եւ Ամիր-Հա-
սանայ ես Սարգիս եւ որդին իմ Պետրո-
շինեցաք զաղբիւրս եւ կանկնեցաք
զլսաչս»:

Ժք. Ստ. Օրբելեանի մէջ յիշւած են-
ջուր բերելու այս գէպքերը:

Տասներորդ գարում ոմն Վահան, որ-
դի Զագիկ իշխանի, մտնում է կրօնաւո-
րաց շարքը. իր համար և իր անունով մի-
վանք է շինում Բաղաբերդի ամրոցի մօտ,
«հանդէպ Աճանանու»: Նրա մահւանից յե-
տոյ վանահայրութեան պաշտօնն ստանում
է իր եղբօրորդին, որ ճոխացնում է վանքը
նոր շինութիւններով: Սա է որ յետոյ Հա-
յոց կաթուղիկոս է ընտրում:

«Ծինէ . . . զգաւիթ եկեղեցոյն մեծամեծ-
քերածոյ վիմաւք երեսուն կանգնոց
չափ . . . Ծինէ եւ ի ձուլեալ կրաշա-

ղախ քարանց տրապէզ մի մեծ եւ բերէ
փողովք զջուրն ի դուռն նորա...»:

Ճգ. Աւելի ուշագրութեան արժանի
է Դարալագեազի կամ Վայոց ձորի, Գլն-
դէվազ վանքի վանահայր Սարգսի կատա-
րած գործը, որ ՆԾէ (= 1008) թւին Զինա-
տած կոչւած գետից առու է հանում առա-
պար եւ անջրդի տեղերը ոռոգելով մշա-
կելի դարձնելու:

«Ի թագաւորութեանն Գագկայ, որդ-
ւոյ Աշոտոյ, իսկ ի Սիւնեաց եւ Բաղաց
նորոգ թագաւորութեանն Վասակայ...
հայր Սարգիս .. ածեալ զջուրն ի լեռ-
նէն ի մեծ զիտաւոր սարէն, ուր ա-
կունքն են քաղցրահամ գետոյն որ
Զկնարած կոչեն, աներեւոյթ հրեշտակի
առաջնորդութեամբ, բազում ջանիւ եւ
մեծամեծ ծախիւք բերեալ հանդաստան
վանիցն, եւ զանհուն առապարն ան-
ջրտի արար ջրաբրի եւ զամենայն լեռ-
նակողմն յորում ոչ գոյ ումենք հաշիւ.
ոչ Պրակեցեաց եւ Կեչուտեցեաց եւ ոչ
այլ սահմանակից գիւղօրէիցն եւ ոչ այլ
ումենք. եւ այս ի թուականին ՆԾէ (=
1008):»:

Հետաքրքիր է այս առուն առ տեղ-
եաւն քննել. արդեօք ներկայումս ևս գոր-
ծում է թէ ոչ եւ թէ որքան տարածու-
թիւն ունէր, որովհետեւ ճանապարհին բա-
ւական գիւղերի մօտով է անցել:

Ժդ. Նոր Բայազէտի բերդի գլխին կայ
մի հին մատուռ, մօտը մի խաչարձան, ո-
րի երկար պատուանդանի վրայ կայ այս
արձանագրութիւնը.

«Ի թգ. ԲՇՂԱ. ևս Ամիր Վա(հա)պս (որ)-
դի Վասիլ իշխանին(ի) շինեցի զեկ(ե)-
զ(ե)ցի(ի)ս եւ զՓամառանո առուն հա-
նեցի կնիմանաց ձորէն եւ սարերէն:
Բնակիչք գեղիս խո(ս)տ(ա)ց(ա)ն տա-
ր(ին): Գ: Ժ(ա)մ: կ(ա)տ(ա)ր(ո)դ(ք)ն
ահնին յԱյ»:

Այս արձանագրութիւնը առաջին ան-
գամ հրատարակող Թ. Ավգալբեկեանը չի
համարում ԲՇՂԱ թւականը հայկական հին
թւական, ոյլ սարկաւագադիր փոքր թւա-
կան, որի հետ հետեւապէս զումարում է
ոչ թէ 551 (= 842) այլ 1083 և ստանում է
1374 թ. իբրև արձանագրութեան ուղիղ
ժամանակ: Հաւանական, նա հաշւի է ա-
ռել նաև արձանագրութեան հնագրական
կողմը, թէն այդ մասին ոչինչ չի ասում
(տես, Տեղեկագիր ՀԽՍՀ. Գիտության եւ
Արվեստի հնստիտուտի, Յերեւան, 1927,
հ. 2, էջ 216):

2. Առուների նորոգութիւններ.

ա. Արդէն յիշւեցին Տաթեւ և Հոռո-
մոս վանքերի առուների նորոգման արձա-
նագրութիւնները, որոնց մէջ տեղեկու-

թիւններ կային նախորդ աշխատանքների մասին . առանձնակի է մնում Աշտարակել Ականատեսի առուի նորոգութեան արձանագրութիւնը , որովհետեւ նորոգողը չի իւմացել առուի հիմք գնողի անունը :

«Շնորհիւն աստուծոյ ես Յակոբ Երեց ըստ կարի մերոյ նորոգեցի զմեծ առու տեղւոյս բազում աշխատութեամբ որ խախտեալ հիմանց յիշատակ հոգւոյ իւմոյ եւ որք աւգնական եղեն տրաւք եւ աւանդ գրեցի , որ շինած տուն եւ կել տնանկաց աւթեւան լինի : Թղ . ԶիլԱ (= 1292)» :

Սրա նորոգութեան թւականն է 1292, երկու տարի առաջ Վարարակից : Քասախ գետի խորը և բարձրադիր պատուտածքներով ջուր հանելը ուշագրաւ ձեռնարկ է և միանգամայն յարմար Ուրարտացիների արեստին . ուստի կարելի է ենթաղբեք որ հիմնական աշխատանքը նրանք էին կատարել , երբ ամբողջ Արագած լեաոը ստորատներով իրենց տիրապետութեան ներքոյ էր :

3. Զրային վիճերի կարգաւորումն .

ա. Զուրը առ ու ծախի առարկայ էր և բաւական թանկարժեք , ինչ որ Սիւնեաց Յակոբ եպիսկոպոսի վճարած գումարն է ապացուցանում : Զուրը գողացւում և յափշտակւում էր , ապացոյց նոյն Յակոբի

սոսկալի նզովքները և Թալին Տիրատուր վանականի սպառնալիքը : Զրին տիրապետելու այնպիսի բարդ վէճեր էին տեղի ունենում , որ յաղթելու համար երկրի ամենաբարձր իշխանութեան միջամտութեան կարիք էր լինում : Մի խօսքով տարածայնութիւններ , որ յատուկ են հին տիրապետական իրաւակարգերին :

Պատմական Արունի ներկայումս Թալիսի եկեղեցու պատի վրայ 867 թւից մի արձանագրութիւն կայ պահւած , որ նման վէճերի կենդանի պատկեր է տալիս : Կոչ և Արուճ գիւղերի բնակիչները ընդհանուր առուի ջրամասերի շուրջը անվերջ կռւի են բանւում , որ ոչ իրար մէջ ոչ ալ տեղական իշխանաւորների միջոցով հարթել է լինում : Գանգատը համում է Անիում գահակալող թագաւորին և նրա սպարապետին : Վերջինիս կողմից եկած անձն է կարողանում կողմերին հաշտութեան բերել : Որպէսզի վէճը այլ ևս չկրկնվի , վճիռը տւող պաշտօնեայն իր որբացումը փորագրել է տալիս Արուճի մայր եկեղեցու պատի վրայ :

«ՅԺԶ ։ Յուրականին Հայոց յի ժամանուրի Աւուոյ եւ ի սերուրի Սմբատայ Հաոց ասպարապետի Բագրատունոյ եւ ի կաթաղիկոսուրի Զաքարիայի եղեւ կրիւ ընդ յԱրուճ եւ ընդ կուծ եւ ընդ գաւառն . Եհար Արուն զկու եւ զգաւառն եւ կալաւ

զկուա վանականն եւ ի Քրքավանին ընդ
անկին մինքա
նի վանաւեցին ես Գրիգոր որդի Վա-
ռամա ծառա Ս
մբատա Բագրատունո եկի հրամանաւ Ամ-
բատա եւ ես
հաւասարեցի զջուրն ընդ Կու եւ ընդ
յԱրուն զին
չ իւրեանց բնիկ ռասմ էր լելա: Եւ կես
Կուա եւ :ա: Արն
ո: Արդ երե այլ ոք հակառակել ջանա
այլ աւելի ո
ասմ յուղէ .յժը. սուրբ հայրապետացն
նզել լիցի եւ
ի Սմբատա մահուամբ . . . պատուհասի»:
(Մի բառ քերւած)

Մի երկրորդ արձանագրութեան մէջ
դարձեալ Կուա ջրի վէճի հարց է արձանա-
գրւած: Արդեօ՞ք վերել կարդաւորւած ջրի
մասին է խօսքը. արձանագրութիւնից մի-
այն այսքան է պարզւում, որ բռնաւոր մի
անձն, կամ հարեւան գիւղի ժողովուրզը
բռնութեամբ խլել են կոշապատկան ջուրը,
որ դրամի վճարումով հազիւ են կարողա-
նում աղատել:

«ՃԾ թվականիս (=1101թ.) ես հայր Յո-
հանիս բազում աշխատութեամբ / սաս/ -
տիկ երդուեալ Կուա տանուտիրաւս դա-
տաւորն աւագերեցն . . . քափեցին զբնա-
ջուր առուն :Մ: (=200) դահեկանի գնի
որ Աւագին տան եւ որ . . . »:

թ. Անշուշտ այդպիսի մի ջրային վէճի
հետևանքով է որոշում կայացրած և Տե-
կորի եկեղեցու վրայ արձանագրւած հե-
տեւալը, 1036ին, Յովհաննէս Շահնշահի
թագաւորութեան և Պետրոս Հայոց կա-
թողիկոսի հայրապետութեան ժամանակ.

«Ես Հապ.. շահիկս եւ եկեղ(ե)ցպանս
միաբան եղբայրաւքս ինձկաւնից վանսն
Տեկորոյ ջրոյս և Ագարակաց ուղելո
զինչ առաջի թագաւորու . . ն լել է դ
աւրս եւ դիշեր Տեկորոյ է եւ դիշ
եւ դիշեր Ագրկուց հարցի . . և գի-
տողս նզովուք եւ երդնլով աւղորդն
այտ է . . . »:

զ. Լմբատ վանքում արձանագրւած
է, որ Անօրէնները — արդեօ՞ք մահմեդա-
կաններ, որոնց մասին սովորական է այդ
բառի գործածութիւնը, թէ վանքը յա-
փըշտակող անձինք — գրաւել էին վանքը
և յետ են ստանում փոխարէնը զիջելով
կամ հատուցանելով «զցիցքն վանիցս եւ
զջուրն»: Ինձ համար անհասկանալի է ցից
բառը այսպիսի գործածութեամբ:

«ՈՒ թ. (=1191թ.) . . ես տէր Բարսեղ
որ զնեցի զվանէս յանաւրինաց եւ ետու
զցիցքն վանիցս եւ զջուրն, որ իւրեան
էր ի հնոց լեալ, յիշատակ ինձ . . . »:

4. Նւիրատւուքիւններ վաներին
եւ եկեղիններին.

Ա. Ստ. Օրբելեանն իւր պատմութեան
մէջ է առել երկու արձանագրութիւններ,
որոնցմով յիշատակում է, թէ Սիւնեաց
Սուվան իւսանը 901թ. իր ծախքով եկե-
ղիններ է շինել տւել, հոգեօրականաց
դաս հաստատել և պահպանութեան հա-
մար խոշոր նուէրներ տւել. գիւղ, հող,
ջուր և ձուկ որսալու իրաւունք չնորհել:

«Ինձ Սուվանայ յիշատակարան հաս-
տատեալ հոգեւոր ի Քրիստոս ի բաղա-
բագելս Կոբայ ՚ի կացուածի իմոց նոխ-
նեացն . . . կամաւքն աստուծոյ շինեցի
տուն տեառն . . անուանակոչութեամբ
սրբուհւոյ տիրամաւր Աստուածածնին
վիմատաշ, կոփածոյ քարամբք եւ ի
սմա սենեակս ութ ի վերոյ եւ ներ-
քոյ: Եւ ապա ի սմին սուրբ քաւարա-
նիս կարգեցի քահանայս եւ զարդարե-
ցի . . ես սահմանեցի հողս եւ ջուրս,
եւ ետու միոյ միոյ քահանայի յիսուն
գրամ ի տարտոջն . . » (Օրբելեան, Պտմ.
թիֆլիզ, 1910, Գլ. Լէ. էջ 177-178):

Երկրորդ արձանագրութիւնն է.

«Կամաւն աստուծոյ ես Սուվան, Սիւն-
եաց իւսան, շինեցի զՄաքենցաց եկե-
ղիս, եւ անխնայաբար զարդարեցի

պատուական սպասուք եւ աստուածա-
յին կտակարանաւոք. եւ ետու զսեպ-
հական տեղն մեր ի սա, որ ըստ ան-
ուան եկեղեցւոյս Աստուածածին ասի,
ամենայն սահամանաւոք, լեռամբք եւ
դաշտիւ. եւ ետու որս ձկանց . . . »
(էջ 179):

Շարունակութեան մէջ յիշւած են նաև
այլ նուէրներ. հետաքրքիր է մեզ համար
ջրային հարցի հետ կապ ունեցող ձկնոր-
սութեան յիշատակութիւնը, անշուշտ Սե-
ւանի լճից:

Բ. Հետաքրքիր է Անիի մէջ պահւած
մի արձանագրութիւն, որի մէջ գրւած է
ՆԶԵ (= 1036) թւից.

«Կամ եղեւ ինձ տեառն պետրոսի հա-
յոց կաթուղիկոսի տալ զայգին Աշնկի,
որ ի մեր կորդո արկած էր . . . մարզ-
պանին Ապլղարիպա, որդւո Գրիգորո
Պահլաւունո վասն առաւել սիրոյն եւ
երախտեացն, զոր ծառաեալ էր սուրբ
Լուսառչի աթոռս. արդ տուաք . . .
եւ Գ աւը ջուր ազատ ի խալաէ եւ ի
գեղջէ յամենայն հասուց . . . իսկ նա
ընծանաց յիւր շինեալ եկեղեցիս ի սուրբ
Փրկիչս բաժակի . . .»:

Գ. Զաքարիա Սպասալարը հայկական
արձանագրական յիշատակարանների մէջ
ամենայաճախ յիշատակւած անձնաւորու-

թիւններիցն է, որովհետեւ հայկական վանքերի մեծ հովանաւորն ու նույիրատուն էր։ Ուշադրութեան արժանի է այն մեծ նույիրատութիւնը որ նա արել է Հառիճայի վանքին։ Բացի այլև այլ շինութիւններից, այդ վանքին է ընծայում իր սեպիական գիւղը, ջրաղացներ, պարտէզներ, խաղողի այգիներ, ևն։ Վանքի հիւսիսային պատի վրայ խոշոր երկաթագրերով երկարօրէն թւարկում է իր ընծաները։

«Ես Զաքարէ, մանդատորթա խուցէս, ամիր սպասալար հայոց եւ վրաց, որդի մեծի Սարգսի, գանձագին արարի լզկոչակաւոր սուրբ ուխտս Հառիճայի յիւր բնական հայրենատիրացն յաղագս կենդանութեան տեառն իմոյ, բարեպաշտ Թամար թագուհոյ։ Եւ փրկութեան ինձ եւ հարազատ եղբաւր իմոյ յիշանէի և զաւակաց մերոց Շահնշահի եւ Աւազին։ Եւ ծնողաց մերոց։ Շինեցի ի սմա ամրոց եւ զկաթողիկէս բազում ծախիւք եւ զարգարեցի ամենայն սպասիւք եւ սրբութեամբ եւ զիմ զեղն, որ է մերձ ի սուրբ ուխտս, զՄողորիոն (թէ Մոկորիո՞ն) ընծայեցի սուրբ Աստուածածնիս բոլոր իւր ամէն հողահատովման սարովմ եւ ջրովն, զոր բնական լեալ է։ Եւ ետու ջաղաց մի ի Գետիկ, որ Դիւաղաց կոչի։ Ջաղաց մի յԱնի Գլիճորին եւ պարտէղ մի ի Ծաղ-

կաձորին։ այգի մի յԵրեւան եւ այգի մի ի Թալին։ Եւ զառաջին սահմանքն, որ բուն լեալ էր, հաստատեցի ի սահմանախաչէ ի Հառիճա գետն կոռ մարդով, Գրերովմ, Ցամաքձորով, Ճինարին Հարով, Գոմցեց ձորովմ, Արեն աղբերով, Հին Հառիճասով . . . նաեւ գրեցաւ կտակս հաստատ թիւ : Ո՞՛ : (= 1201)»։

Ո՞մ Հեճուադ Վահրամ աւելի ուշ, մօտ 1235 թ., Հառիճայում ժամատուն է շինում և վանքի համար ջուր բերում, որը «միւս ջուր» է կոչում, ուրեմն արդէն եղածի վրայ նորն է աւելացնում։

«Աստուածասէր եւ արդիւնաւոր պատրոնն Հիջուբ Վահրամ շինեաց զվայելուչ ժամատունս եւ եբեր զմիւս ջուրս յիշատակ հոգո իւրո եւ զաւակաց իւրոց եւ ամուսնո իւրո Թամարին . . .»։

Դարձեալ Զաքարիա սպասալարը խոչսր նէքը է տալիս Հաղբատի վանքին և ընդարձակօրէն արձանագրում։ Սա 1210 թ. «յամս աւծելոյ Աստուծոյ թագաւորաց թագաւորին Գէորգէ, որդւոյ մեծի թագաւորին Թամարին», իր սեպիական մի կալուածքը փոխանակում է ո՞մն Շոթորկայ որդի Դաւթի կալուածքի Հաղբատ գիւղի հետ և նոր ձեռք բերածը նւիրում, հողով ու ջրով, Հաղբատի վանքին, որովհետեւ իր ունեցածը վանքից հեռու էր գըտնուում։

« . . . եւ առի երկու գեղին փոխան զշաղքաց հայրենիք եւ ընծայ սուրբ Նշանին ամենայն սահմանաւք, ոնց բնական լեռալ է հողով եւ ջրով, խոտամարդերով, մայրիւք եւ ջաղացովք. գոմամարդերով. լերամբ և դաշտով. վասն կենդանութեան թագաւորին եւ արեւատութեան որդւոյ իմոյ Շահնշահի եւ եղբաւը իմոյ իւանէի եւ որդւոյ իւրոյ Աւագին եւ յիշատակ մեղ եւ ծնողաց մերոց:

Եւ է այս գել ազատ յամենայն հարկել պատրոնաց, ի ձեռնաւորաց, ի գիւղականաց . . ով զաղբատս յետ առնու . . նզովի . . . »:

Նոյն Զաքարէն իր եղբայր իւանէի հետ 1200 թ. Գեղարդայ կամ Այրիվանքին ջուր են չնորհում, համեմատ այս արձանագրութեան.

«Ի թուի ՈԽԹ (= 1200) քրիստոսասէր իշխանաց իշխանին Զաքարէ եւ իւանէ վերստին դարձոյց զջուրն Ամառնամատկի Էշ (հինգշաբթի) եւ ուրբաթի սուրբ ուխտս. զԱ. (զմի) աւրն որ է ուրբաթու . . . (թերի):

Դ. 1211 թ. մի արձանագրութեան մէջ յիշւած է Սպարապետ Բուբայի նւէրը:

«ԹՎԻՆ ՈԿ (= 1211) նորոգեցաւ եկեղեցիս առաջնորդութեամբ Յովասապի

եւ Անարայիսի, մեծ սպարապետ տէր երկրիս Բուբայ եւ առու ինչք զայգին Ասկէբակայ, որ է առու Քանակեռու. թ. ակն ջաղացին աչիկ . . . (թերի):

Ե. Զաքարէի եղբայր իւանէ Աթաբակը 1219 թ. Աւան գիւղի ջրի մասին այսպիսի կարգադրութիւն է անում.

«ՈԿ (= 1219) ես իւանէ Աթաբակ հայոց եւ վրաց զկուչա (?) Աւան, որ ի հնուց նոցա էր եւ կրկին գնեցին ի Զաջոռո բազում գանձ ՚ի հայրենիք: Արդ ոք յիմոց կամ յաւտարաց լինի տէր երկրիս հող եւ ջուր աւելացնել պարտ է Աւանավասն միամտութեան սոցա եւ ով խէակաւս մի կամ մի բահով վարէ, շարէտայ Ռ (= 1000) ու . . . նզովեսցի . . . »:

Գ. Նոյն իւանէ աթաբակը նւիրում է Շիրակա եկեղեցու ջրային հարկը.

«Ի թ. ՈՀԵ (= 1228) չնորհիւն տատուծոյ ես իւանէ եւ իուակս Վրաց եւ Հայոց թագոհի վասն յերկար կենդանութեան հարազատաց մերոց մանգատորթա խուցէս Շահնշահի եւ տմիր սպասաւար Աւագին բողաք զգեղիս Շիրակա զապուտիշի եւ զջրսահին բաժն յորդեցէ յորդիք աղատ ի բաժէն . . . »:

Ի. Վերև յիշւած Հոռոմոսի վանքին երկու նուագ հողի և ջրի նուիրատուութիւն է տեղի ունենում 1231 թուին.

«Շնորհեւն Քրիստոսի ես Ապանս, որդի Շիրականն եւ զիւգակից իմ Ասուշիս տուաք զմեր գանձագին հայրենիքն զԴոգեցն զկէս գանգն իւր հողովն եւ ջրովն ի սուրբ Յովաննէս յառաջնորդութեանս տէր Բարսղի արհիկապիսկոպոսի, որդւո Ամիր Երկաթա» . . . (թերի):

«Ի սոյն ամի ես Խոսրով, որդի Վարհմա Լաւուցո եւ զիւգակից իմ Շուշիկ տուաք զմեր գանձագին հայրենիք զԲարհատին գանգն իւր հողովն եւ ջրովն ի սուրբ Յովաննէս . . .»:

Ղ. Սիւնիքի Նորագանքի 1261թ. մի արձանագրութեան մէջ պահւած է Սիւնեաց Սմբատ իշխանի ջրանւիրաբերութեան յիշատակութիւնը.

«Ի թվիս Զժ (= 1261) այս գիր յիշատակի եւ արձան տնջնջելի իմ Սմբատայ իշխանաց իշխանի, որդւոյ մեծին Լիպարիտի . . . շինեցի զեկեղեցիքս. վերստին նորոգեցի . . . պահարանաւաք եւ ետու իմ հայրենեացն. թ. (= 2) գիւղ ի սուրբ Նոխտվկայս, զԱւէլ ու Անապատ եւ յԱկոռի զնորատունի մեծ այգին իւր կիրակաջրովն . . .»:

թ. Կարսի չրջանում գտնւող Բագայարի վանքը 1262թ. երկու զանազան անձերից հողի և ջրի նուէր է ստացել:

«ԶժԱ. (= 1262) . . . Ես Ապուղամք, որդի

Մագիստրոսի, թոռն Վահրամ իշխանին . . . ետու զիմ գանձագին հայրենիքն զկաղզուց կէսն իւր հողովն եւ ջրովն ի սուրբ Աստուածածնամայրս . . .» (թերի):

«ԶԺԱ. (= 1262) . . . Ես Խաւոազ, մեծ Խաւոազիս թոռն, Աստունիս որդիս, իմ անդրանիկ որդին Աասնայն, որ կէս տարեկան ի Քրիստոս փոխեցաւ, յիմ գանձագին հէրէնեցս յԱշնկու, որ իմ պապն գնել էր ու սիկելով յիս տվել, ինչ իմ պապն մեռաւ ես Խաւոազ իմ կնոջն զբաժինքն, ակն ու մարգարիտ իմ պարոնին տվի, Շահնշահի, ու կըրկին զԱշնակ գնեցի եւ զիմ որդւոյն բաժինն զՍասնին ի Բգներս տվի յԱստուածածինս. զվէրի իգին իւր ընձանովն . լլ. (= 2) շինական, զՄեհրեւան ու զԽաչատուր Դուլուսին փեսայն, իւրենց հողովն ու ջրովն ի Տգնիս զջաղացն, յիմ խոտահարն . ձ. (= 100) բարդ խոտի տեղ, որ վանքս ընձէ . . . սկի արծաթի: Ես Խաւոաս զայս ընձատվի սուրբ Աստուածածնիս, ով որ գրելոցս հակառակի, Աստուածամայրս լինի իւրն զատախազ . . .»:

Աւշադրութեան արժանի տեղեկութիւն է, որ նուիրատուն երկու շինական ևս նուիրում է վանքին, նրանց յատկացրած հողով ու ջրով:

Ժ. Տարսային «արքայաշուք» իշխանի աղջկը Ասփէն Դարաբաղի Խաթրայ վանքին մի բանի զուր է նւերել եւ վանքի պատի վրայ յաւերժացրել իւր նւէրը.

«Ես Ասին, դուստր արքայաշուք իշխանին Տարսայինին, թագաղարմ մաւրն իմոյ Մինա խաթունին նպաստ եղեալ քրիստոսապսակ գլխոյ իմոյ . . . իշխանին Գրիգորի իշխնութեան լուսանուէր սուրբ եկեղեցւոյս . . . տուի զմեր խառ հողն բլրի հանդի զսենեկպան Ա. բանի զուր . . . զմեծ տէր Յովհաննէս, շինող եկեղեցւոյս, որդին Դաւիթին, եղբայր մեծ իշխանին Հասանա յիշեցէք . . . »:

Ճա. Քասախ գետի աջ ափին էր գըտնում հայկական ճարտարապետական գեղեցիկ յիշատակարաններից մէկը, Յոհաննա վանքը, մինչև մի 15 տարի սրանից առաջ բաւական լաւ վիճակում, թէև ունէր աչքի ընկնող ճեղքւածներ. այդ ժամանակ երկրաշրժից ցնցումներից հիմնովին կործանւեց: Նրա պատի վրայ պահւած բաղմաթիւ յիշատակարաններ կային. մէկի մէջ յիշատակւում է, որ 1283 թ. Քուրդ իշխանի որդի Հասանը վանքին նւիրաբերութիւն է անում:

«Թուին ԶԼԲ (=1283) ես Հասան իշխան, որդի Քրդին իշխանաց իշխանի եւ մաւր Խորիշահի յազգէ Մամիկոնեանց, թոռն մեծի Վաչէի եւ բարեպաշտ ամուսին իմ

Արուս խարուն յազգէ Ուքանանց տարաժամ եւ կէս աւուրց ելաք յաշխարհէ, աւանդեցաք զհոգիս մեր եւ զամէն հայրենիսն եւ զգաւակսն մեր Դաւթի եղբաւը մեր հարազատի եւ աստուածասիրի . . . տուաք ի սուրբ Կարապետու ես եւ եղբայր իմ Դաւթիթ զմեր գանձագին գեղն զՎահրամագեղ եւ զՂամազանցն իւրեանց ամէն հող եւ ջրով եւ բնորդի մարտկաւք. Կարբի զմեր գնած եւ զմեր ձեռատունկ այգին եւ Զքարկենց փոսն եւ զՄրդկան, որ սեպհական հայրենիք էր եկեղեցւոյս եւ իշար եւ ի գառն բերմանց ժամանակիս եկեալ էր ի վանացս, բազում աշխատութեամբ եւ յոլով ծախիւք դարձուցաք ի սուրբ ուխտս»:

Ճր. Արձանագրութիւնների յիշւած ֆողովածու գրքի մէջ բացառաբար տպագրւել է մի արձանագրութիւն հարաւային, տաճկական սահմանում՝ գտնւած Հայաստանից, որով Արնեծի սուրբ Յարութիւն եկեղեցուն 1291 թ. ջուր է տրւում «ամէն երկուշաբաթ, գիշեր եւ ցերեկ», իսկ մի շարք գիւղականներ հողեր, այգիներ և տներ են նւիրում:

«Ի ժամանակս տէրութեան Ուլառւն զանին ես ծառայ ծառայիցն աստուծոյ տէր Աբրահամ Տեսուչ գաւառիս Քաջերուն տվաւ ինձ տեղիս այս տեառնէ

սորին Սահմագին կոչեցեալ . եւ շինեցի զեկեղեցիքս . . . պարոն Սահմագինն տանուտէրաւքն Ասպիսնկայ , զի սեփական աւանդսն , որ կարգեալ էր յառաջնոցս նախ քան զաւերն ի Խորազմէն , գարձեալ հաստատեցին տեղւոյս : Ի մարգէն Ծ . (=50) բարդի տեղ եւ Բ . (=2) արտ , մին ԺԵ . (=15) եւ միւսն Ժ . (=10) եւ ի Սեւակն Ի (=20) բարդ խոտեղի եւ զջուրն Վրհաւնից յամէն Բ . Շաբար զժիւ եւ զիիւեր : Եւ ետ պարոն Սահմագին զգեղն Մեծոփ իւր մզրաւիւքն եւ խարհանիւք եւ քրդագեղերովն . ետ Մելիք Ստեփան տանուտէրաւքն Ի . (=20) բարդի տեղ . ետ Խաչիկն զայգին ի Գոդիսն , վ . տակ . ետ Աւտարշախն եւ Միսիթարն զիւրեանց այգին ի Գոդիսն Բ . տակ . ետ պարոն Փուանգն արտ մին ի քաղաքն Ե . (=5) մոթոյ տեղ . գնեցի արտ մին ես ոչ հեռի յայն արտէն Ժ . մոթո տեղ եւ տվի եկեղեցեացս . . . եւ տվին ի քաղաքն տներ եւ Բ . կուղպակ : Եւ սոքա են աւանդեկեղեցեացս . . . Եւ շինեցաւ սուրբ Յարութիւնս ի թւիս ԶԽ (=1291) :

Տասնչորս և տասնհինգերորդ դարերը Հայաստանը ապրել է իր առանց այն էլ ողբերգական պատմութեան ամենածանր օրերը և շինարարական գործերի հետքեր համարեա թէ չկան : Երբ 15րդ դարի կիսից

կաթուղիկոսական իշխանութիւնը նորից վերահստատում է էջմիածնում , 16րդ դարից նրա ներկայացուցիչներից ոմանք ոռոգման գործին առանձին ուշադրութիւն են դարձնում , առանց որի էջմիածնի գլուխած Վաղարշապատի դաշտը մշակել և օգտակար գարձնել անկարելի է : Այդ ուղղութեամբ յիշւելու արժանի են այս գործերը .

Քասախ գետի ջուրը օգտագործւում էր հնագոյն ժամանակներից . վանական կառավարութիւնը յաջողեցրեց իր առուագլսի եղած և աւելի բարձրերում չօգտագործւած ջրերի կէս մասը հաստատել Վաղարշապատի համար , որ բերւում է Շահարիս կոչւած առուով : Եղած ջրի քանակն աւելացնելու համար , Արագածի բարձունքում գտնւող Ղարագեօլ լճակի ջրերը , որ բնական հոսանքով գէպի արեմուտք , գէպի Շիրակի գաշտն էին հոսում , յատուկ առուի միջոցով այդտեղից հոսող ջուրը բերում խառնում են Քաստալի ջրերին , Շահարիսի ջրերը շատացնելու համար : Ցիշեալ Մոլագուրսուն գիւղի մօտ արհեստական լիճ են շինում , Ծովակ անունը տալով : Վանքի հարաւային մասում խոշոր ջրամբար են շինում , ինն արշին խորութեամբ սրբատաշ քարերով շինւած պատերով , յատուկ տնկած անտառին ջուր տալու : Աշխատում են Սեւանի լճից Զանգուն թափող ջրի քանակը աւելացնել և այդ գետից

նոր առու բերել։ Սևջուր գետից առու են անցկացնում հարաւային, յածրադիր հողամասերը ոռոգելու։ Գետնափոք երկու քարհիզ կամ քանքան են անցկացնում, խմելու և ոռոգելու ջուր ստանալով։ Ամենավերջին ձեռնարկն էր Զանգուի առուի շինութիւնը, որ կիսկատար էր մնացել և Հայաստանի Խօրհրդային Կառավարութիւնը աւարտեց։

Պատմական և արձանագրական տեղեկութիւնները մեզ տանում են Հայաստանի բոլոր անկիւնները, Կարսի շրջանից սկսուծ, Անի, Հոռոմոս, Հառիճ, Թալին, Թալիշ, Հաղբատ, Վաղարշապատ, Սիւնիք, Ղարաբաղ, Արճէշ, Երբեմն կարեռ, Երբեմն փոքր և աննշան տեղեկութիւններով շեշտում, թէ մեր երկրի բոլոր անկիւններում ոռոգման պահանջը անհրաժեշտութիւն էր։

Միենոյն ժամանակ այդ պատմական տուեալները մեզ նոր բան էլ են սովորցնում. փոքր սեպհականատիրական սկըզբունքներով ղեկավարող ժողովուրդը, անհատ ձեռնարկողների եռանդով, կարող է առերևոյթ աննշան յաջողութիւն ունենալ, օրինակ Յակոբ Սիւնեցու ձեռնարկը, բայց այդ կատարւում է միմիայն յօգուտ սակաւաթիւ անհատների։ Մի շարք գիւղերի բազմաթիւ բնակիչներ Յակոբի առուին մօտենալիս օգտւելու դիտաւորութեամբ, սոսկալի նզովքների պիտի ենթարկեցին, որովհետեւ այդ ջուրը պէտք էր

իշխողի պարտէզների, անուշահամ պտուղների և մանաւանդ ծաղկանոցների համար։ Բացի այդ՝ մենք տեսնում ենք, որ գարերի ընթացքում անհատ անձինք, նոյն իսկ մեծ տիտղոսներով իշխողներ, Աթաբակ, Ամիր Սպասալար, Սպարապետ, Կաթողիկոս, և լւ. որքան փոքր և աննշան գործեր են կարողացել զլուխ հանել. մինչդեռ սոցիալիստիկան շինարարական ուգեսութեամբ տարւած ժողովուրդն իր հարազատ աշխատազների ձեռքերով ընդամենը տաս տարիների չնչին ժամանակում շինում և աւարտում է իշմիածնի ջրանցքը, Շիրջրանցքը, Սարդարապատի, Էջիլարի, Կարճեւանի առուները, և այլն։ Իսկ մի տարի առաջ, բնդամենը մի քանի ամսում, Երեւանի ներքեւի մասում սկսած Հայոց առաջնորդարանի ներքեւից Զանգուից մի մեծ առու հանեցին. թէ խոշոր ելեկտրական կայան գործարկելու և թէ մեծաքանակ անջրդի տարածութիւններ ու սոցելու։ Նման ձեռնարկներ ներկայումս սկզբի պէս անսովոր բաներ չեն. դրանց մասին շատ բան չեն գրւում, այլ բաւականանում են օրաթերթերում անցողակիցիշատակութեամբ։

Ա. Մեր հարեւան Պարսկաստանի
ոռոգման սիստեմները .

Հիւսիսից հարաւ հազար կիլոմետրից
աւելի երկար ձգւած Պարսկաստանը իր
այդ սահմաններում ունի կասպից ծովը և
Հնդկական օվկիանոսը, որ խոնաւութեան
շտեմարաններ են. իսկ արեելքում փուած
է ընդարձակ Ասիան, Թուրքեատան, Աղ-
վանստան և Բելուջուստանի ցամաքային եր-
կիրները. նրա արեմտեան սահմաններում
նոյնպէս ցամաքային երկիրներ են, Հա-
յաստան, Տաճկաստան, Ասորեստան, Մի-
ջագետք: Երկրի ներսում չկան յիշելու
արժանի լճեր և գետեր: Հարաւում հո-
սում է բաւական ջրառատ Խուժիստանի
Գարուն գետը, ստորին հոսանքում մինչեւ
իսկ Նաւագնաց, իսկ հիւսիսում բաւական
մեծ է Ռուդբար գետը, որ գոյանում է
Գիլանի յորդառատ անձրեներից և համա-
րեա անօգուտ կերպով թափում է իրեն
սնուցանող կասպից ծովը:

Ենզելի և Ռեշտ, Գիլանի երկու գըլ-
խաւոր քաղաքներից, ցարական իշխանու-
թեան օրով ոռուսական ժողովրդական գրա-
մով շինուած շոսէն, Ռուդբար գետի հով-
տով, սկզբում անտառածածկ, ապա լերկ
և ժայռոտ ուղիով 40–50 կիլոմետր կտրե-
լով, ճանապարհորդին հասցնում է Պարս-
կաստանի բարձրագիր մասերը, Ղազվին
քաղաքի չափազանց ընդարձակ դաշտը,

որի համեմատաբար փոքր մասն է մշակ-
ւած: Դաշտը նման է մի վիթխարի աւա-
զանի, որի եզերքները կազմում են զա-
նազան բարձրութեամբ լեռներ և բլուր-
ներ, որ շղթաներ կազմելով միմեանց հետ
օղականման եզերում են դաշտը: Այդ
պատկերն ու տեսարանը տիպիք է համա-
րեա թէ ամբողջ երկրի համար, գէպի հա-
րաւ և արեելք, տարբերւելով շրջանակ-
ների մեծ ու փոքր չափերով: Ամբողջ եր-
կրի մէջ գիւղելն ու քաղաքները գլխաւու-
րապէս օազիսների կերպարանքով են ներ-
կայանում, որովհետեւ գետեր ու գետակ-
ներ չափազանց սակաւաթիւ են. և մշա-
կութիւն տեղի է ունենում միայն ոռոգ-
ման միջոցով, որտեղ որ փոքրաքանակ
ինքնահօս ջրեր կան կամ արհեստական
ջրապաշար է ստացւում: Երկարածիկ գե-
տերի մշակւած տարածութիւններ հազւա-
գիւտ երեսյթ են Պարսկաստանի ընդար-
ձակ տերիտորիայի վրայ:

Ղազվինն ունի բաւական ընդարձակ
խաղողի այգիներ և պաղատու ծառերի
պարտէղներ, որ ջուր ստանում են գլխա-
ւորապէս ստորերկրեայ ջրապաշարից, ար-
հեստական քանքանների միջոցով, որով-
հետեւ գետ ու գետակ չունի և մերձակայ
բարձունքներից ինքնահօս ջրերի քանակը
աննշան է:

Ցիշեալ շոսէի ուղին հասնում է մինչեւ
Թեհրան, արեւելահարաւ ուղղութեամբ,

մինչև Պարսկաստանի ներկայ մայրաքաղաքը։ Ճանապարհին կայ միայն մի փոքր գետ կամ գետակ, Արևէ ջլ ջուրը, որի մեծ մասը 1925 թ. շահ գարձած Ռիզա Խանի կարգադրութեամբ 1929 թ. տարւում է մայրաքաղաք, խլւելով տեղական գիւղական ազգաբնակութեան ձեռքից, քաղաքի նորագոյն ձեռով, 30-45 մետր լայնացրած փողոցների ջրջրման և ազգաբնակութեան այլ կարիքների համար։ Թէհրանը վերջի երկու երեք տարիներում, իր գլխաւոր մասերով, համարեա թէ ամբողջովին վերաշինւել է, եռ և երկյարկանի տներով, գեղեցիկ ծառատունկ փողոցներով, քաղաքային ծաղկանոցներով, սքվերներով և հասարակական մեծ ու հոյակապ շենքերով։

Թէհրանը Ղազվինի պէս նոյնպէս զուրկ է գետ ու գետակից, մինչդեռ մօտ 300,000 ազգաբնակութեամբ մայրաքաղաքը, իր արտասովոր լնդգարձակ նստւածքով, ունի ճոխ բուսականութիւն, անհատ մեծամեծների և հարուստների խոշոր պարտէզներ և տների մեծ մասի բակերում մեծ ու փոքր աւազաններ, կիլոմետրներ տարածւող լաւ մշակւած գաշտեր և բազմաթիւ գիւղեր։ Գիւղերի մի մեծ թիւը լնկած է քաղաքի հիւսիս արևելեան գէպի լեռնաշղթաները քարձրացող հովասուն գիրքերում, մօտ 15-20 կիլոմետր հեռաւորութեամբ, որոնք ծառայում են մայրաքաղաքի համար իբրև ամարանոցներ։

Քաղաքի նստւածքը միանգտմայն հարթարածութիւն է, նախկին տիրապետող ների օրով աղլւսէ պարիսպներով և մեծ խրամատով պաշտպանւած, առանց որ և է բնական ամրութեան։ Ներկայումս պարիսպները վլցնում են և խրամատները լցնում, իբրև կարեսութիւնից զուրկ բեռնաւորում։ Այդ հարթութիւնը ոչ շատ թեք մակերեսով բարձրանում է գէպի իր ամարանոցային գիւղերը, որտեղ նախկին ու ներկայ շահերը սքանչելի ամարանոցեր ու պալատներ ունին շինած, ոչ պակաս չափով եւրոպական գեսպանատները, մանաւանդ նախկին ցարականը և անգղիկանը։ Պարսիկ մեծամեծներն ու հարուստները նոյնպէս ունին գեղեցիկ ամարանոցի շենքեր, լնդգարձակ պարսերով և պարտէզներով, թէ՛ գեկորատիվ եւ թէ՛ պտղատու ծառերից։ Այդ բարձունքները շարունակութիւնն են կազմում Պարսկաստանի ամենաբարձր լեռների, Դեմաւէնդի լեռնաշղթայի, որի մէջն է 21,000 ոտնաշափ՝ առասպելներով հարուստ գտփաթը, մշտական ձիւնով ծածկւած և երկրի հեռաւոր տեղերից երեցացող։

Լեռնաշղթան մայրաքաղաքի հետեւում մի տեսակ պատնէշի պէս կանգնած է հիւսիսի սառնամանիքների գէմ յանդիման և իր անդնդախոր ծորերում պահում է մըշտական անհալ ձեան մեծ կոյտեր և ստուցարաններ։ Բնականից այդ եղանակով ամ-

բարւած խոնաւութիւնը աստիճանաբար հալւելով սուզւում է երկրի ներսը, իսկ պարսիկ ժողովուրդը, բազմագարեայ քաշ-դաքակրթութեան ուղիներով ընթանալով, գետնատակ տռւնելներ է ծակծկում, որոշ հեռաւօրութեամբ հորերի բացւածքներով և այդ տռւնելների մէջ կուտակւած ջրերը հաւաքում է ինքնահոս առուների մէջ և ծառայեցնում իր կարիքներին, ինչպէս իւրենից առաջ քաղաքակրթւած Ուրարտացիները և միւս հին ազգերն էին անում։ Քանքաններն են զլսաւորապէս Թեհրան մայրաքաղաքի, նրա ազգաբնակութեան, նրա բազմաթիւ ամարանոցներին բազմապիսի կարիքների համար ջուր մատակարառում, որովհետեւ ինքնաբուզի ջրերը աննշան քանակ են։

Թեհրանից մինչև Սպահան, Մեծ կոչւած Շահաբասի հնութեան մնացորդներով հարուստ մայրաքաղաքը, հինգ հարիւր կիլոմետր է, գէպի հարաւ ընկած, Պարսկաստանի համարեա կենտրոնական մասում։ Այդ վիթխարի տարածութեան մէջ, 125 կիլոմետրի վրայ Դում քաղաքն է գլունում, շիա մահմեդականների ամենամեծ սրբավայրերից մէկը, որի միջով համանուն գետակն է հոսում և այնուհետեւ մինչեւ Սպահան ինքնահոս ջրեր չէք տեսնում և միայն մի տեղ մի բարակ աղբիւրի էք հանդիպում։ Միմեանցից բաւական հեռու, անծայր ամայութիւններով անջատւած

գիւղեր և չէն տեղեր են պատահում, որ իրենց գոյութեամբ դարձեալ քարհիպների ջրերին են պարտական։

Սպահանի միջով հոսում է երկրի կենտրոնական մասի ամենամեծ գետը, Զայանդեռուս գետը, որը գարնանը բաւական խոշոր կերպարանք է ստանում, ծածկելով իր հունի ընդարձակ աւազանը, իսկ հազւագիւտ տարիներում, ձեան և անձեռների առատ ժամանակներում, ափերն էլ է հեղեղում։ Գետի վրայ շինւած են չորս կամուրջներ, Շահաբասիան դարից, երկուքը մի շարք աչքերով և ճարտարապետական գեղեցկութիւն տւող յաւելւածք շինւածներով։ Քաղաքը գտնում է ձախ ափին, իսկ աջ ափը տրւած էր Հայաստանից 1605թ. բոնութեամբ գերեվարած Հայերին, որ Նոր-Զուզա անունով քաղաք էին հիմնել, եօթ թաղից բաղկացած, Երեւանի, Թարլիզի, Քոչերի և լն. անուններով, անշուշտ համապատասխան գաղթականների նախնական բնակատեղերի անունների յիշատակութեամբ։ Այժմ այդ մասում ևս, ինչպէս Նոր-Զուզայի շրջապատում, Նոր-Նախիջեանում, տպրում են Հայերից աւելի շատ՝ տեղացի բնիկներ։ Զայանդեռուսը սկիզբն է առնում Փերիա և Զարմահալ լեռնային բարձրադիր գտառներից, որ նոյն ժամանակը գերեվարած հայ գիւղական ժողովրդի բնակութեան վայրերն են ծառայում։ Սպահանից

մինչեւ այդ գաւառները եղող տարածուաթեան բարձրանալը չատ աննկատելի է և սայլի բնական և չպատրաստ ած ճունաւ պարհը որ և է աշքի լնկնող թեքութեան չի հանդիպում, հետեւապէս և գետի հոսանքը Հայաստանի գետերի պէս անդընդախոր գահավիժումների լնթացք չունի և ոչ էլ Ռուսաստանի գետերի գանդաղութիւնը:

Բաւական մեծ գետի ջրերի մինչեւ վերացին կաթիլը օգտագործում է ոռոգման համար, բայց այստեղ ևս, գետի ամբողջ ընթացքին զուգահեռ, աջ և ձախ ափերին, սկսած յիշեալ Փերիա և Զարմահալ գաւառներից, գործում են անվերջ քանչքաններ, մի քանի անգամ աւելի հողամասեր մշակելի գարձնելով, քան գետի ջրերը կարող էին: Օրինակ՝ Նոր-Զուղան գետի ջրից մաս ունի և սեպհական առու, բայց այդ առուի ջուրը ոռոգման համար բաժանելով բաւական բնդարձակ սեպհական գաշտի վրայ, որի կիսից աւելին խաղողի այգիներ են, իւրաքանչիւր իրաւատիրոջ յատկացրած ժամանակամիջոցում, ամառուայ շոգերին հազիւ երկուսից երեք անգամ ջրելու հերթ է հասնում, մինչեւ խաղողի այգիները տիրող տաքութեան պատճառով շաբաթական ջուր են պահանչ ջում: իսկ այդ թերին լրացնում և բաւարարում են հորերի ջրերով: Ամեն այզի իր սեպհական հորն ունի, երբեմն աւելի:

ինչպէս նկատւել է, այդ հորերն էլ քարհիպների կարգին պիտի հաշւել, իբրեւ ստորերկեայ պաշարի մասնակիցներ:

Գիւղատնտեսական ասպարիզում Պարսկաստանի կուլտուրան ամենաարժէքաւոր արտագրանքներն ունի: Երկրի մի ծայրից մինչեւ միւսը, որտեղ, իբրև անհրաժեշտ պայման, ջրելու հնարաւորութիւն կայ, հասնում և մշակուում են խաղողի որթը, ամենաընտիր և բազմաթիւ տեսակների, գեղձն ու ծիրանը, նուշն ու թուզը, շերամապահութեան և պատւղների թութը, ձիթենին իւղ արտագրող, խնձորն ու տանձը, լնկոյզն ու կաղինը. իսկ Շիրազից սկսած և աւելի հարաւ հասնում են արմաւը, ֆստան, լիմոնն ու նարինջը, և լու վերջինները մեծ ծառերի պէս բացօղեայ բուսնում են Գիլանում ու Մազանդարանում, Կասպից ծովի հարաւային ափերին, որտեղ վերջերս սկսել են մշակել թէյլթուփը և Հնդկաստանի ջութը — վուշեմանվածք ստանալու: Հողամշակութեան սերմերն են՝ ցորենն ու գարին, եղիպացորենը, կորեկը, հաճարը, բամբակը, թամբաքուն և ամեն տեսակ լնդեկներ:

Երկիրը հողի պակասութեան հոսկացողութիւն չունի, այլ պակասում է ջուրը, որը արժէքաւորում է հողը և մարդկային կենցաղը հնարաւոր գարձնում: Ջրի արժէքին պիտի վերագրել հողամշակութեան ինտենսիւ որոշ ձեերի կիրարկումը: Նոյն

բնակիչներին կերակուր է ծառայում։ Սաւ կայն այդ մասում ևս հանդիպում են միայն փոքրիկ և աննշան ինքնահոս առուակներ և մի գետակ։ Մշակման դաշտերի մօտ հանդիպում էք դարձեալ կամ հորերի կամ քարհիզների։

Բուշիր քաղաքը գտնուում է Պարսից ծոցի ափին և երկրի հարաւի մեծ նաւաշ հանգիստն է, Հնդկական ովկիանոս մըտնելու համար։ Այդտեղ ևս նոյն սիստեմն է գործում, հորն ու քարհիզը, լրացնելու ինքնահոս սակաւաքանոկ ջրերի պակասը։

Սպահանից դէպի արեւելահարաւ ևն ընկած եղդ ու Քրման քաղաքները, իսկ գէպի հիւսիս-արևմուտք Սուլթանաբադ, Համագոն, Քիրմանշահ քաղաքները, իւրենց ընդարձակ գաւառներով։ Այդ բոլոր վայրերում ևս նոյն սիստեմն է թագաւորում և ոռոգման նոյն եղանակը։

Դարերի փորձն ու պահանջը Պարսկաստանում քանքանափորների յատուկ կադրեր է տուաջ բերել։ Կան այնպիսի գիւղեր, որոնց բնակիչների գլխաւոր գործն է քանքանափորութիւնը և նրանց մաքրումն ու պահպանումը։ Ամէն երկու, առ առաւելն երեք տարուց յետոյ քանքանները ներսից պիտի մաքրւին, այլապէս խոնաւութիւնից չամրացրած տունելներից թափւող հողը ջրի քանակը կ'պակսեցնի և լճացումներ ստեղծելով, աւերներ կ'պատճառի։ Սակայն որքան փոքր է այդ ծախ-

քը, համեմատած բաց առուների տարէ ցտարի անհրաժեշտ մաքրումների համեմատութեամբ։ Քանքանափորները գործնական հմտութեամբ ի վիճակի հն նոր փորեւմիք քանքանների տեղերն ու ուղղութիւնը որոշել, թէեւ Պարսկաստանում այդ այնքան էլ դժւար չէ, որովհետեւ կան քանքաններ շատ տեղերում գարեր առաջ զործագրւած և ներկայի ազգաբնակութեան սակաւութեան և ազգատութեան պատճառով երեսի վրայ են ձգւած և նոր կարիքի համար հարկաւոր է այդ հինը նորոգել։

Հայաստանը իբրև Պարսկաստանի սահմանակից երկիր, կլիմայական և հողամըշակման բաւական ընդհանուր գծեր ունի, բայց մեր երկիրը իր փոքրութեամբ ոչ այնքան սակաւաջուր է և ոչ էլ այնպիսի ընդարձակ անապատներով է ճոխացած։ Հիմնական նմանութիւնն այն է, որ մեր երկրում գիւղատնտեսութեան յաջողութեան համար ոռոգումը անհրաժեշտ է։ Յայտնի սահմաններում, լինելիք մեր առաջարկն է, Պարսկաստանի և Ուրարտացիների օրինակն աչքի առաջ ունենալով մեր երկրի համար որոշել զեկավար սկզբունք դարձնել քարհիզափորութիւնը Հայաստանի Կառավարութեան ոռոգման ծլքագրի մէջ, քարհիզների օգտագործումը ոչ միայն անուշաղիր չթողնել, այլ առաջնակարգ տեղ տալ։

Թ. Հայաստանի ջրային ռեսուրսները.

Բնութիւնից մեր երկրին տրւած են երկու վիթխարի ջրամբարներ, որ տարւայ ձիւնաբեր և անձրնաբեր եղանակներին նախ, հեռու տեղերի ջրատար ամպերը գէպի իրենց են քաշում և ապա իրենց ծոցում զոյացած վիթխարի խոռոչներում և ստորերկեայ շերտերում ամբարում են, տարւայ լնթացքում ամբողջ երկրին մատակարարելու համար։ Դոցանից մէկը Աւրագած լեռն է իր լայն փռւածքով, Արայի, Սպիտակի և Զաջուռի բարձունքների հետ, միւսը Սղմաղանի, Միսխանէի և Գեղարքունեաց լեռների բարձունքում թառած Սեւանայ լիճը, 640 սովք ծովից բարձր։ Մեր երկրի, Պարսկաստանի հետ համեմատած, չափաղանց առատ ջրերը, աղբեւրներով, գետակներով ու գետերով այդ երկու վիթխարի մասիւներիցն են սկիզբն առնում և գահավէժ բարձունքներից գլորւում են մեր և մասամբ մեր երկու հարեւան հանրապետութիւնների դաշտային հողերը պտղաբեր և մշակելի դարձնում։ Արագածի բարձր գագաթը չը հաշւած, երկու զանգւածներ համարեանոյն բարձրութեան վրայ են գտնւում, առեւլքից արևմուտք գէմ յանդիման կանգածած։

Արագածից բղխող ջրերն են, Ախուրեանը, որ արևելքից իր մէջ է լնդունում

լերան վտակները և ստորերկրեայ հոսանքի ջրերը։ Սեւ ջուրը, կազմւած ամբողջովին վիթխարի աղբիւրներից և ստորերկրեայ սուզմունքներից։ Այդ գետը մինչև իր գուրս գալու տեղը Արարատեան դաշտը սկսւածքում, ծածկւած է լաւայի հաստշերտով և հոսելով ցածր մակերեւոյթի վըրայ, ընդամենը 20–25 կիլոմետր երկարութեամբ և շատ քիչ օգուտ տալով, թափւում է Արաքսի մէջ։ Արագածի ամենաօգտակար գետը Քասախն է, որի ամեն մի կաթիլ ջուրը ամառայ եղանակին, գետի սկսւածքից մինչև Սևջրի հետ խառնւելը, օգտագործում է ափերին ապրող բազմաթիւ գիւղերի բնակիչների ձեռքով։ Արագածը Սպիտակի բարձունքներից իր ջրերից բաժին է հանում Լոռեայ Զորագէտին–Դերեղչային, իսկ Եղվարդի ուզդութեամբ Զանգուին։ Ի վերջոյ Արագածի բարձունքներից են ներքե սուզմում այն մեծ նանիները, որ փռւած են, միանգամայն անօգուտ և վնասակար եղանակով, սկսած Սարդարապատի շրջանից մինչև Եջմիածնի ու Զորանքարայից ցածրագիր հողերը։ Թէ որքան ջրեր են սուզմում երկրի աւելի խորը շերտերը, արտեղեան ջրամբարներ կազմելով, արտեղեան հորերի յաճախութիւնը ապագայում կ'պարզեն։

Սեանի և նրա վիթխարի շրջապատի զանգւածը, թէ աւելի ջրեր է ընդունում իր մէջ և թէ աւելի թւով ու ջրառատ գե-

տեր հոսեցնում իր կրծքից։ Անցեալ 1932ին
ինչիներ Տէր Աստուածատրեանի Մոսկվա-
յում կարգացած մի զեկուցման քաղուած-
քից տեղեկանում ենք, որ լեռնային 6340
ոտ մեծ բարձրութեան վրայ գտնւող Սե-
ւանայ լիճը 1413 քառակուսի կիլոմետր
տարածութիւն ունի, որ նրա մէջ երկնքից
թափող և շրջակայքից ներս հոսող ջրերի
քանակն է, ամբողջ տարին հաշւի առած,
ամէն մի վայրկեանում 50,4 խորանարդ
մետր։ գուրս տւածը միայն 2,8 մետր,
իսկ մնացորդը ամբողջովին լճի մակերե-
ւոյթը մշտական հաւասարակշռութեան մէջ
պահելով, պակասում է անընդհատ գոլոր-
շիցումով։ Զեկուցման ամփոփումը խիստ
համառօտ էր, այլապէս մեզ համար մութ
է մնում, թէ միթէց յարգելի ինչիները Սե-
ւանի յատակը համարում է առանց ծա-
կոտկէնների և ճեղքւածների մի կաթսու,
որ այդ յատակից չեն կարող ջրեր իրենց
համար ստորերկրեայ անցքեր գտնել եւ
մեր երկրի զանազան աղբիւրներին ջուր
մատակարարել։ Առերեւոյթ ի նկատի է
առնւած միայն լից անմիջապէս գուրս
եկող ջուրը, Զանգու գետի մի ճիւղը և
գոլորշիցումը, Այդ առումով, իրաւ է,
լճի ջուրը 50 մետրով իջնելով, երկրի ջրա-
տնտեսութեան համար աննկատելի կ'մնայ։
Բաւականանանք միայն անուններով
յիշատակել այն գլխաւոր և աչքի ընկնող
գետերը, որ իրենց ծագումով Սևանի մեծ

զանգւածին են պարտական, յորդացած
տեղական և մերձակայ լեռների ջրերով։
Զանգուն, Գառնին, Վեղին, Արփաչայը,
Երնջակը կամ Նախիջևանի գետը, Բազար-
չայը, միջին հոսանքում Որոտն, ստորի-
նում Բարգուշատ կոչմամբ, Զաբուղն ու
Յագարին, Խաչէնը, Թառթառը, Շամքորը,
Ազստեւը և Զորագետը կամ Դեբէգ գետը։
Սևանն ընդունելով մի մեծ շրջանակի
կենարոն, յիշւած գետերը նրա շաւիղներն
են՝ ուղղած գէպի նրա պերիփերիան և
այնպիսի գասաւորութեամբ, որ երկրի բո-
լոր մասերը կարող են ինքնահոս եղանա-
կով ոռոգման հնիթարկել։ Սակայն, իթէ
նոյն իսկ այդ երեացող ջրերի քանակը բա-
ւականանայ ոռոգման կարիքներին, ուշա-
գրութեան պիտի առնենք մի կարեոր հան-
գամանք։ Մեր լեռների մեծ բարձրութիւն-
ների հետեւանքով, նրանցից բզիսող գետերը
շատ արագավազ են, ներքեւ են գլորում
ահոելի վիհերով ու գժւարամերձ ժայռերի
պատռաւածներով և ընդհանրապէս օգտակար
են գառնում գաշտացին մասը հասնելուց
յետոյ։ Մեր երկրի լեռնային և լեռնա-
ստորոտ մասերը զուրկ են մնում ջրերից։
Անկախ գրանից, եթէ ջրերը գործազրւեն
բաւարար չափերով բարձրադիր մասերում,
կ'զրկւեն ստորին գաշտերը, երկրագործա-
կան բարձր կուլտուրաների վայրերը։
Աւելորդ անգամ կրկնելով պիտի ա-
սենք, թէ ջրերի տնտեսաբար օգտագոր-

ծումը, թէ ծախքերի անհամեմատ խնայուղութիւնը գուցէ թելագրեն Պարսկաստանի և Աւրարտացիների օրինակով ընթանալ և մեր երկիրը ևս քանքաններ ունենալ,

Մեր ունեցած տեղեկութիւններով 1765-70թ. Յակոբ Զուղայշի կաթուղիկոսն էր, որ էջմիածնում առաջին քանքանը փորել տւեց: Նա ինքը ծնւած լինելով Սպահանի մօտ նոր - Զուղայում և ծանօթ պարսկական քանքաններին, էջմիածնի հին և սառը կոչւած քանքանները հանել տւեց, որ խըմելու և փոքր չափով հողեր ոռոգելու էին ծառայում: Ամենայն հաւանականութեամբ քանքանափորներն այնտեղից հրաւիրւած պարսիկներ էին:

Նոյն գործի կրկնութիւնը մինք տեսնում ենք Խրիմեան կաթուղիկոսի ժամանակ. սա իբրև Վանեցի, քաջատեղեակ էր քանքանների օգտակարութեանը. Վանից վարդետներ բերել տւեց և քանքանի նոր գիծ փորել տալով, հնի հետ միացրեց: Նրա ժամանակ, երբ խնամքով մաքրում էին քանքանի հորերը, հոսող ջուրն այնքան առատ էր, որ Խրիմեանը Ներսիսեան լճի ներքեռում ջրաղաց շինել տւեց, որ գործում էր միշտ լիքը զրութեամբ պահած լճի թափւած ջրից:

Անշուշտ Պարսկաստանի օրինակով պիտի բացատրել վեդի գիւղի, Հին - Նախիջևանի, Աղդամի, Զակեան - Զարդախւլուի և Գանձակի տակաւին գործող քանքանների գոյութիւնը:

Ժ. Երկրաբան ինչիներ Գր. Աղաբաբեանի առաջարկը.

Իմ ձեռին է ինչ. Գր. Աղաբաբեանի ոռւսերէն լեզով հրատարակւած մի փոքր բրոշները. Irrigacia Etschmiadzinskikh zemel, Kaptaj podzemnich vod, Gornavo Ingenera Gr. Agababiana. 1911թ.:

Այդ թվականներին էջմիածնում փոքր կերպով դրւած էր վանական սեպհականութիւն կազմող Վաղարշապատի մօտ 7000 գեսեատին հողերի ոռոգման հարցը: Վանագի յանձնաբարութեամբ մի քանի ինչիներներ ոռոգման ծրագրեր կազմեցին և իւրենց նախահաշիւներով ներկայացրին վանական կառավարութեանը ի գործադրութիւն: Ցարական իշխանութիւնը թոյլատրել էր և արտօնել Սեղրից վերցնել 75 բաշ ջուր: Ինկատի էր առնւած այդ ջրով ոռոգել վանքի հարաւային հողամասերը, Ներսիսեան լճից և այն ժամանակւայ անտառից ներքեւ, մինչև զորուղները տարածւող մասը:

Առաջի ծրագիրը լեռնային ոռւս ինչիներ կազմախն էր, որ հնարաւոր էր համարում օգտւել միայն արտօնութեան երրորդ մասով, 25 բաշ ջրով. արգէն գոյութիւն ունեցող Սևջրի առւի միջոցով բերել վանքի հողերը և ջրհան մղկղաների միջոցով բարձրացնել ու ջրել միայն մօտ 600 գեսեատին հող: Ծրագիրը պահանջում էր

միանւագ 140,113 ռուբլի, իսկ տարեկան ծախք պիտի կատարեր, մէջը հաշւած տուկոսներն ու դրամագլխի աստիճանական զեղչումը, 19,638 ռ.: Այդ հաշւով ամէն դեսեատնի միանւագ ծախքը հաւասար էր 230 ռ., իսկ տարեկանը 32 ռ.:

Երկրորդ ծրագիրը ներկայացնողներն էին ինջ. Ա. Լիսիցեան և Տէր Վարդանեան, որ հարաւոր և օգտակար էին համարում օգտւել արտօնւած ջրի ամբողջութիւնից, բետոնի խողովակներով ջուր բերել ինքնահոս եղանակով մինչև վանքի հողերը և չորս աստիճան ջրհաներ գործադրելով էլեկտրական ոյժով առաջի շարք նասոսներով ջրել 270 գեսեատին, երկրորդ շարքով 620 դ., երրորդով 390 դ. և չորրորդով 940 դ.: Բրոշիւրի մէջ ծրագրի նախահաշիւը չի ցոյց տրւած, այլ նկատւած է, որ խիստ թանգարժէք է և տեղական պայմաններն ի նկատի առած, պատահարների ենթակայ:

Թումանեան և Վասիլեւ ինչիներները ներկայացրին երրորդ ծրագիրը, որ կայանում էր հետեւալում. Կուլիբէկլու գիւղի մօտ բղխող աղբիւրների առաջը պատնէշել, ինքնահոս առու փորել մինչև ջրելիք հողերը, առուի տակ առնելով 1220 գեսեատին, իսկ եթէ պատնէշը փորւի աղբիւրների ակներից 2 արշին աւելի ցած, նոյն եղանակով կարելի է ջրել միայն 1020 դ.: Նախահաշով ծախք ցոյց է տրւած 20-

25,000 ռ. պատնէշի, աքվեդուկի (^{Բասախ} գետի վրայ) և առուի համար: Այդ առաջարկը աւելի բանաւոր համարւելով, վանքը ձեռնարկեց գործի. պատնէշի վրայ ծախսեց 10,000 ռ.: Բայց լճացած ջրերը պատռեցին պատնէշը և ծախսած գումարը իսկապէս ջուրը տարաւ:

Չորրորդ առաջարկը վերջապէս ինջիւնից Կիրակոսեանին էր, որ ցանկանում էր լնդլայնել երեանի իր կառուցած փոքրիկ էլեկտրական հիդրոկայանը, էլեկտրական հոսանքը բերել էջմիածին, վանքի մերձակայքում աւելի խորը հորերով քանքան փորել և ստորգետնեայ ջրերը նասոսներով բարձրացնել և ջրել, մի կողմ թողնելով Սեւջուրը, հարաւում ընկած անտառից ներքելի հողերը: Արա միանւագ ծախքն էր քանքանների համար 25,000 ռ., իսկ էլեկտրական ոյժը տեղ հասցնելու համար նասոսների հետ միասին, 130,000 ռ.: Դարձեալ չի ցոյց տրւած թէ տարեկան որան ծախք էր պահանջում:

Բրոշիւրի հեղինակ Աղաբաբեանը վերոյիշեալ ծրագրերի նկատմամբ համառօտակի, մի քանի նախադասութիւններով հնարաւոր է համարում թումանեանի և ընկերոջ ծրագիրը. Կիրակոսեանինը այն չափով, որ կարիք չկայ նասոսների և էլեկտրական ոյժի, այլ հորերը շարունակելով պիտի գետնի երեսը ջուրը հանել, մանաւանդ որ հողի արագութեամբ իջնող

մակերեսոյթը այդ հնարաւորութիւնը տալիս է, մի փոքր տարածութիւն աւելի պահաս ջրելով:

Հետաքրքիրն այս փաստն է, որ կամենում ենք այստեղ յատուկ շեշտով յիշատակել: Վանքի տպարանում այդ ժամանակ գործում էր ինքնուս վարպետ Ղեւոնդ Ղարախանեանը, իր ուշիմութեամբ յայտնի մէկը, որ իբրև պարսկաստանցի, քաջածանօթ էր այն տեղի քանքանափորութեան գործին թէ թաւրիզում և թէ Սպահանում: Նա լսելով դիպլոմաւոր կիրակոսեանի մեծածախք պահանջը, խնդրեց իրեն տրամադրել ընդամենը 1200 ռ., որով նա խոստանում էր արդէն գոյութիւն ունեցող հորերը խորացնել և տարածութիւնը երկարացնել. ապա արդէն պատրաստի նասաներով և վանքի էլէկտրական կայարանը գործի գնելով, չորս դիւմանոց խոզպակով օր ու գիշեր, անընդհատ իր փորած հորերից ջուր հանել: Վանքը վարպետի պահանջած ծախքը վճարեց. վարպետը տառացի կատարեց իր խոստումը և ստացաւ 1200 ռ. պարզե: Վարպետի փորած հորերը մինչ օրս մնում են և գործում ներսիսեան լիճը ջուր լցնելով:

Ծանօթանանք Աղաբաբեանի սեպհաշկան առաջարկին: Բրոշիւրի ամենից հետաքրքիր մասը կազմում է՝ Երկրաբանութիւն եւ Վաղարշապատի դասի ստորեկրեայ շրաբանուրիւն — Geologia i Podzemnaia Gid-

rologia Vigarshatamskoi ravniny: Իբրև երկրաբան ինչ. Աղաբաբեանը չափեց և ուսումնասիրեց Վաղարշապատում և մերձակայ գիւղերում գոյութիւն ունեցող ջըրհորները, հաշւի առաւ հին և նոր քանքանները, չափեց Սևջըի քանակը ակունքների մօտ և Իգդիրի շոսէի վրայ եղող կամուրջի տակը. հաշւի առաւ Ղորուղի, Զորբանքարայի, Վարմազիարի ճահճները և եղրակացութիւններ տալիս է այդ տուեալներով:

Արագածի խարիսխ կազմող Վաղարշապատի գաշտը ծածկւած է, զանազան հաստութեամբ և ծաւալով, երևացող լաւաների գարաշրջանից մնացած աւազներով և հեղեղատների զանգւածներով: Երկնքից տեղացող անձրեն ու ձիւնը յիշեալ ծակոտէն միջավայրով ծծվում են երկրի ներսը, մինչև կաւային շերտերը, որպիսի արգելքի հետեւանքով կամ աղբիւրներ կազմելով երկրի երեսն են զուրս գալիս, լիչպիսիք են Սևջըի վիթխարի աղբիւրները, կամ թեք մակերեսոյթով աւելի հեռուները ծծւելով, կազմում են յիշատակած ճահճները:

Արագածից անմիջապէս եկող հոսանքներին միանում են Արայի լերան և տեղական տարածութիւնների ստորերկրեայ ջըրերը: Թէ ինչ մեծ չափեր ունին ստորերկրեայ ջրերը, ցոյց են տալիս նոյն Սևջըի վրայ կատարած չափումները: 1910թ.

Նոյեմբեր ամսին, հետեւապէս ստորեր կրեայ ջրերի բաւական պակասած ժամանակը, թուրքական Զէյվա գիւղի մօտ Սևաղուրը հոսում էր ամեն մի վայրկեանում 7,500 լիտր քանակութեամբ, իսկ կամուրջի մօտ, ընդամենը 7,5 վերստ ներքեւ, այդ քանակը հաւասար էր 39,000 լիտրի, որի մի հազար լիտրը Քասախի խոռնարանից է աւելանում, մնացեալ 30,000 լիտրը ստորերկեայ ջրերի սուզւածքներից էր գոյանում, այն ևս 7,5 վերստ չընչին տարածութեան մէջ։ Փայլուն ապացոյց՝ թէ յատկապէս Վաղարշապատի դաշտի խորքերում ինչ ահռելի քանակութեամբ ջրեր կան թագնւած։

Մի քանի տարի անց, մինք սոիթ ունեցանք Ամբերդի ձորը տեսնելու և լսեցի, որ այդ ձորից զանազան գիւղերի համայնքներ իրենց համար ջուր են տանում։ Զօրի ամենաբարձր գիրքից սկսած մինչեւ բերդի տակը այդ առուների թիւը 12 էր, ինկատի ունենալով, որ Ամբերդը սկզբանաբար հիմնել է Ուրարտացիների ձեռքով և կարծելով, որ առուների սկսածքը ևս նրանցից է մնացել, ձորում հետախուզութիւններ կատարեցի սեպաձև արձանագրութիւն գտնելու յուսով։ Սեպաձևի փոխարէն հանդիպեցի մալինա թփերի մեծ քանակութեան, հասած պտուղներով, չափականց անուշ եւ հոտաւէտ յատկութեամբ։ Տեսայ միեւնոյն ժամանակ թէ

ինչպէս են կազմւում 12 առուագլուխաները։ Խորը պատուածքով ներքեւ իջնող ձորի երկու փէշերից անընդհատ ջրեր են սուզւում։ Ամեն մի առուտէր ձորի մէջ կանգնեցրած պատնէշով մաքուր կտրումէ մինչ այդ հոսող ջուրը։ Հետեւեալ նոր առուագլուխը 100-200 մետր ներքեւ է, բաւական տարածութիւն նոր ջրերի գոյացման, նոր առուատիրոջ համար։

Այն ինչ որ Սևաղրում է կատարւում գետնի խորքերից, աչքի համար ոչ տեսանելի, Ամբերդայ ձորում ակներեւ է կատարւում։

Դառնանք Աղաբաբեանին։ Ստորերկեայ ջրերի փաստ է համարում նաև Ուլուխանլու կայարանի մօտ փորւած արտեզիան ջրհորը, որ ընդամենը 12 սաժէն խորութեամբ, Յ գիւմանոց խողովակով վայրկեանում 22 լիտր ջուր է տալիս։ Հաշւի է առնում վանքի հին և նոր քանագանները, որոնց սկսած ամենաբարձր հորը Սևաղը մակերեսոյթից 18 սաժէն բարձր է, հետեւապէս Վաղարշապատի հողերի բարձրագիր մասերը ևս կարելի է ջրել, առանց Սևլըի մակերեսոյթին ինքնառու գիմելու, կամ արհեստական նասոսաների ջրաբարձրացմանը։ Խորհրդացին իշխանութիւնը մի քանի նոր արտեզեան ջրհորներ է փորել, որ բրոշերի գրելու ժամանակ չկային։

Հորերի չափումը ի յայտ բերեց մի ու-

Քիշ հանգամանք . Վաղարշապատի գաշտը ստորերկեայ ջրերի երկու շերտ ունի . առաջինը սկսում է Քասախ գետից և տարածում է մինչև Շողակաթի վանքը , ոչ այնքան խոր հոսող ջրերով : Երկրորդ շերտը սկսում է այդտեղից և տարածում է դեպի Չուարթնոցը , որտեղ ջրի հոսանքը 9 սաժէն աւելի խորն է լնկած առաջնից :

Ընդհանուր տեղագրական ծանօթութեան վրայ հիմնած՝ նա վանքին առաջարկեց հինգերորդ ծրագիրը . մի կողմ թողնել Սևջրի և նասոսների մհծածախք ձեռնարկները , փորել երեք ուղղութեամբ նոր երեք քանքաններ , ծախսելով 30,000 + 10,000 + 30,000 ընդամենը միանուագ 70,000 սուրլի , և գոյութիւն ունեցող առուների հետ կոմբինացիաներ կատարելով , ջրել վանքի չջրւած 4,500 գեսեատին հողը , հետեւապէս վաղարշապատի ամբողջ գաշտը :

Երեք քանքանների տարեկան նորոգութիւնների և մաքրելու ծախսքը չնշին կ'լինի :

Քարհիզների կամ քանքանների մասին մի ամփոփ տեղեկութիւն կարգացի Մաքրիետա Շահինեանի «Օրագրութիւն» գրքածքում , հրատարակւած 1932 թ . որ իմ ձեռս անցաւ սոյն 1933 թ . մայիսին , որ համառոտութեան մէջ շատ սիրուն եղանակով լուսաբանում է այդ խնդիրը : Նա գըրում է այսպէս .

«Գանձակի ջրամատակարարում . պատմւած ինժիներ գլուխավլիկ Սուխինի կողմից :

«Աղբբեջանում ջրամատակարարումը կատարւում է քարհիզներով , տեղական յատուկ շինարարութեամբ : Քարհիզները շատ հին են . մեզ մօտ մտել են Պարսկաստանից , իսկ ծագումը Ասորեստանից է : Քարհիզ փորողները , քեանքեանչի կոչւած , բացառաբար պարսիկներ են միայն (ունեցան առջև չեն) . վերջերս դրանց թւին աւելացել են հայեր և թուրքեր , որ արխալիկ աշխատելու ձևերի մէջ նորութիւններ են մտցրել : Պարսկաստանում քարհիզների սիստեմն այնքան է առաջ գնացած , որ այնտեղ գետնատակ ջրեր են ժողովում մինչեւ 150 մետր խորութիւնից (շատաղանցը նէւ է) : Մեզ մօտ Աղբբեջանում գոյութիւն ունին մի քանի հազար (?) քարհիզներ . միայն Գանձակի շրջանում կան մօտ 170 քարհիզներ : (Այսպէս յէլած էր+ նուելը , 150 , հաշարներ եւ 170 , կարծուած չ'ապէտ+ ե ընդունել որոշ վերադասումնվ) : Ի միջի այլոց քարհիզներ կան նաև Կալիֆորնիայում , բայց աւելի կատարելագործւած ձեւով , քանի որ շինողներն ինչիներներ են : Աինքը Սուխինը առերեսոյթ քարհիզների նկատմամբ թերահաւատ վերաբերմունք ունի . իսկ ինձ (Յանինեանին) թւում էր որ դա գրաւիչ էր և հիմնական միտքը խիստ յաջող :

«Գետերն էլ մարդու նման կրկնակիր

կեանքով են ապրում, գետնի տակում և գետնի վրայ և յաճախ այդ կրկնակի ապրումները միմեանց չեն ծածկում: Ինչիներ Սուխինն այսպէս էր պատմում: Լեռնային գետակը սկիզբն էր առնում բարձր լեռներից և գահավէժ գլորուում է դէպի գաշտը: Նրա անցած ճանապարհի առաջի մասը մեծաւ մասամբ ժայռահունով է ընթանում և ջուրը գետնի մէջ չի ներսուղուում: Բայց հէնց որ գետը հասնում է գաշտային մասերին, որտեղ գետինն արդէն թափանցիկ է, ջուրը ներս է ծծւում և կազմում է վերնագետի հետ երկրորդ մի գետ գետնի տակում, զուգահեռ վերեինի, բայց ոչ միշտ նրա անմիջական ներքեւում, այլ ճիւղաւորուում է հովհարանման, իսկ տեղ տեղ էլ ճահիճներ է կազմում: (Աւելէ ժիրական և առաջին է ինչներ Աղաբեկանի ուշշաբանութիւնը):

«Եւ ահա քարհիզի միջոցով կարողանում են առնել այդ գետնատակ ջրերը, ստորերկրեայ առուներին տալով որոշ թեքութիւն, որպէս զի ցանկացած տեղում ջուրը բարձրանայ գետնի երեսը . . . քարհիզը շինում են այսպէս, փորում են 40-50, երբեմն մինչև 60 մետր խորութեամբ (Պարսկաստանուած այդ խորութիւնը էրբէն մնալ 150 մետրէ և հասնուած է) հորեր մօտ 40 մետր հեռաւորութեամբ և գետնատակում միմեանց հետ միացնում են: Իսկ քարհիզի երկարութիւնը կարող է լինել

երկու երեք, մինչև եօթ կիլոմետր . . . քարհիզի միջացով ջրաստացումը անհամեմուտ աւելի աժան է . . . օրինակ 1931 թուի գներով Գանձակում քանքանի միջոցով որոշ քանակի ջուր ստանալու համար պէտք կ'լինէր ծախսել 6-7 հազար ռուբլի, իսկ նոյն քանակ ջրի համար գետնաերեսի առուներով ջուր ստանալը կ'արժենար 315 հազար ռուբլի»:

Գանձակի շրջանում, ինչպէս ասւել է, Գանձակի գետի ուղղութեամբ գործում են մինչև 170 քանքաններ, գետնաերես հն հանում մինչև 80,000,000 խորանարդ մետր ջուր և տարեկան ջրում են 500 հեկտար հող (տե՛ս յիշւած գրքի էջ 421-423):

ԺԱ. Եզրակացութիւն եւ մեր առաջարկը.

Մեր երկրի կոնտինենտալ կլիման ոռոգումը անհրաժեշտ է գարձնում: Մեր երկիրը գտնուում է Եւրոպայի քաղաքակրթութեան էտապները նախապատրաստող Ասորա-Բաբելոնիայի, Եգիպտոսի, Փոքր-Ասիայի և Պարսկաստանի սահմաններին կից, որտեղ քաղաքակրթութեան նախագրեալ պայմանը ծառայել է հողի մշակումը ոռոգման միջոցով: Մեր երկրի հնագոյն պատմական բնակիչները, արեմուտքում Հետիւները, արեւելքում Ուրարտացիք կամ Խալդիացիք, ազգուորէն մասնակցել են հին քաղաքակրթութեան յառաջիւ-

դացմանը . մասնաւորապէս իտղիացիք ջրաշխարարութեան մէջ խօսոր, ցայսօր գործող ձեռնարկներ են թողել իրենց ժամանակւայ ամենակատարեալ տեխնիկայով : Զափազանց սակաւաջուր Պարսկաստանի իր մշակելի հողերի համարեա երեք քառորդը օգտակար է դարձնում ստորերկեայ ջրերի շահագործմամբ : Այս սիստեմի գործադրութիւնը հայաստանում թէե չի ընդհանրացել, բայց Վանի, Թիմարի, Գանձակի, Նախիճնանի գաւառների և էջմիածնի հին ու նոր գործերը գործի կատարեալ յաջողութեան գրաւականներն են : Դիտական պատրաստութեամբ երկրաբանի ձեռք բերած տուեալները և մանաւանդ վարպետ Դ. Ղարախանեանի մեծ արգիւնքի ի յայտ բերելը մեր երկրում քանքաններով առատ ոռոգման և այլ նպատակների համար, ջրեր ստանալուն, ոչ մը կասկած չեն թողնում գործի յաջողութեան համար :

Էջմիածնը չգործադրեց ինչ . Աղաբեանի չափազանց խոստումնալից առաջարկը, որովհետեւ 1912 թ., համարեա կէս դար անվերջ դիմումներից յետոյ կովկասեան ցարական իշխանութիւնից իրաւունք ստացաւ Զանգու գետից ինքնահոս առու հանելու և առանց ժամանակ կորսնցնելու անմիջապէս գործի ձեռնարկեց : Վրայ հասաւ աշխարհաւեր պատերազմը և մինչեւ այժմ անուշադիր և անգործագրելի է մը -

նացել քանքանափորութեան խնդիրը, մեծ ծրագրային չափերով :

Մեր գետերի մեծ մասը գոյանում են արտասովոր մեծ աղբիւրներից . ամենախոշորներն են՝ յաճախ յիշած Աևջուրը, Մենուասի առուի աղբիւրը, Շոքիի աղբիւրը Սիսիանում, Քասախ գետի աղբիւրները՝ Ալիքուչակ գիւղում, Երեան մայրաքաղաքին այնպիսի սքանչելի ջուր մատակարարող Ղրիմուլաղը, Գառնի գետի աղբիւրները և շատ շատերը : Այդքան մեծ յորդութեամբ զուրս ժայթքող աղբիւրներն ապացոյց են, որ հողի ծակոտէին շերտերով ներս թափանցող ջրերի բաւական խոչըր մասը, աւելի խորս թափանցելու բնական արգելքի հանդիպելով, կուտակւում են մի ուղղութեամբ և մեծ աղբիւրներին սնունդ տալիս . բայց չէ՞ որ որոշ տեղերում արգելիչ շերտերը տարբեր թեքութիւններ ունին կամ տարբեր խորութիւններ : Հմուտ քանքանափորների և աւելի շուտ երկրաբանների գործն է գտնել այդ տարբեր շերտերի ուղղութիւնը, որոնց ջրերն են զանազան ճահիճների անպէտք և վնասակար գոյացումը առաջ բերում և քանքանի միջոցով, ցանկացած վայրում հանել երկրի երեսը և շինարարութեան նպատակների համար օգտագործել :

Խորհրդային իշխանութիւնը տարէ ցտարի մեծ ծախք ու ջանք է թափում, գրենաժի միջոցով չորացնել Արաքսի հով-

տի ուղղութեամբ ընկած ճահիճները, մաւլարիայի գէմ կուելու և բամբակամշակութեան համար օգտակար հողեր աւելացընելու։ Մասնագէտ անձի վկայութեամբ կապտաժով հնարաւոր է Վազարչապատի գաշտում 4500 գեսեատին հող ջրել, եթէ այդ իրագործելը չէ՞ որ այդ տեղի էր ունենալու ի հաշիւ զորուղի, Վարմազիարի և այլն ճահիճների ջրերի, որով մեծածախք դրենաժի անպէտք կորչող ջրերը երկրի կուլտուրայի մշտական աղբիւր կը դառնային։

Ամբերդի ձորի յիշած բազմաթիւ առուների ջրերը ամառաւյ վերջերին բաւական պակասում են և ջրային վէճերն ու ընդհարումները սովորական են դառնում, մինչեռ նոյն ձորի աջ կողմում գտնուզ կրմանի զիւղի և նրանից աւելի բարձր ընկած տեղերում ընդարձակ ճահիճներ կան, որ քանքանների մէջ ի մի հաւաքւած ճահիճները կ'չորացնեն և ջրի սուր պակասութիւնը կ'թեթեացնեն։ Նոյն պիսի ճահիճներ ծածկում են Դարագելից հարաւարեկլք ընկած տարածութիւնները։ Ճահիճներից ագատ չեն նաև Սեանի լճի մերձակայքի հողերը, Զաղալու զիւղի մօտ նշանաւոր Մազրայի և ուրիշ տեղերում։

Քանքանների օգտակարութեան մոմենտները կարելի է համարել հետեւելները։ Ունենք երկրամասեր, որտեղ ջուր

հասցնելը մեծամեծ ծախքերի հետ կապւած լինելով, օգտագործման հնարաւորութիւնից դուրս են մնում։ Քանքանների փորելը, մտնաւանդ ներկայ տեխնիկայի օժանդակութեամբ, կիր արկելով հանքափորութեան սիստեմները, ինչպէս ինչ. Աղաբարեանն է տռաջարկում, աւելի աժան կ'լինի, քան շատ տեղերում առուների անցկացնելը, որովհետև ճանապարհին չեն ունենալ այն սոսկալի անհարթութիւնները, որ սովորական են մեր լեռնոտ երկրում։ Քանքանները աղատ են հեղեղների և գարնանային յորդացած ջրերի վնասներից։ Նրանց մաքրելը և կանոնաւոր պահպաննելը շատ աւելի զիւրին է և աժան առուներից։ Քանքանները աղգաբնակութեանը կ'աշտակարարեն միկրոբներից և վարակումներից աղատ և ամառաւյ շոգ եղանակներին զովացուցիչ սառը ջուր։

Քանքանները կ'ունենան և մի ուրիշ խոչոր օգտակարութիւն։ Հիգրոէլէկտրօնկայանների ցանցը գնալով ծածկում է մեր երկրի բոլոր անկիւնները, շնորհիւ մեր երկրի արագավազ գետերի և մանաւանդ Ասանի վիթխարի ջրամբարի։ Տիխնիկայի համար բաւական գժւար լուծելիք խնդիրներից մէկն է, տուրբիններին ոյժ մատակարարող ջրի քանակը ըստ կարելոյն հաւասար չափերի մէջ պահպանել։ Մեր երկրի լեռնային մասերում հանած քանքանները ոռոգման խիստ կարճ սեղոն ունին.

տարւայ մեծագոյն ժամանակը կարելի է
և պէտք է քանքանների ջրերը միացնել
գետերի ջրերին և տուրբինների ջրապա-
շարի պահանջը կայուն դարձնել:

Խորհրդային իրաւակարգում վճռա-
կան կամքի արտայայտութեան օրինակ-
ները շատ են շատ: Հաւատում եմ, որ
նոյն կամքի մէջբերումով, մեր երկիրը
կ'ծածկւի կենդանութիւն տուղ ջրի երակ-
ներով: Այդ կ'կատարւի արդէն աւարտած
առուների և զոերի հսկայական ծրագրի
ոռոգման իրագործումով, որոնց լրացուցիչ
կ'ցանկանայի որ միացւէր նաև քարհիզ-
ների սիստեմի գործադրութիւնը:



Մեր ի մի հաւաքած տեղեկութիւննե-
րը ջրաշխնարարական գործերի մասին այժմ
Հայաստան անունը կրող երկրամասի վե-
րաբերեալ, որ այդ երկրում յատկապէս
քաղաքակիրթ և բարեկիրթ կենցաղ լս-
տեղծելու ամենահիմնական խարիսխն է,
կարող են ընթերցողին իրական պատկեր
տալ, թէ հնագոյն քաղաքակրթական կի-
զակէտում բնակութիւն հաստատած ժո-
ղովուրդները ո՛ր չափով են բարերարեալ
իրենց վրայ իշխող օտարագգի եւ բնիկ
տէրերից: Այդ տէրերի ստեղծած բարիք-
ների կամ աւելի ուղիղ չարկեների պատ-
կերն աւելի իրական է պատկերանում մեր
աչքերին եթէ թւենք այն աշխատանքները
որ կատարել է Հայաստանի ներկայ Խոր-
հըրդային Հանրապետութիւնը, ոչ թէ հա-
զարամեակներում, այլ իր գոյութեան ոչ
երկու տասնամեակ ընդգրկող ակնթար-
թում:

Մեր երկրի խոշորագոյն ջրերի գոր-
ծերի գլուխ կանգնած է ինչիներ Յավսէփ
Տէր Աստուածատրեանը: Մեր կառավա-
րութիւնը նրան յանձնեց Շիրակի բար-
ձրաւանդակ գաշտի ոռոգման գործը. նա

ՀԱՄԱՌՈՍ ԱԿՆԱՐԿ

ԽՈՐՀԴԱՅԻՆ ԶՐԱՇԻՆԱՐԱՐՈՒԹԵԱՆ ՎՐԱՅ

էր որ փայլուն կերպով, ամենակարձ ժամանակում գլուխ հանեց և աւարտեց «Շիրարիսը», որ իրբ սկզբնական զործ հայ վարպետներ և գործաւորներ պատրաստեց հետեւալ աւելի մեծագոյն ձեռնարկների համար։ Նոյն ինչիները շղթայեց մեր մեծ բանաստեղծ Յովհաննէս Թումանեանի հայրենիքի և նրա երգած Դեբետ-Զօրագետը, ծառայացնելով 30,000 ուժանոց էլէքտրակայանին, որով լուսաւորւում է պատմական հնութիւններով այնքան հարուստ Լոռին, հալում է մեր երկրի հարստութիւն կազմող պղնձահանքը, էներգիա է մատակարարում Կիրովականում — նախկին Ղարաքիլիսա — քիմիական զանազան արտադրանքների հսկայ գործարանին։ Այժմ նոյն Տէր Աստուածատրեանը գլուխ է կանգնած առասպելական հսկայ մի գործի։ «Սեվան-Զանգու կասկադին», այն է օգտագործել հայկական ամենաբարձր տեղում թառած վիթխարի ջրամբարը եւ տարէցտարի բացթողնելով այդ ջրապաշտը, Զանգու գու գետի ափերին կառուցանել յաջորդաբար տաս էլէքտրակայաններ, որ Հայաստանին պիտի տան կէս միլիոն ձիու ոյժ, բազմապիսի վիթխարի գործարաններին և ձեռնարկներին անընդհատ ոյժ մատակարաբերով և մեր մողովորդին յարատե բարեկեցութեան աղբիւր ծառայելով։ Այդ գործարաններից երկու հսկայ արդէն պատրաստ են. Դավալուի ցեմենտին և երեւ

ւանի կառւչիկինը, չյիշեմ մի քանի փոքրերը. պատրաստ է նաև կասկադի հըսկայ կայաններից մէկը, «Բանաքեռգեսը», 60,000 անոց էլէկտրոկայանը, որի բացման օրը որոշած է սոյն թւի Յուլիսի 15ը։

Այդ վիթխարի ձեռնարկի մէջ կարեւորագոյն տեղ է գրաւելու նաև ոռոգման գործը. Սևանից հոսող ջուրը իր սկզբնական նպատակը լրացնելուց յետոյ կուտակւելու է ծրագրած մեծ ջրամբարներում և ոռոգելու է Հայաստանի անապատներից 20,000 հեկտար տարածութեամբ «Ղոեր»։

Այն մի նոր ձեռնարկի մասին մայրաքաղաքի եւ գաւառական բազմաթիւ թերթեր, որ կարդացել և շատ բան մոռացել էի, ուստի դիմեցի Երեանում հէնց էն գլխից որ ժամանակին արել են նոյնպէս Ջրաշինարարական գործով զբաղւող ինչիներ Գրիգոր Շերմազանեանին և խնդրեցի լրիւ տեղեկութիւններ։ Նա ինձ ցոյց տուեց մի գիրք, մեքենայով գրած, լրիւ տեղեկութիւններով, որ պատրաստւած է իրեն պաշտօնական զեկուցում և ներկայացրած է Հայաստանի և Մոսկվայի կենդրոնական իշխանութիւններին։ Այդ պատկառանքազոյ գրաւոր փաստաթուղթը ցոյց է տալիս, թէ ի՞նչ խոշոր գումարներ են տարէ ցտարի ծախսուում երկրի բոլոր անկիւնների ոռոգման գործը առաջ տանելու համար. տրւած են մանրամասն հաշիւներ, յատակագծեր, կատարւած և լնթացքի մէջ հ-

զող աշխատանքների լրիւ տեղեկութիւններ, պարզաբանւած բազմաթիւ լուսանկարչական պատկերներով։ Այդ զեկոյցը կատարեալ պատկեր է տալիս, թէ գուցէ տաս տարի չանցած, Հայաստանում չեն մնալ այլևս ամայի և անջրդի վայրեր որ կարգաւորւած կը լինին մեր լեռնային գետերի ըմբոստ և պարնան հեղեղներով ահագին մշակած հողամասեր ոչնչացնող ընթացքը, որ վերականգնած կը լինին պատմական առուները նորագոյն տեխնիկայով և բոլոր գիւղերը, բացի ոռոգման նըպատակների, նաև մաքրկանց ու կենդանիների համար խմելու առատ և առողջարար ջուր կ'ունենան։

Աշխատանքները կատարւում են ծըրագրւած եւ ուսումնասիրւած եղանակով ըստ այսմ։

Ա. — Անց են կացրել բոլորովին նոր առուներ մեծ և փոքր, ամայի և երեք չջրւած հողամասեր մշակելու և լաւագոյն բերք ստանալու համար։ Ես կը յիշատակեմ միայն գլխաւորները։ Առաջի տեղը բռնում է Շիրառուն, 1500 մետր ծովի մակերեսոյթից բարձաւոնդակի վրայ, որ ոռոգելու է 11,750 հեկտար անջրդի տարածութիւն, իսկ մի մասը նորից թափուելով իր մայր գետի՝ Ախուրեանի ճիւղի մէջ, արգէն ծառայում է լենինականի մեծ հիգրոկայանի համար, որի ոյժից օգտւում են քաղաքի լուսաւորութեան, Տեքստիւ

մեծ գործարանի և մստգործարանի մերձակայ գիւղերի և այլ կարիքների համար։ Երեսն քաղաքում, առաջին ելեկտրակայարանի ջուրը գետը թափւելու տեղից սկսած նախանցեալ տարի, ընդդամենը 8 ամսւայ կարճ ժամանակամիջոցում, մի մեծ առու շինւեց, որ հասնում է Ղամարլուի շրջանը ահագին տարածութեամբ բամբակամշակման համար անապատ հողեր ոռոգելու, և քաղաքի մէջ կառուցած երկրորդ հիգրոկայանին ոյժ տալու, որովհետեւ առաջի կայարանը ամեննեին չէր բաւարարում օրէցօր աճող, արգէն 150,000ը անց ազգաբնակութեան առօրեայ կարիքներին և մանաւանդ նոր կառուցւած գործարաններին։

Աւարտել է Մեղրի շրջանում կարճեւան գիւղի առուն, որ սկսւեց 1923ին և վերջացաւ 1932, շնորհիւ այն բարդ պայմանների, որ կապւած էր այդ շինարարութեան հետ։ Սկսւած է Մեղրի գետի վրայ մեծ ծաւալով աշխատանքներ՝ հիգրոկայանի և ոռոգման համար, որ գլուխ գալուց յետոյ պատմական Արևիք գաւառը, պաղաբուծութեան համար տմենաաչքի ընկնող տեղը Հայաստանում, ընդգարձակելու է իր արտադրանքը մի քանի անգամ։

Բ. — Կարգաւորում են գոյութիւն ունեցող ջրամատակարարումը նոր պահանջներին յարմարեցնելով։ Արաքս գետը իր

ափերը եղերող բարձր ժառերից ազատւում և Արարատեան գաշտ է զուրս գալիս իր աջ ափին գտնւող Դարադալա-Երուանդակերտ քաղաքի աւերակներից մի փոքր ներքեւ, Արմաւիրի բլուրի մերձակայքում: Հենց այդ տեղում հնագոյն ժամանակներից, նրա ձախ ափին, վերցրւած են մի շարք առօւներ զուգահեռ, մէկը միւսից ոչ շատ հեռու: Այդ առօւներից հնագոյնն է Ուրարտեան Արգիշտիս թագաւորի շենածը, որ իր ձեռնարկը յաւերժացրել է առօւի վրայ մեծ ժայռի երեսին փորած սեպածե արձանագրութեամբ: Այդ փոքր առօւները, մի կամ մի քանի զիւղերի յատուկ, թէ նորոգման համար տարէցատրի մեծ ծախքեր են պահանջում և թէ թանգարժէք ջրի ահագին անօգուտ վատնում է տեղի ունենում: Կառավարութեան կարգադրութեամբ նորագոյն տեքնիկայով կառուցւեց «Սարդարապատի առօւն», որ մինչև այժմ ջրած հողերի կրկնակի տարածութեանն է բաւարարելու, և միծաքանակ անապատ՝ բամբակի, խաղողի, արժէքաւոր պտուղների գաշաեր են գառնալու: Դրանից աւելի կանուխ հիմնովին աւարտ հանւեց էջմիածնի վանքի պատրաստած և ոչ աւարտած, «Լենինեան» անունով վերակոչւած առօւն և այն անապատ տարածութիւնները որ կային էջմիածնից Երեան տանող ճանապարհի վրայ, արդէն պարաստաւած այգիներ են լաւագոյն խաղո-

զի, գեղձի և այլ պտուղների, բոլորը «Պետական Սովորողներ-սովետական տնտեսութիւններ», օրինակելի մշակմամբ, համեմատ գիւղատնտեսական լաւագոյն պահանջներին:

Գ. — Կան այնպիսի ջրեր, որ իրենց շրջապատի բերրի հողամասերից շատ խոր են լնկած և ինքնահոս եղանակով անկարելի է օգտագործել: Այդ ջրերը գարերով անօգուտ հոսել են, շատ անգամ, իրենց կազմած ճահճներով, իբրեւ մալարիայի բուծարաններ, շրջապատի բնակիչներին չարիք պատճառելով: Ամենայայտնին է էջմիածնից եօթ վերստ արևմուտք լնկած Սև ջուր գետը, պատմական Մեծամօրը: Այդ գետը իսկապէս հսկայ մի ազբիւր է, որ մի քանի տեղերից գուրս ժայթքելով ակներից երկու վերստաչափ հեռաւորութեան վրայ ոտով անանցանելի մի մեծ գետ է կազմում և շուրջ բոլոր մեծամեծ ճահճներ կազմելով միանում է Քասախ գետի հետ և թափւում է Արաքս գետը, շատ չնչին տարածութիւններ ոռոգելով: Ցարի ժամանակ էջմիածնի վանքն իրաւունք էր ստացել իր ցանկացած քանակով այդ ջրից օգտւելու իր սեպհականութիւն կազմող Վաղարշապատի գաշտի ոռոգման համար ժամանակին գործը յանձնեց լնջիներների, որ ծրագրեցին ջրաբերանի առաջ ամրակուռ պատմէշ կառուցանել, հնարաւոր չափով բարձրացնել ջուրը եւ ինքնահոս

Ընթացքով բերել հասցնել վանքապատկան հողերը։ Ծախսւեց պատկառելի գումար, 12 թէ 15,000 ռուբլի, կառուցւեց պատշէը, բայց երեաց որ ինչիներները հաշիւների մէջ սխալել էին, կառուցւածքները չգիմացան ջրի մեծ ոյժին, քանդեցին պատնէը և ժողովրդական ասացուածքով՝ վանքի ծախքը «ջուրը տարաւ»։

Սևջրի ազրիւրների ամենամեծը բըղխում է Այզր լճից, մի փոքր լճակ բազալտքարերի ափերով եղերւած։ Կառավարութիւնը գործի զլիին կարգեց ինչիներ Շերմազեանին, որը ծրագրեց Երևանից, կառավարութեան նոր պատրաստած էլեքտրակայարանից, 1400 ձիու ոյժ փոխադրել մինչև այդ լճակը, այնտեղ շինել մեծ ջրամբար ջրի մակերսոյթից 10 մետր բարձրը, մեծ ջրհան մեքենաներով ջուրը բարձրացնել ջրամբարը և ինքնահօս առւով բերել մինչև մշակւելիք հողերը։ Ծրագրւած 6000 հեկտարից 2475 հեկտարը ներկայումս կենդանացել է այդ ջրով։ Նման ջրհաններ գործում են նաև Դամարլուի ջրջանում և ջրհաններով արդէն մշակւում են 4905 հեկտար հողեր։

Դ. — Հայաստանի գետերի մեծ մասի ստորին վայրերում, նախ քան Արաքս թափելը՝ կազմում են մեծամեծ ճահճաներ։ Այզպէս են Սևջրի, Զանգուի, Վեդիի գետերը։ Այդ ճահճները մեծ չարիք են, ինչպէս յիշւեց, իբրև մոծակարուծ վայ-

քեր և իբրև լաւագոյն հողերի անպէտքացընողներ։ Մալարիան հայ դաշտաբնակ քնակիչների աղէտն է և դարերի ընթացքում չգիտենք որ և է իշխող, որ այդ մեծ աղէտի դէմ միջոցներ ձեռնարկած լինի։ Խորհրդային կառավարութիւնն է, որ հէնց էն գլխից ուժեղ կոիւ է յայտարարել այդ աղէտի դէմ բժշկական պրոֆիլակտիկ միջոցառումներով, տրոպկայանների հիմնարկներով, ճահճները նաւթով սրսկելով և որ ամենից զլիաւորն է, ճահճների աստիճանական չորացումներով, որով ստացւում են նորանոր պարարտ հողամասեր բամբակամշակման բարձր կուլտուրայի համար։

Ե. — Պատմութեան մէջ ինձ յայտնի չին գէպքեր թէ երբ և է աշխատանք կատարւած լինի մեր երկրի լեռնային գետերի կարգաւորման մասին։ Խորհրդային իշխանութեան երկրորդ տարին էր, որ Երևանի միջով հոսող, գլւատարապէս Ղըրլսբուղի աղբիւրներից գոյացած Գետառ գետակը, գարնան ձիւնահալքի ժամանակ չափազանց մեծանալով, գուրս եկաւ ափերից և հեղեղեց քաղաքի մեծ մասը, տների ներքնայարկերը լցնելով քար ու աւազով և մեծ տւեր պատճառելով աղքարնակութեանը, երբ խորհրդային բոլոր հանրապետութիւններից օգնութեան եկան աղէտեալ բնակչութեանը։ Համարեա ամեն տարի այս կամ այն գետակը ուռնանալով

մեծ անձրևներից և կամ առատ ձիւնահաւ-
լոցից աւերում է տներ, այդինքը ու մշակ-
ւած դաշտեր հեղեղատի յատակ դարձնում,
անսառնների և մարդկանց մեծամեծ զոհե-
րով: Եթի 1895ին ոտով ճանապարհորդում
էի Աւստրիական Տիրոլում, զարմացմամբ
և նախանձով տեսնում էի, որ քաղաքա-
կիրթ այդ երկրում լեռնային գետակների
յատակները սալայատակած են, ափերը
պատերով ամրացրած: Այժմ մեր երկրում
ևս հաստատւել է մի հարազատ կառավա-
րութիւն, որ ծրագրային ընթացքով մեր
գիտ ու ըմբոստ գետերին կարգ է սովոր-
ցընում, նրանց ճանապարհները շտկում,
որ այլ ևս մոռանան իրենց դարերի տա-
րեցտարի կրկնող աւերն ու մեծամեծ վր-
նասները:

Զ. — Մեր լեռների փեշերից բղխում
են բազմաթիւ սառնորակ և անուշահամ
մեծամեծ աղբիւրներ. բազմաթիւ հեքիաթ-
ներում գովարտնաւած են այդ անմահական
ջրերը, սակայն աղդաբնակութեան ո՞ր
մասն էր օգտառում այդ ջրերից: Ակունք-
ներից շատ չեռացած, ամեն տեսակ ան-
մաքրութիւններ և հանքային բաղադրու-
թիւններ ոչնչացնում են այդ ակնաղբիւր-
ների անմահական յատկութիւնները և
դաշտերում ապրող ժողովուրդն ու կեն-
դանիները խմում են ինչ որ գտնում են,
որովհետեւ շատ տեղերում քանակն էլ է
պակասում: Հին դարերում աղբիւր չի-

նելը բարիք և Աստուծոյ գործ էր համար-
ւում: Իսկ այժմ, գաշտային շատ գիւղե-
քում արդէն գործում են արտեզեան ջըր-
հորներ և կամ լեռներից բղխող սառնո-
րակ աղբիւրներ խողովակներով բերած
հասցրած օգտագործման վայրը:

Նախապատերազմեան վերջի տարինե-
րում երեանի մի քանի հայ վաճառական-
ներ, շահագիտական նպատակներով, Պըրխ-
քուլաղի աննման աղբիւրից ջուր էին բե-
րել քաղաքը և վաճառելով ազգաբնակու-
թեան, միայն գնելու ընդունակներին, մե-
ծամեծ օգուտանի էին ստանում: Այդ ձեռ-
նարկը հաշւած էր 30ից 40,000 ազգաբնա-
կութեան համար: Երեանի արագ աճող
ազգաբնակութիւնն արդէն ջրի նեղութիւն-
ներ էր քաշում: ստիպւած առուի վատ-
առողջ և անմաքուր ջուր էր գործ ածում: Արագ կերպով դրա առաջն առնեց: այժմ
քաղաքի բոլոր թաղամասերում, փողոց-
ների ոչ հեռաւոր մասերում առատու-
թեամբ հոսում է անուշ և սառնորակ ջու-
րը և ջրի պակասութեան մասին այլեւ ոչ
ոք չի մտածում: Անցեալ տարի Արագածի
աղբիւրներից ջուր բերին հասցրին Կարբի
և Աշտարակ գիւղերը, այս տարի աղբիւրը
հասաւ Օշական, իսկ վաղարշապատը:
Այս տողերը գրում եմ Մայիսի նախօրեա-
կին: Մայիս 1ին Վանքի հանդէպ Շահում-
եանի հրապարակում բացւելու է խորհը-
գային այդ մեծ քաղաքացու արձանը, ար-

ձանի առաջում մեծ աւազան է պատրաս-
տւած, որի բացման հանդէսը յաւերժանա-
լու է այդ շատրւանի բարձր ցնցուղներով
գուրս ժայթքով Արագածի փեշերից բերած
հասցրած սառնորակ զուլալ աղբրաջուրը,
ժողովրդի ցնծութիւնն, ուրախութիւնը
կատարեալ գարձնելով:

Քանիցս յիշատակած զեկուցումը պա-
րունակում է 28 անուններ ջրաշինարարա-
կան արդէն աւարտած ձեռնարկների, յի-
շատակում է մի շարք ծրագրած և մօտիկ
ապագայում գլուխ բերելիք մեծամեծ և
փոքր աշխատանքներ նոյն ուղղութեամբ
և նպատակով:

Այս համառօտ ակնարկը և հնարաւոր
չափով ի մի հաւաքած պատմական տեղե-
կութիւններ տալով՝ ընթերցողին ենք թող-
նում միմեանց հետ համեմատելու հինն ու
նորը և եղրակացութիւններ հանելու:

Զգալի կերպով փոխւում է երկրի կլի-
ման, անապատների եւ անջրդի տեղերի
մշակումով և մեծ չափերի պաղատու ծա-
ռերի, խաղողի այգիների և այլ ծառերի
տարեցտարի աճող քանակով:

18




«Ազգային գրադարան



NL0293415

17. 293



ԳԻՆ ՄԵԿ ԶԻԼԻՆ